

COMMENTARII  
DE REBUS  
IN  
SCIENTIA NATVRALI  
ET  
MEDICINA  
GESTIS.



VOLVMINIS XXII. PARS II.

---

LIPSIAE MDCCLXXVII.

APVD IOH. FRIDERICVM GLEDITSCH.

Venduntur etiam

Lugduni Batauor. apud Fratres Luchtman, Londini apud Fr. Elmsly,  
Venetiis apud I. B. Pascali, Romae apud St. Richard, Aug.  
Taurinor. apud Giraud et Gravier.







I.

Journal de Médecine, Chirurgie, Pharmacie  
etc. Par M. A. ROUX. Année 1773. Tome  
XXXIX. à Paris, chez Vincent. 8. 1. Alph.  
13 pll. 1 tab. aen. et Tome XL. ib. eod. 1.  
Alph. 13 pll.

i. e.

Diarium ad artem salutarem, chirurgiam et  
pharmaciam pertinens, Auctore Cl. ROUX.  
Vol. XXXIX et XXXX.



Menſe Ianuario 1773 ſequentia conti-  
nentur: Vol.  
XXXIX.

1. *Epitome voluminis ſecundi tranſa-* P. 3.  
*ctionum medicarum Londinenſium* \*).

2. *Deſcriptio fetus monſtroſi*, Auctore Cl. IA- P. 27.  
STELIER. Femina 22 annorum, quinque cum  
dimidio menſes grauida, abortum gemellorum  
patiebatur, quorum alter, ſexus ſequioris, naturali  
gaudebat conformatione, alter vero corpore mire  
conuoluto, ita, vt facies os ſacrum reſpiceret, bra-  
chiiſ

N 2

\*) Vid. comm. noſtr. Vol. XIX. p. 195 ſeqq.

chiis ad longitudinem corporis extensis, femoribus in dorsum replicatis cruribus et pedibus extremis planis, et occipiti appositis, halluce in utroque pede versus tempora flexo; placenta propria alterius infantis non adiuncta, funiculus umbilicalis nullus (ubi tamen haec placenta cohaeserit cum corpore, nullibi notat Cl. Auctor, quod tamen vehementer optassemus, praesertim quum in sectione ipsa moneat, se nullibi vasorum umbilicalium vestigia vidisse): caput monstrosae magnitudinis, facies itidem consolito latior, collum fere nullum: pectus et abdomen in unicam cauitatem coeuntia, quam saccus membranaceus, antrorsum multum prominens, adeo subtilis et pellucidus efficiebat, ut motus cordis in regione iliaca sinistra per horam, qua viuebat, distinctissime conspici posset; nates anteriorius et inferiorius sitae, ad latus appendice cristae simili instructae, quae quodammodo nymphas referebat, et in medio tuberculum carneum habebat; posteriorius, ubi debebant esse nates, protuberantia carnea, a natibus per sulcum transversalem separata, et ad latus eiusdem cicatrix, varias plicas cutis efficiens: extremitates inferiores, quum extendebantur, situm inuersum obtinebant, ita ut crista tibiae posteriorius posita esset; anus et genitalia prorsus deficiebant. Sectione instituta, saccus iste membranaceus, qui nihil erat, nisi peritoneum, continebat omentum exiguum, hepar insignis molis, cui vesicula fellea situ naturali iuncta erat; sub hepate ventriculus exiguus, huicque adhaerens lien magnitudine seminis phascoli, sub hoc capsula atrabiliaria, magnitudine nucis auellanae; mesenterium structurae subtilissimae intestina cingebat, quae superius per pylorum cum ventriculo connectebantur, inferiorius autem intra mesenterii duplicaturam libere in contextu celluloso fluctuabant;

ossi



ossi sacro et coccygis antèrius incumbèbant thymus, pulmones et cor, haec tamen viscera diaphragmate quodam ab ipsa membrana inuestiente efformato, ab abdominalibus distinguebantur; cor pericardio, similis vt diaphragma structurae, cinctum, apice versus cristam ossis ilei sinistri directum; pulmones contracti, coloris rubro fusci, qui et integri et dissecti aquae iniecti fundum petebant. Nates antèrius sitae musculos gluteos naturales offerebant: massa carnea posterior maximam partem musculorum femoris et nonnullos dorsi, reliquis ( vt probabile erat, et cicatrix exterius conspicienda quodammodo euincebat ) supuratione consumptis; sub hac protuberantia prodibat cauitas insignis, destructis ab ultimis vertebrae dorsi vsque ad finem ossis coccygis omnibus apophysibus spinosis, ipsaque medulla spinali sursum quoque ad primas vsque vertebrae colli absumpta, ita vt solummodo superesset membrana laevis, cauitatem inuestiens, nullo tamen superstite praegressae putrefactionis vestigio. Inferior peluis pars, cum qua haec cauitas communicabat, in fundo, sub sulco transversali exterius conspiciendo, vesicam vrinariam, collo inflexo, et extremitatem inferiorem musculorum abdominalium offerebat, adhaerentem symphyse ossium pubis, posterius sitae; nam tota peluis situm naturali prorsus oppositum habebat. Denique sceleton osseum describitur: in latere dextro sex costae verae et quinque spuriae, quarum vltima cristae ossis ilei incumbèbat; in sinistro nonnisi sex verae, et loco vltimae ac spuriarum lingula ossea, cartilagini xiphoideae similis; costa secunda huius lateris ad vertebrae duplici capitulo gaudebat, in progressu vnito. Spina dorsi in medio antrorsum flectebatur, aequè ac os sacrum et coccygis. Praeter deficientes itaque costas, ver-

tebrarum apophyses spinosas et medullam spinalem, nullibi pancreas, renes cum vasis ipsorum atque vreteribus, capsula atrabiliaria dextra, et organa generationis, conspici potuere. Transimus iam corollaria, et notamus tantum, quod Cl. Auctor sub finem addit, se infantem viuum nosse septem digitis in singulo pede, et sex in singula manu natum.

P. 42. 3. *Alius fetus monstrosi descriptionem*, sed externam tantum, exhibet Cl. IACON. Duo capita, sinistrum maius dextro, hoc tamen per dimidiam horam, illud per pauca tantum minuta vitae signa exhibuit; thorax, quantum exterius iudicari poterat, vnicus quidem, sed duplex sternum, in vnam cartilaginem xiphoideam terminatum: reliqua, fetu antrorsum spectato, prorsus naturalia; sed retrorsum duo alia brachia inter se implexa, ita vt quatuor brachia conspicerentur; quatuor scapulae, duae spinae dorsi, quatuor costarum ordines; spinae dorsi in regione lumborum inter se vnitae.

P. 45. 4. Cl. BOVRIENNE in cadauere militis continuationem muscutorum sternomastoideorum vidit, quae stratum musculosum tres pollices latum, apophysi mastoideae, sterno et clauiculae adhaerens, et a simili musculo alterius lateris duorum pollicum interstitio distans, efficiebat: vterque super sternum vsque ad musculos rectos abdominales decurrebat, in quibus sine tendinis cuiusdam vestigio inferebatur.

P. 309. Postea Cl. IUPPIN in epistola ad editorem diarii huius directa narrat, Cl. PORTAL in cadauere quodam vidisse duos musculos planos, superius, vbi sternum tegebant et musculis sternomastoideis inferebantur, tendineos, postea latiores reditos et situm cum sterno parallelum seruantes, carti-



cartilaginibus costarum verarum adhaerentes, ac demum in extremitatibus superioribus musculorum rectorum terminatos; de reliquo, aequae ac hi musculi duabus intersectionibus tendineis distinctos: putatque, eiusdem conditionis continuationem sterno mastoideorum fuisse, quam Cl. BOVRIENNE observauerat.

5 Cl. TABARY septuagenariam post febrem p. 47. acutam anasarca laborantem breuissimo tempore puluere ex scillae gr. vi nitri gr. xii et cinnamomi gr. ii, mane et vespere cum ptisana aperiente sumto, sanauit.

6. *Noua experimenta* Cl. D'ARCET, et ROVELLE de destructione adamantis in vasis clausis\*). Adamantes globulis ex porcellana confectis et hermetice clausis, hosque crucibulis eiusdem fabricae, tali modo, qualem adiuncta tabula aenea monstrat, indiderunt, admotoque igne vehementissimo, ad octo interdum integros dies sustentato, tractauerunt: pro varietate experimentorum lapides isti vel prorsus disparuerunt, vel insignem ponderis iacturam passi sunt; puluis cornu cerui vsti et pyromachi, iisdem circumiectus, quo immediatus contactus parietum internorum vasorum impediretur, iacturam potius acceleravit, quam retardauit. In igne aperto vera flamma undulans superficiem adamantis lambere conspiciebatur, isque paullo citius, quam argentum fluere inciperet, flammam concipiebat; puluis quoque illius flamma viua celerime deflagrabat, paucis sordibus in vase relictis, nullo tamen animaduertendo vapore; sed ipsam

N 4

defla-

\*) Vid. Observations sur la physique cet. par M. l'Abbé ROZIER Vol. VII. p. 131. comm. nostr. Vol. XXI. p. 278.

deflagrationem antecedeat splendor quidam, in nullo alio lapide, neque in metallis liquefactis detegendus. Adamantes Brasilienses et Orientales iisdem mutationibus obnoxii sunt, sicut ex vtraque regione aequae melioris ac deterioris conditionis depromi gemmarius apud Parisienses celebris *CARNAY* Nostros docuit; dignum tamen notatu, in vtraque India hucdum sub eadem tantum ab aequatore distantia adamantem inueniri, sed in Orientali septentrionem, at in America meridiem versus. Pulvis carbonum destructionem adamantis retardat, sed non plane impedit, si ignis maxima violentia diutius applicatur; an, quia pulvis iste levis et spongiosus non adeo facile, quam pulvis cornu cerui aut pyromachi, intensiorem ignis gradum recipit et retinet? Adamas ipse in vasis clausis, interius perfectam albedinem seruantibus, nigrum colorem adeptus est, quem ergo in interstitiis seu inter laminas ipsius haesisse oportet; inde difficultas lapides istos depurandi, quod saepe casus praestitit, arte frustra adhibita. Ad experimenta haec adamantes minores praestant maioribus. Tandem *Cl D' ARCE* ad obiectiones quasdam respondet, experimentis gemmarii *MAILLARD*, quae hic adductis contraria sunt, innixas; quae experimenta in confesso Academiae Regiae scientiarum capta sunt, et vti nonnihil videtur, assensum Celeberrimi *MACQUER* obtinuerunt \*). Sub finem Auctores nostri, prouocati quasi a *Cl BAYME* \*\*), qui calcinationem metallorum ac destructionem adamantis in vasis porcellanis, aquae et acido vitriolico semper in argillis praesenti adscribit, experimenta super calcinatione vasorum in vasis clausis promittunt.

7. Cl.

\*) Enarrata sunt in diario illo notissimo *Gazette de France*, lundii 11 Maii 1772.

\*\*) *Avant-coureur*, lundii 4. Mai 1772 n. 18.



7. Cl. ROVELLE *de praesentia alcali mineralis* p. 86.  
*in vegetabilibus, et de modo idem absque ignis ope*  
*obtinenti*, qui satis simplex est, et nonnisi macera-  
 tione ac digestionem sufficientis copiae plantae cuius-  
 dam in gradu caloris, qui minor sit quam aquae  
 ebullientis, addita aqua cum minima portione aci-  
 di mineralis cuiuscunque absolvitur; succus expres-  
 sus, euaporationi relictus, crystallos praebet iis si-  
 miles, quas coniunctio sodae cum acido quodam  
 minerali largitur. Hunc mineralem aequae ac ve-  
 getabilem salem alcalinum fixum, itemque acidum  
 triplex minerale, quae omnia regnum vegetabile  
 subministrat, non heterogenea esse, sed aequae ac  
 reliqua principia vegetabilium, opus vegetationis  
 ipsius, cum propria experientia tum aliorum  
 Auctorum testimoniis Noster compertum habet.

Inferius inuentionis huius alcali fixi sine igne p. 265.  
 gloriam Cl. MONTER sibi vindicat, qui illud in *Salsola*  
*kali* detexit et in scriptis academiae regiae scientia-  
 rum proposuit \*).

Menſe Februario:

1. *Continuata epitome tomi ſecundi tranſactio-* p. 99  
*num Londinenſium.*

2. Cl. LADELOT auctorem anonymum \*\*), p. 122.  
 qui ſyſtema Cl. DE LAMVRE defendit, refutat.  
 N 5 Hypo-

\*) Mém. de l' Acad. Roi. des ſciences, Année 1762.  
 Idem detexit Cl. MARCORELLE vid. mém. de Math.  
 et de phyſ. préſentés à l' Acad. par des Sc. v. p. 13.  
 comm. noſtr. Vol. XVII. p. 25.

\*\*) Reflexions ſur le ſyſtème de M. DE LAMVRE, tou-  
 chant le battement des arteres, qui tractatus ſub-  
 iunctus eſt libro: Obſervations ſur le cacao et le  
 chocolat cet. à Paris 1772. 12. vid. comm. noſtr. Vol.  
 XX. p 314.

Hanc hypothesin et quae Noster eidem obiecerit, aliis locis commemorauimus\*). Defensor Cl. DE LAMVRE eius quidem systema amplectitur, sed conuersionem cordis causam esse motus arteriarum, negat, hancque in solo motu spastico membranarum neruearum et musculosarum vasorum arteriosorum, ab actione sanguinis ceu stimuli orto, ponendam existimat. Noster autem regerit, si haec subesset causa, spasmus hunc non nisi per interualla agere debere; praeterea, licet actio organica his partibus aequae ac aliis mollibus corporis viui nequeat denegari, tamen nec fibras musculares in iisdem umquam detectas esse, nec irritabilitatis essentialis fibrae muscularis characteris, vestigia quaedam apparuisse: solum igitur impulsus sanguinis ad latera vasorum sensum pulsationis digitis percipiendum producere.

p. 129. 3. Cl. EMMANVEL *de usu vomitoriorum in gravidis*, aduersus Cl. BONNAVD\*\*). Exempla ab hoc adducta id vitii habent, quod aegrae omnes, seu nuptae fuerint, seu innuptae, grauiditatem dissimulauerint, ideoque emetica largius exhibita, quid quod ab aegris ipsis vehementiora adhuc remedia ad abortum ciendum vsurpata fuerint. Monet autem Noster, vomitum non nisi tunc iuuandum esse, quum ventriculus impuritatibus scatet: symptomaticum vero vel sanguinis missione, vel sedantibus cet. compesci oportere. Addit exempla nonnulla felicitis effectus vomitoriorum in grauidis; aliquando tamen, synocho putrida in septimo vel octauo grauiditatis mense accedente, abortus motus

\*) Comm. nostr. Vol. XVII. p. 275. seqq. et Vol. XIX. p. 541. seqq. 314.

\*\*) Journal de médecine supplément à l' année 1770, deuxième cahier 127. comm. nostr. Vol. XX. p. 65.



tus est, matre tamen seruata. In quadam, quae grauiditatem occultauerat, non tantum vena crebrius secta, sed etiam emetica et emmenagoga fortiora adhibita, fetui tamen non obfuerunt. In alia femina, dysenteria laborante, ipecacuanhae doses minores per quatuor vel quinque dies continuos exhibitae effectum speratum ediderunt. Tandem asserto Cl. BONNAVD, vomitum semper esse motum conuulsium ventriculi, musculorum abdominalium et diaphragmatis, effatum Cl. LIEVTAVD opponit, solummodo ventriculum et intestina eodem affici.

4 et 5. *Epistola* Cl. LE BLANC ad Cl. BEAUSSIER DE LA BOVCHARDIERE de lithotomia, huiusque ad eam responsio. Cl. BEAUSSIER superiore anno \*) sinistrum euentum lithotomiae, quam ipse reformidauerat, a FRATRE COSMO susceptae, enarrans, interrogauerat, vtrum sectio calculi tunica inclusi sub quacumque rerum conditione tentanda, an potius aeger suo fato relinquendus sit? Cl. LE BLANC distinguit calculos tunicae tantum inhaerentes, vti gemma palae (*pierres chatonnées*), ab iis, qui cum tunica ambiente et vesica ipsa coa-luerunt (*enkystées*). Differentiam hanc tactus, exploratione per specillum instituta, atque adeo sonitus, specillo in calculum nudum impingente, euincunt. Si porro digitus ano vel vaginae immisus superficiem calculi inaequalem detegit, probabile est, illum productionibus (*brides*) membranaceis super eum decurrentibus firmari, ideoque extractio tentari cum successu non potest. Idem iudicium ferri oportet, si digitus explorans calculum attingere nequit, versus fundum vesicae collo-

catum

\*) Tom. XXXVIII. p. 350. comm. nostr. Vol. XX. p. 653.

catum. Cl. Auctor, per viginti quinque iam annos lithotomiam exercens, se propediem synopsis operationem chirurgicarum editurum pollicetur, in qua descriptio huius operationis et instrumentorum, quibus ipse in eadem utitur, vberius continetur.

P. 341. Postea FRATER COSMVS ipse hanc quaestionem dilucidandam sibi sumsit. Primo ipse operationem a se factam enarrat, monetque, in prima operatione, a qua destiterat Cl. BEAUVSSIER, sine dubio viam falsam electam fuisse, quia per 48 minuta quaesitus calculus detegi non potuerat, quum deinceps FRATER COSMVS duos calculos apparatu alto adhibito extraxerit; suppuratio acris diutius iusto perdurans euentum finistrum praedicebat. Exempla calculorum tunica inclusorum vel vesicae accretorum adeo rara putat, ut tria exempla, quae enarrat, unica ex plus quam mille calculosis, quos secuerit, fuisse pronunciet. Vidit Cl. BASEL. HAC ex iuvene tres fungos excindentes, qui soliditate, odore et colore lycoperdon referebant, intus grana fabuli cretaeae consistentiae continebant doloresque acerbissimos creabant. Ipse in infante eiusmodi fungum vesicae adhaerentem, calculumque liberum felici cum successu excidit. In alio viro iuniore calculos tres exemit tunicis inclusos et fibris carneis obritos, sine haemorrhagia, et aeger post insignem suppurationem perfecte conualuit. Alius aeger chirurgo exploranti iam calculos persensitendos, iam non detegendos, obtulit; post mortem inuenti sunt plus quam triginta, superfici ei politae, quorum vnus ouum columbinum, reliqui fabam magnitudine aequabant; hi omnes liberi pone prostatam haerebant, expansione fungosa obtecti, quae impendebat, quo minus illi ad collum ves-



vesicae delabi possent. Rursus de operatione Cl. BEAUSSIER: vsus ille est lithotomo occulto, sed acie obtusa, quod FRATER COSMVS reprehendit, sicque instrumentum hoc nec collum vesicae, nec prostatam attingere potuisse monstrat, sed tantum in contextum cellulosum sub prostata egisse, et forcipem hunc et partem intestini recti arripuisse, quod corpus Cl. BEAUSSIER pro calculo tunica incluso habuerit et quum illud immobile deprehenderit, ab ulteriori operatione destiterit: Inde symptomata grauia, post operationem accedentia, et aegre tantum superata; et eidem quoque causae euentum sinistrum repetitae operationis adscribit. De reliquo sectionem per apparatus altum plane periculo carere asserit, refertque se hecticum, iam per annum lecto affixum, eodem modo a duobus calculis oui gallinacei magnitudine liberasse, eumque sedecim post operationem diebus perfecte sanatum esse; vulnus vesicae cito coalescere, et hoc glutinato incisionem in linea alba et integumentis breui et feliciter curari. Quae vero in ipsa operatione attendenda sint, ex praeceptis a Cl. BASEILHAC datis \*) optime edisci. Praeterea Cl. BEAUSSIER operationem secundariam, cui ipse non adstiterit, veritati non consentiente modo retulisse cet. Acriter in Academiam chirurgicam inuehitur, quae lithotomum occultum, a se inuentum, reiecerit, et correctiones a Cll. LE CAT et CAQVE propositas laudibus et praemiis condecorauerit \*\*), quum tamen lithotomus ad mentem Cl. LE CAT globulo in apice

\*) Journal de Médec. Tom. XXVI. p. 528. comm. nostr. Vol. XVII. p. 326.

\*\*) Mém. de l'acad. Roy de Chirurgie T. III. p. 623. comm. nostr Vol. VIII. 224.

apice munitus \*) a nullo practico in vsum ducatur.

p. 157. 6. Cl. LE FEBURE chirurgus observationem similem ei, quam Cl. AVRRAN communicauerat\*\*), exhibet, doloris, in vertebrae dorso subito sine causa manifesta apparentis, in homine saepius pondera grauiora gestante; post aliquod tempus tuberculum in medio dorso, nucis auellanae magnitudine, nascebatur, sensim increscens, quod Noster post aliquot menses instituto examine ab apophysi spinosa vertebrae septimae dorso formatum inuenit; tunc tantum extremitates inferiores paululum languebant, sed successiue, intempestiue adhibitis remediis, accessit paralyfis earum aequae ac vesicae et intestini recti, decubitus ad regionem ossis sacri, et alius ad partem superiorem et internam femoris, multum feri rubelli fundentes, et aeger post biennium ab initio morbi marasmo periit: sectionem Cl. Auctor administrare non potuit.

p. 158. 7. IDEM ex intestino recto viri particulam ossis bouis, spongiosae fabricae, 13 lineas longam et 7 latam, felici cum successu excidit.

p. 160. 8. Cl. PEVFFIER de *fractura complicata ossium faciei* in octogenario ab equo percusso, quae os maxillare vtriusque lateris, zygomaticum finistrum, vomerem, nasum, et vtrumque oculum tangebatur; aeger, vulnere fere consolidato, ex accidente singulari die post laesionem vigesimo sexto moriebatur. Mirum erat, inde a momento laesionis saliuam plane defecisse, vnde tanta oriebatur linguae gulaeque ficcitas, quae vel liquidorum ad-

eo

\*) Descriptus in EIVSDEM second recueil, qui contient la description de plusieurs lithotomes composés cet. à Rouen 1752. 8. p. 405.

\*\*) Journal de Médic. Tom. XXXVII. p. 250. Comm. nostr. Vol. XX. p. 649.



eo alimentorum vsum prorsus non admitteret: quare clysmatibus aeger nutriebatur. Hoc symptoma stupori, alias nonnisi in vulneribus sclopetariis observando, maximam partem Noster adscribit.

9. *Epistola* Cl. IOVRDAIN ad Cl. LEVRET de p. 163. *labio leporino connato*, occasione tractatus, quem hic antea in hoc diario exhibuerat\*). Originem huius vitii in imaginationem matris coniicere, dubium videtur Nostro, qui potius nimis compressum fetus situm in vtero, pugnis versus os oppressis, illud efficere putat, siue is a nimis exigua extensione vteri ipsius, siue a compressione per vestimenta profectus fuerit. Labia proprie suctionem non praestant, sed tantummodo lactis effluxum ex ore impediunt. Ergo in labio leporino simplici infans lacte ex mammis sucto, si res rite peragatur, omnino sustentari potest, quod numerosis adultorum exemplis Noster comprobatum vidit, operatione nulla subiectorum. Haec, si solam unionem labiorum spectat, coniunctionem palati ossei praestare nequit, quae potius a sola expansione maxillae per dentes secundarios incisivos, atque in primis molares si non semper, saltem in quibusdam casibus, expectari debet. Ad corrigenda incommoda, a deprauato vomeris situ metuenda, commendat tenuem laminam auream hiatui imponendam, cui filum aureum adiunctum sit in duas partes abiens per nares et exterius super utramque genam ducendum et iusto modo firmandum; spongiam simplici filo instructam, fini proposito satisfecisse et suctionem iuavasse, iam experientia didicit.

Ad hanc epistolam postea Cl. LEVRET respondet. p. 543. Situm fetus mutationem hanc praeternaturalem

\*) Journal de Méd. Tom. XXXVII. p. 246. comm. nostr. Vol. XX. p. 646.

ralem efficere non posse ex eo patet, quod in primis grauiditatis mensibus compressio talis, qualem Cl. IOVRDAIN describit, ob insignem copiam liquoris amnii, embryonem minoris molis circumdantem, locum non habet, et situs in vltimis grauiditatis mensibus talis non est, qualem ille assumit: praeterea compressio assumpta velum palatinum diuidere non potest, quod aliquando solum, sine labio leporino aut diducto palato osseo, animaduertit Noster. De officio labiorum in suctione consentit cum Cl. IOVRDAIN. Sed de vsu fasciae vnientis ad vniendum palatum osseum plane conuictus est, neque, nisi labiis integris, soli naturae negotium hoc committi posse docet: meliorem etiam spem felicitis curationis in infantibus teneris affulgere, quum lamina cartilaginea ossibus maxillaribus interposita mollitiae sua gaudeat, quam quum, corpore perfectum incrementum adeptum, eadem osseam naturam acquisiuit; exempla, quibus innitatur Cl. IOVRDAIN, eius indolis esse, vbi labium leporinum simplex non adfuerit; auxilio ab hoc proposito magis distendi ossa maxillaria, ideoque vitium augeri magis quam corrigi, cet. Fasciam vero vnientem a Cl. GUESNAI inuentam, cuius applicationem Cl. DE LA FAYE descripsit \*), et quam in antecedente iam commentario commendauerat, nunc iterum vt optimum auxilium laudat.

p. 178. 10. Cl. MOLMY *de puella, quae tertio aetatis anno ex infortunio genitalia torre ambusserat*, et cuius soror laesionem modo satis simplici, sed eo euentu tractauerat, vt non tantum labia externa inter se coalescerent, sed etiam femora ipsa superius  
liga-

\*) Mém. de l' acad. Roy. de Chirurgie T. I. p. 605. seqq.



ligamento admodum elastico, pollicem lato coniungerentur. Clitoris multum prominebat, solito maior, nonnihil constricta; in lateribus quasi depressa; super hac orificium, paruum stilum admittens, ex quo vrina, ascendere coacta, profiliebat, vt in viris. Pone labia conglutinata paruus canalis erat, in fistulae speciem prope fossam nauiculari deficiens, per quam guttae aliquot vrinae effluebant. Octauo aetatis anno abscessus vrinarius, in perinaeo prope anum formatus opem Auctoris nostri postulabat, qui ligamento cutaneo aequae ac labiis coalitis discissis, iustam curationem praestabat. Canalis iste aequae ac orificium vaginae sabulo adeo scatebant, vt acies scalpelli prorsus inde obtunderetur.

II. CL. BOVRIENNE *singularem effectum vulne-* p. 181.  
*ris sclopetarii* refert. Miles in praelio glante plumbeo tangebatur, quae per medium partis superioris musculi deltoidei sinistri vsque ad basin acromii penetrabat: quae quum detegi eximique non posset, res successui temporis relinquebatur. Tertio die febris vehementius accedebat, cathartico sumto rursus mitescens, suppuratio rite succedebat, et omnia aegrum seruatum iri promittebant, quum subito die duodecimo pleuritis cum symptomatibus funestis accederet, aegrum die decimo sexto, omni licet adhibita opera, tollens. Sectione instituta detegebatur glans, ictu applanata, inter acromion, cuius basis fracta erat, et apophysin coracoideam inclauata, ac tertia costa vera in medio diffracta, cuius fragmentum pleuram dilacerauerat et vna cum pulmone inflammauerat, ita vt in utroque pectoris cauo satis insignis copia puris haereret.

Mense martio:

p. 195. 1. *Epitome actorum philosophico -- medicorum societatis academicae scientiarum principalis Hassiacae \**).

p. 215. 2. *Epistola Cl. GUILLEMANN filii, super effectu morsus caniculae rabidae in aliquot hominibus obseruato.* Quinque pueri et vna femina, quantum rescisci poterat, mordebantur: femina laesionem dentibus inflictam ipsa certe satis affirmare nequebat, neque auxilium exigebat; pueri autem protinus a cognatis in mare immerfi hoc remedio seruati putabantur, praeter vnum, qui eodem caruerat, et aequae ac alius, at regularum praescriptarum negligentissimus, ab Auctore nostro frictionibus mercurialibus, singulo mane ad 3j vnguenti, quod mercurii dimidiam partem capiebat, vesperi balneo tepido, et si opus erat, per noctem emulsione, per diem vero potu refrigerante copiosiore, ac versus finem turpetho minerali parca dosi et rarius exhibito, seruabatur: vbi mirum erat, vulnera inflictā, licet omnia tentarentur ad ea aperta seruanda, tamen multo citius coaluisse, quam sub alia quauis conditione expectari potuisset. Duo alii pueri quadragesimo post laesionem die, quum antea res plane neglecta esset, hydrophobia corripiebantur, et misere alter tertio, alter quarto die succumbebant. Quintus a vigesimo quinto die febre affligebatur, Nostrique auxilium quadragesimo octauo die postulabat; qui vero quum cognatum consiliis a se datis importune repugnantem flectere non posset, protinus a negotio abstinebat, neque ergo euentum morbi resciscere poterat.

3. Cl.

<sup>a</sup>) v. comm nostr. Vol. XIX. p. 370.



3. Cl. MARECHAL DE ROUGERES *reflexiones quasdam de variolis* communicat. Praemissis quibusdam cogitatis, iisque omnino verissimis, de damno, quod ex praeceptis popularis medicinae iam adeo sollemnibus, quamquam praeter voluntatem Auctorum, redundat, tractatum Cl. TISSOT de variolis, ex notissimo illius libro, *Avis au peuple*, diiudicat, assertum eius, variolas numquam redire, multum limitat, seipsum plus quam viginti aegros in vnico oppido *Lamballe* iisdem mortuos meminisse notat, et postmodum variis aliis exemplis Cl. TISSOT sibi ipse repugnasse monstrat, quum nonnisi praecepta generalia exhibere voluerit, v. c. in praeparatione, in calidi vel frigidi regiminis vsu cet. In fine vero ipsum in editione tertia istius libri hinc illinc mentem suam mutasse concedit.

4. *Experimenta quaedam chemica a Cl. ROVELLE instituta.* Serum lactis absque cremore tartari paratum, ad syrupi consistentiam inspissatum et in loco frigido repositum, saccharum lactis praebet; quae operatio si tertia vice repetitur, sal iste crystallos aliquot salis febrifugi SYLVII admistas largitur. Liquor remanens seu muria (*eau - mere*) multum substantiae mucosae continet, facileque in gelatinam cogitur et adfuso acido vitriolico parum concentrato, sub leuiori efferuescentia vapores acidi salis marini spargit, quod etiam euenit, si idem illud acidum saccharo lactis vltimae crystallisationis superfunditur. Saccharum lactis destillatum largitur parum phlegmatis, postea acidum oleum, remanente denique capite mortuo ponderoso, simili ei, quod a destillatione mellis, mannae et similium remanet, et calcinatum cineres paucos (ex libra vix drachmam dimidiam) nigros praebet,

O 2

qui

qui elixati syrupo violarum viridem colorem conciliant, sed cum acidis non efferuescunt. Saccharum lactis combustum et calcinatum ex libra integra non nisi grana viginti quatuor cinerum istorum praebet; crytalli vltimae crytallificationis, aequae ac muria, itidem paucissimum alcali fixum, sed praeterea partem aliquam salis febrifugi offerunt. Tandem experimenta quaedam ad demonstrandam summam similitudinem sacchari lactis et communis sacchari candidi. Lactis vaccini mensurae (*pintes*) viginti quinque ad siccitatem inspissatae ac dein combustae, carbone elixato praebent materiam salinam ponderis nouem drachmarum cum quadraginta octo granis, ex quibus Noster sesquidrachmam vel drachmas duas ad summum alcali fixi vegetabilis obtinuit: reliquum erat sal febrifugus. Hae experientiae repugnant Cl. BAYME, qui ex fero lactis vaccini verum salem marinum se obtinuisse tradidit \*).

De amylo Cl. BECCARI, qui primus illud chemice disquisiuit \*\*), eo potissimum fine, vt illud cum substantia glutinosa cerealium compararet, quodammodo deceptus est, quum in vtroque duplex oleum, leuius et grauius, se detexisse tradat, eo discrimine, vt in amylo acidum, in substantia glutinosa alcali volatile adiunctum esset: siquidem, ex mente Nostri amyllum nonnisi oleum graue, et substantia gelatinosa nonnisi leue, spiritui alcalino volatili supernatans, largitur. Experimentis captis didicit, in eodem vere inesse substantiam dulcem nutrientem, eamque ex ipso maximam partem compositionem panis ingredi.

Glutino-

\*) Manuel de Chymie p. 426. Elemens de Pharmacie, second. edit. p. 211.

\*\*) Instit. Bonon. v. comm. nostr. Vol. II. P. I. p. 122 seqq.



Glutinosa haec substantia, quam hucusque tantum in farina cerealium praesentem crediderunt, nutrienda, a Nostro vegeto animalis vocata, in aliis etiam vegetabilibus adest, modo admodum simplici demonstranda; in lac transit, et eiusdem partem caseosam constituit; et haec ipsa pars, a lacte separata, substantiam glutinosam farinae iterum refert. Vtraque igitur substantia adeo una eademque est, ut ea ex farina etiam odorem casei referat, quod iam ex observatione Cl. KESSELMAYER innuit.

Vnciae duodecim formicarum nonnisi unam vel ad summum duas guttas olei essentialis destillatione, neque maiorem copiam expressione obtulerunt: an copia eius in regionibus magis borealibus ideo maior, quia in his maior arborum resinifarum copia? Ex apibus et muscis acidum et oleum essentialia prorsus nullum, sed tantum alcali volatile Noster obtinuit, et si ex apibus unquam acidi quicquam obtineretur, id potius a deglutito melle deriuandum putat. Faecula seu pars viridis tingens plantarum, quam frater Cl. Auctoris primus detexit et cum resina comparavit, vere resina non est, licet in menstruis oleosis ac spirituosius solvatur; sed igne nudo tractata, producta materiis animalibus similia praebet. Ex aliis plantis v. c. rore marino, sicca et acida obtinetur, ex aliis v. c. cicuta, mollis et flexilis, resinae recenter praecipitatae ad instar.

§. Cl. LE NICOLAIS DV SAVLSAY duas ob- p. 266.  
*servationes de polypo uteri communicat*: alter erat  
 crassitie oui gallinacei, sed longior; alter ad mini-  
 mum duplo maior: deligatio in utroque adeo fe-  
 lici euentu administrabatur, ut sanitas ambarum  
 aegrarum, multum iam labefactata, in integrum  
 O 3 restitue-

restitueretur, adeoque altera postea infantem vivum et vegetum pareret.

Sub finem Cl. LEVRET invitat ad solvendam quaestionem chirurgico legalem: femina partui proxima chirurgum aduocari iubet, qui brachium fetus prodiisse inuenit, in quo nulla vitae signa detegere potest; post multos irritos labores illud reponendi et partum agripparum efficiendi, matre interea ad incitas redacta, quum placentam solutam suspicaretur, ideoque praesentissimum periculum pertimesceret, vrgente ipso marito tandem brachium amputat, fetum vna cum placenta, vti praeuiderat, soluta, funiculo collo circumiecto, extrahit, et adeo fausto cum successu operam suam adhibet, vt et matris et fetus vita seruaretur. Quaestio hinc existit, num chirurgus ob id auxilii genus taxandus sit, aut a patre ad sustentationem mutilati infantis cogi queat?

p. 336. Cl. LEVRET hunc chirurgum defendit, quod id nonnisi praesentissimo periculo prius exposito, et constanti demum patris desiderio adactus, hanc operationem suscepit \*).

p. 275. 6. Cl. SYLVESTRE *de fractura brachii*. Homo iuuenis adhuc et robustus, truncum arboris a curru dimoturus, ab hoc delabente ita laedebatur, vt humerus ad pollicis distantiam ab articulatione superiore frangeret, extremitate vtraque fracti ossis per brachium transeunte et pectus ipsum laedente, vt

\*) vid. prolusionem academicam, de mortis signis attente explorandis specimen secundum. Auctore ANTONIO GVILIELMO PLAZ Ordinis medici Lipsiensis Decano. Lips. 1766. 4.



vt nimis larga suppuratio nasceretur. Chirur-  
gus successiue vocati, post multos diu incassum ad-  
hibitos labores, amputationem vrgebant, quae re-  
cusabatur; tandem agyrta inconuenienti pinguium  
et fasciae arctioris, egressum puris impediens, ap-  
plicatione rem eo deduxerat, vt Nostri auxilium  
expeteretur, qui apertis sinibus depuratisque vlceri-  
bus, ac resecto quicquid carie corruptum erat, fracti  
ossis partes in aptum situm reducebat, et iusto me-  
dicamentorum externorum atque internorum  
(praecipue corticis Peruuiani) vsu adhibito, intra  
viginti septem dies aperturam primam et tredecim,  
quas ipse fecerat, consolidabat: aeger ipse per duos  
adhuc menses ferulas applicatas gestabat, et tertio  
mense nondum plane elapso perfecte conualuerat.

Mense aprili:

1. *Epitome partis secundae opusculorum chirur-* p. 291.  
*gicorum* Cl. MORAND \*).

3. Cl. DELACROIX *funestum effectum opii in* p. 313  
*clysmate exhibiti* describit. Chirurgus feminae se-  
xagenariae, alias sanae, ob colicos dolores clysm-  
a emolliens, adiunctis granis duobus opii (quantum  
ipse confitebatur) exhibebat, vnde protinus, obnu-  
bilatio capitis, sopor, rhonchus, pulsus magnus,  
respiratio laboriosa, spasmus maxillae et gulae, tus-  
sis ab ingestis cum summa difficultate liquidis, vo-  
mitus materiae viridis, abdomen potissimum circa  
umbilicum tensum, denique pulsus debilis, inter-  
mittens, et post duodecim circa horas mors seque-  
batur. Castoreum cum in clysmate emolliente,

Q 4

tum

\*) Opuscules de Chirurgie, par Mr. MORAND.  
Seconde Partie. Paris 1772. 4.

tum eius tinctura in aqua florum naphae interne exhibita, vt effectus opii corrigerentur, nihil praestabat. Cadauer foetorem insolitum, ac si morbus putridus praecessisset, spargebat, et ex ore naribusque spuma alba emanabat. Alia femina post assumtam ex errore magnam laudani liquidi dosin intra septem horas mortua, elapsis quatuordecim horis cultro anatomico subiecta, celerrima putredinis signa exhibuit.

p. 317. 4. *Observatio de graviditate ventrali*, Auctore Cl. CHARNAYX. Post diuturnum morbum, quo durante subinde partes ossium fetus per intestinum rectum excretae fuerant, tandem femina, praegressa obstructione alui pertinacissima, moriebatur. Sectione instituta, apparebant intestina cum inter se, tum cum omento, peritoneo et musculis abdominalibus a praegressa inflammatione firmissime coniuncta, ileum et colon coloris ex viridi nigricantis, rectum perforatum, cui inhaerebant integrum os parietale, et occipitale ac coronale singulum in duas partes diuisum, quae omnia faecum exitum plane denegauerant; cauum abdominis sanie purulenta repletum; vterus sanus, profunde in peluim detrusus, contractus, durus, hydatidibus obsessus; tuba Fallopiana dextra prorsus destructa, ouarium sinistrum elongatum, distentum, et ad omnem fere longitudinem apertum: in hoc ergo conceptionem et formationem fetus factam fuisse vero simile est, cuius aetatem, quum moreretur, ex ossium dimensione intra tertium et quartum mensem ponit Noster.

p. 364. 7. *Observatio de curatione herniae cruralis incarceratae*, Auctore Cl. DOVRIEN. Femina laboriosi vitae generis herniam per aliquot iam dies celauerat



lauerat, quae interea mira incrementa ceperat: symptomatibus summopere auctis, quum per aliquot dies repositio frustra tentata esset, tandem Noster integumenta incidit, vbi discissa vasa varicosa multum sanguinis fundebant: saccus herniosus crassus erat, cui omentum adhaerebat; intestinum liuidi coloris multum expansum erat, quod digitis duobus retineri oportebat, quibus specillum incumberebat, super quo ligamentum incidebatur, quo facto serum odoris lixiuiosi effluebat, cuius duabus circa mensuris emissis intestinum reponi poterat, ablatis adhaerentis omenti, et postea deligatio ita adaptabatur, vt effluxus fluidorum in cauo abdominis haerentium promoueretur: serum lactis cum syrupo violarum, protinus post operationem exhibitum, deiectiones biliosas cum leuamine efficiebat, et febricula tertio ab operatione die accedens, eadem euacuatione praestita, euanescebat; rheumatismus postea accedens, et inprimis musculos pectoris ac dorsi infestans, paregorico versus vesperam per duos dies sumto disparebat: et sic femina intra mensem perfecte sanata fuit.

8. *Observatio de quibusdam connubiis acidi tartari cum creta et quibusdam calcibus metallorum,* P. 369.  
 Auctore Cl. ROVELLE. Cremor tartari cum creta pura, vel quod melius est, cum magnesia ex muria nitri praecipitata coniunctus, salem neutrum format, vix solubilem, crystallorum irregularium; remanet tamen pars quaedam, non combinata cum acido tartari, quae fere penitus ope aceti vini inde separari potest. Similia fere phaenomena combinatio acidi tartari cum calce plumbi praebet, inde saepe gelatina pellucidissima oritur. Contra si tartarus emeticus ex cremore tartari et vino antimoni paratur, pars quaedam alcali fixi in tartaro latentis

tentis eo ipso momento, quo cum sulphure antimonii se coniunxit, iterum separatur, et in lixiuio superflite deprehendendum salem medium format; similiter acidum tartari liberum redditum cum portione quadam calcis antimonii rursus iungitur, et itidem salem neutrum constituit. Alia rursus phaenomena ex coniunctione cremoris tartari cum ferro obtingunt, quorum enarrationem alii occasione referuat Cl. Auctor. Tartarus albus crudus minus alcali fixi et plus terrae, quam ruber, largitur; haec terra parum argillae continet.

P. 373. 9. *Experimentum de regeneratione cremoris tartari ex acido ipsius*, Auctore Cl. ROUX. Cremore tartari sal acidum nitrosum, absque addita creta, soluto, liquor acidus super crystallis ex acido nitri et alcali tartari formatis natus, qui aqua parum dilutus affuso alcali vegetabili liquido efferuescit, et puluerem album copiosum demittit, qui postea verum cremorem tartari regeneratum sistit; liquor supernatans euaporatus paucas crystallos tartari, et aliquot crystallos veri nitri largitur.

P. 374. 10. Cl. MARCHAN in femina, cui ante triennium in utroque oculo cataracta deposita fuerat, vidit iridem et vream dextri oculi plane destruetam, pupillam figurae ovalis et iusto maioris, lentem divisam, cuius fragmenta aequae ac humor vitreus, inflammatione interna opacus redditus, cameram anteriorem implebant; oculus sinister vero non vitiat, sed ab ascendente iterum lente usu suo priuatus, eius extractionem permittebat, quae etiam ita feliciter peragebatur a Nostro, ut sectione corneae vix facta lens egrederetur, et aegrae visus restitueretur.

Mense



Menſe maio:

1. *Epitome operis cuiusdam* Cl. GARDANE \*). p. 387.

2. *Epitome* PAVLI IOSEPHI BARTHEZ, Med. p. 393.  
Prof. Reg. orationis academicae: de principio vitali  
hominis cet. \*\*).

3. Cl. RICHARD *fetum monſtroſum* deſcribit. p. 405.  
Femina in iuſto partus tempore in lucem edebat  
filium bene conformatum, et duas filias inter ſe  
coalitas, omnes viuentes: haec coalitio a parte  
antere colli incipiebat, ita vt antrorſum vnum  
pectus et vnum abdomen vſque ſub vmbilicum  
conſpiceretur; vnicum ſternum, vnicus funiculus  
vmbilicalis, poſt ingreſſum in abdomen diuiſus, du-  
plex hepar, quatuor renes, duplex canalis inteſti-  
norum. Viſcera thoracis et ventriculus ablata  
erant a chirurgo, qui cadauer ex ſepulcro effoſſe-  
rat. Duo capita faciebus ſe reſpiciebant; collum  
a poſteriore parte duplex; duplex etiam ſpina  
dorſi; partes infra vmbilicum perfecte ſeparatae;  
duo brachia ſitu naturali, ſed inter duplicem ſpi-  
nam dorſi tertium, duplici metacarpo manuque in-  
ſtructum, ita, vt pollex dexter ſiniſtrum attingat.  
Monſtrum hoc Auctor Noſter Cl. BON-AMY trans-  
miſit, qui illud delineandum curauit et in ſpiritu  
vini conſeruauit.

4. *Epiftola* Cl. DVBOSA DE LA ROBERDIE- p. 409.  
RE ad Cl. LE GAUDV DE CHEFDVBOIS, ſuper ef-  
fectibus ſuppreſſionis menſtruorum. Virgo chloro-  
tica,

\*) Manière ſure & facile de traiter les maladies vé-  
nériennes; par I. I. GARDANE cet. à Paris 1773. 12.

\*\*) Prodiit Monſpeli 1773. 4.

tica, menstruorum suppressione per sex menses laborans, cephalalgia atroci cum sudore totius corporis corripiebatur, quibus post paucos dies dolor acutus omnium membrorum accedebat, praesente simul ponderis ac doloris sensu in hypochondrio sinistro: Noster aduocatus *pulsus criticum sudores praenunciantem* animaduersus, a venae sectione abstinebat, et copiosum potum ex decocto hordei acidulato, interposito infuso florum sambuci, praescribebat, membræque pannis calidis inuoluenda praecipiebat, aluumque clysmate, altero die repetito, liberam seruabat. Tertio die dolores recrudescentes, pulsus contractus et frequens, venae sectionem exigebant; prioribus remediis vespere pediluua addebantur. Altero die aluus infuso rhei et manna sollicitabatur, vnde aliquot deiectiones biliosae efficiebantur: sed breui post anxietates summae, dolor in regione epigastrica semper increascens, ac denique vomitu sanguinis nigricantis, foetidi, quem postea liquidus et roseus excipiebat, sequebantur. Idem vomitus altero die redibat, sed, hoc finito, omnia symptomata, adeoque dolor et tumor articulorum, cessabant. Inde a purgatione pulsus, exceptis momentis anxietatis, *intestinalis* erat, et tertio die *superior* reddebatur, ad *pectoralem* accedens, et tunc tussis, a praecedente die adeo acris, vt respiratio a materia corroden- te interciperetur, et potione oleoso dulci et mucilaginoso indigeret, vere sputum coctum reddebat. Tertio die *intestinalis* redibat, cum torminibus et deiectionibus biliosis; repetita demum purgatio morbum terminabat. Ex his omnibus Noster veritatem diuersitatum pulsum a Cl. DE BORDEU stabilitarum demonstrat.



5. Cl. BERNARD - DESCARIERES suppressio p. 416.  
nem menstruorum purgantibus, amaris, martialibus et plurimis huius census remediis frustra impugnauit: denique aquam martialem artificialem ex salis Epsamensis ℥iij, vitrioli martis gr. xj et aquae purissimae. ℥j parauit, quam euacuatis antea primis viis, primo die ad dimidiam, et sequentibus diebus ad integram dosin exhibuit, vsu continuato, quam diu necessarium videbatur; adiuncto regimine aliorum fontium medicatorum vsui sollemni, et plurimo exercitio corporis. Eodem quoque medicamento in aliis morbis, qui aquas foterias poscebant, cum insigni successu vsus est.

6. Cl. THOMASSIN *observationem de luxatione* p. 422.  
*carpi cum ruptura ligamenti* communicat. Puer in lapsu ab equo carpum sinistrae manus extrorsum luxauerat, ita vt extremitas inferior radii per tegumenta in parte interna carpi, inter arteriam radialem et coniunctionem tendineam flexorum carpi et digitorum emergeret, cubito sub musculis et prope os vnciforme sito. Cl. Auctor, post viginti quatuor demum horas vocatus, quum omnia vehementer intumuisent, vulnus ampliavit, et repositione radii facta, sub extensione sufficiente carpum reposuit, osse cubiti durante operatione coniunctim tenendo, quae vero operatio non minus laboriosa erat, quam dolorifica. Vulnus linteis carptis, spiritu vini et aqua imbutis, impleuit, et antibrachio lintea complicata et fasciam octodecim capitum, applicuit, hisque capitibus duas ferulas minores flexilissimas, vnam in singula facie carpi, interposuit omniaque reliquo apparatu firmavit. Grauior tamen inflammatio et subsequens suppuratio curationem difficilem reddebant, quae tandem

dem post duos menses, nulla tamen accedente exfoliatione, praestabatur, ita vt liber motus esset, et tantum tumor satis manifestus, sed molestia carens, ad extremitatem radii relinqueretur. Ex quo casu simul Cl. PETIT sententia refutatur, qui inductionem ossium cubiti impossibilem existimauit.

p. 426. 7. Cl. BOVNERNE in milite vulnus sclopetarium, quod per totum collum vesicae vrinariae transierat, ita vt glans, super symphysis ossium pubis ingressa, inter tuberositatem ossis ilei et apophysin transversam vltimae vertebrae lumborum exiisset, feliciter intra tres menses sanauit. Catheterem nonnisi post sex septimanas, inflammatione et tumescencia prorsus dissipatis, applicare ideoque urinam, quae per totum hoc tempus tantum ex vulneribus effluxerat, in viam naturalem reducere poterat. Quod finem curationis retardabat, erat exigua portio ossis pubis, qua educta cicatrix bene claudebatur. Hoc in casu vrina in contextu celluloso non effusa erat, qua liber ei ex vulneribus exitus patebat: prius autem si vmquam contingeret, nullo alio auxilio locum esse monet Noster, quam punctura vesicae in perinaeo, quum tunc temporis, turgentibus partibus omnibus, catheteris applicatio impossibilis reddatur.

p. 432. 8. *Epistola* Cl. MARTIN ad Cl. PIETSCH, in qua duabus adductis obseruationibus monstrat, methodum BELLOSTII ossa denudata perforandi eorum exfoliationem non praeuertere, et nonnisi separationem postea alio instrumento (*tire-fond*) suscipiendam adiuuare. In transitu quaedam addit de abscessibus profundioribus, qui incisi nonnisi corruptum sanguinem fundunt, quos ideo decubitus sanguineos (*dépôts sanguins*) vocat.

9. Cl.



9, Cl. POUPART ad epistolam Cl. TOVTANT, p. 437. mense Septembri superioris anni huic diario insertam, respondet, et efficacitatem aquae vegeto mineralis GOVLARDI aduersus ophthalmias duabus observationibus confirmat. Simul monet, aërem temperatum salubriorem esse, quam topica vulgo oculis imponi solita, seque raro eosdem obtegere, si inflammati fuerint.

10. *Epistola* Cl. IANIN ad Cl. PELLIER, qui in p. 440. diario *la Gazette salulaire* dicto, illum et Cl. BABELIN ad probandam methodum, qua in curatione guttae serenaе vtuntur, prouocauerat. Noster promissum, iam in celebri illo libro \*) factum, repetit, se pluribus experimentis captis omnem hanc curationem communicaturum: simul autem monet, suam methodum differre ab ea, qua Cl. BABELIN vtatur; sanguinis missionem vel semel institutam, multo magis repetitam, periculo non carere; machinae electricae applicationem cephalalgiam intolerabilem inducere, quod ipsum Cl. DE SAVSSVRE coegit ad abstinendum a curatione feminae amaurosi laborantis, referente Cl. BERTHOLON in diario prius adducto.

11. Cl. MARCHAN *observationem super la-* p. 445. *gophthalmia* communicat. Morbus post abscessum, diuturna suppuratione magnam substantiae palpebrae partem absumente, enatus erat. Noster ab angulo oculi minori ad maiorem, inter supercilium et tarsum, incisionem semicicularem efficiebat, et in eodem vulnere quater vel quinquies repetebat, donec

\*) Mémoires & observations sur l'oeil cet. cuius recensionem vid. in comm. nostr. Vol. XVIII. pag. 238 seqq.

donec tarfi vtriusque palpebrae se tangerent: vulneri puluillos ex saturato decocto maluae expressos immittebat, et accedentem suppurationem vnguento basilico iuuabat, motuque requisito ceterisque auxiliis adhibitis palpebram in situm ferme naturalem restituebat.

P. 449. 12. GL. ROVELLE *observationes super aëre fixo eiusque effectibus in aquis quibusdam mineralibus.* Repetit, et eodem quidem cum successu, experimenta Cl. PRIESTLEY in transactionibus philosophicis publici iuris facta\*), sub finem vero tractationis huius dolet, se singularem celeberrimi huius viri librum\*\*) iusto tardius conspexisse, quam vt eodem vti potuerit. Loco limaturae ferri, quum hoc in statu metallico raro admodum in natura occurrat ad constituendas aquas martiales, adhibuit mineram eius, adeo quidem macram, vt vix a magnete attrahatur, item crocos martis: vno tamen effectū, simili ei, quem a limatura ferri obtinuisse Cl. LANE, prodidit Cl. PRIESTLEY. Vapor ex solutione ferri per acidum salis ortus, inflammabilem indolem diu seruat, et nonnisi difficillime et quoad minimam partem cum aqua se coniungit, eidem tamen odorem fortissimum oui putridi communicat; idem vapor ex solutione ferri per acidum vitriolicum aequè difficulter cum aqua se vnit, sed absque eiusmodi odore. Duplex est ergo aër fixus, alter purus, ex combinatione acidorum cum alcalinis calcareisque substantiis, ex liquoribus fermentantibus, et ex carbone euolutus; alter

\*) vid. comm. nostr. Vol. XXI. pag. 89. seqq. 127. 453. 600.

\*\*) ib. pag. 126, seqq.



alter inflammabilis, ex praecipitatione hepatis sulphuris per acida, et ex solutionibus ferri et zinci per acidum vitriolicum et salis marini oriundus, aquam transiens, sine eo, vt cum ea misceatur, aut inflammabilitatem perdat, ac demum eidem saporem et odorem hepatis sulphuris tribuens. Comparatio duplicis huius aëris cum illo, qui ex aquis mineralibus frigidis exit et cum illo sulphureo, qui ex thermis v. c. Aquisgranensibus cet. exhalat, adiuncto voto, vt chemici prope scaturigines harum thermarum curatius inquirant in harum exhalationum indolem, num vel inflammabiles sint, quum in reliquis proprietatibus satis cum secunda specie ante adducta aëris euoluti seu fixi conueniant. Simili modo mephitides duplicis indolis deprehenduntur. Vaporum hepatis sulphuris violentiam in se ipso expertus est Cl. Auctor: respiratio protinus interceptiebatur cum sensu dilatationis et intolerabilis simul strictione pectoris; in aëre libero respiratio denique, summa vi adhibita, libera restituebatur, relicta tamen per totum reliquum diem oppressione et capitis grauitate.

13. Cl. MARIE refert, nobilem statim post P. 465. prandium aliquot vulnera accepisse, inprimis vnum in regione epigastrica, et aliud in pectore, sed vtrumque non admodum magnum. Sine molestis symptomatibus, excepta debilitate, primae horae effluebant: sed media nocte, quum aliquot cochlearia olei amygdalarum dulcium sumisset, sine molestia alimenta copiosa, cum insigni copia sanguinis nigri congrumati euomebat, praesente simul febre et dolore ac tensione ab epigastrio usque ad os pubis. Clyisma protinus iniectum multas materias indigestas, striis sanguineis remistas, euocabat, quae vero in effectum subsequentis cly-

Tom. XXII. Pars II. P smatis

smatis aberant; sanguine postea misso febris altero die euanescebat, et aeger post octiduum sanatus erat. Hanc sanguinis excretionem Noster potissimum spasmus abdominalibus, ab ingratis animi affectibus excitatis, quibus vas aliquod sanguiferum disruptum fuerit, curationem vero sanguinis iacturae per vulnera inflicta adscribit.

p. 469. 14. Cl. THOYER *observatio chirurgica de vulnere capitis cum fractura cranii*, quod lapis decidens in regione media, inferiore et laterali lateris dextri ossis coronalis inflixerat: agyrta accedens, vulnus dilataturus, arteriam temporalem discisserat; successu tamen temporis in aegro, alias robusto et vegeto, solo eleuatorio admoto, varia fragmenta ossis frontis et squamosi secedebant, adeo ut dura mater denudaretur: omnia tamen intra duos menses cum dimidio perfecte consolidabantur.

p. 576. 15. Quum in praecedente mense Cl. ROYX omnes eos prouocasset, qui remediorum aduersus lumbricos in ventriculo haerentes notitiam haberent, iam primo loco Cl. LEFEBVRE chirurgus ob-

p. 472. servationem de efficacitate sequentis remedii communicat: Mercurii crudi et plumbi puri, singulorum ℥ij, simul in cochleari ferreo fundantur, tunc omnia misceantur cum mensuris (*pintes*) sex aquae ebullitioni proximae; addantur simul salis Epsamensis ℥xij et salis nitri ℥vj; postea plumbum et mercurius eximantur, iterumque cum aqua misceantur, quod vigesies repetendum est; tunc liquor filtretur et lagenis bene clausis feruetur. Dosis est quatuor cyathorum per diem, quarum prima mane, reliquae iustis inter assumpta alimenta interuallis sumi debent,

Postea



Postea anonymus quidam mane ieiuno ventri- p. 574-  
culo tria cochlearia olei amygdalarum dulcium, vel  
oliuarum, vel nucis iuglandis, et post quartam par-  
tem horae quatuor cochlearia aquae, in quibus  
duo pugilli salis communis soluti fuerint, fumen-  
da, et nonnisi post sesquihoram ientaculo modico  
vtendum, hoc vero remedium per duas ad tres  
hebdomadas continuandum iubet.

Cl. BRVAND drachmas duas mercurii corrosiui  
in vnciis quatuor aquae fontanae vel pluuiialis me-  
diante balneo maris dissoluit, et solutionis huius  
ter filtratae guttas quindecim vsque ad triginta in  
cyatho lactis vaccini porrigit, et pro re nata repe-  
tit; inde lumbricos, vomitu reiectos, vidit, qui  
omnibus aliis remediis, ipsique mixturae Swiete-  
nanae debiliori, vti praescribi solet, obsurduerant.  
Monet vero, solum lac saporem ingratum huius  
medicamenti corrigere; idem etiam in forma clysmat-  
is cum aqua tepida vel decocto emolliente, eadem  
seruata dosi, adhiberi posse.

Cl. GERARD aegrum, laxante ex senae  $\mathfrak{z}\mathfrak{i}\mathfrak{j}$ , rhei  
et feminis cinae singulorum  $\mathfrak{3}\mathfrak{s}$ , cum aqua per no-  
ctem in cineribus calidis digestis additis colaturae  
gr. xv. salis tartari, praemisso, vsu boli vermifugi,  
olim a Cl. RATHIER in hoc diario memorati \*), per  
quatrimum continuato, sanauit.

Cl. MENISSEZ in virgine primo per biduum,  
loco potus ordinarii, copiose dedit infusum scordii,  
postea  $\mathfrak{3}\mathfrak{j}$  rhei cum  $\mathfrak{z}\mathfrak{v}\mathfrak{i}\mathfrak{i}\mathfrak{j}$  aquae infusum, additis gr.  
 $\mathfrak{i}\mathfrak{j}$  tartari emetici et gr. x mercurii dulcis, et vespere  
eiusdem diei, et postmodum per tres dies binis  
vicibus infusum quassiae, interposito infuso scordii,

P 2

et

\*) vid. comm. nostr. Vol. XVIII. p. 210.

et regimine feüero obferuato; poſtea rurfus po-  
tionem emetico catharticam, et inde per quatuor  
dies infuſum quaſſiae et ſcordii, quibus elapſis  
aegra plane conualuerat. Alia aegra iifdem reme-  
diis, ſed diutius continuatis, ſanata eſt.

Cl. DE MARQUE bolum praefcribit in adultis ad  
pondus ʒj mane et hora quarta vel quinta vefper-  
tina ſumendum, ex aloes ʒij, mercurii crudi, aga-  
rici, corallinae, ſingulorum ʒiſſ, cremoris tartari et  
ſaponis veneti ſingulorum ʒvj, mellis q. ſ. quod  
remedium per 21 dies continuandum eſt, adhibito  
verſus medium et finem curationis purgante ex  
ſena, rheo, cremore tartari et ſyrupo perſicorum;  
potus ſit decoctum hordei et fructus aurantiorum  
amarorum, vel purum vel vino mixtum, alimenta  
ex regno animali, additis condimentis, vel ſicca,  
ſed diaeta omnino moderata. Reliqua, quae hic  
inferſa ſunt, quum arcana concernant, Cl. ROUX  
ad publicandum oblata, tranſimus.

Menſe iunio:

P. 483. 1. *Epitome verſionis Gallicae operis DIMSDALII  
de variolis*, quam Cl. FOUGVET curauit et non tan-  
tum annotationibus ex verſione Italica et obſerua-  
tionibus Cl. HOVLSTON, ſed etiam propriis, prae-  
fertim in epidemia 1770 Monte peſſulano graſ-  
ſante factis, locupletauit \*).

6. Cl.

\*) *Traitement de la Petite - Vérole des enfans, cet.  
ouvrage traduit de l' anglois de Mr. le Baron THO-  
MAS DIMSDALE cet. par Mr. HENRI FOUGVET  
docteur en médecine, &c. Amſterdam; & ſe trou-  
ve à Montpellier, 1772. 12. 2 Voll.*



6. Cl. BOVRIENNE fracturam complicatam in p. 560.  
tibiae ac fibulae inferiore parte, quum pes nautae  
inter nauim ac funem, qua ancora firmatur, coar-  
etaretur, satis feliciter sanauit, licet pes dexter, cui  
hoc infortunium acciderat, sinistro multo breuior  
remaneret. Ex pluribus symptomatibus, ipsa et-  
iam gangraena, quae interno demum ac externo  
corticis Peruuiani vsu depellebatur, grauissimum,  
tamen erat caries calcanei, celerrime proserpens,  
et amputationem fere summe necessariam red-  
dens; quam tamen Cl. Auctor felici cum successu  
euitauit, cauterio actuali per quinque dies con-  
tinuos applicato, promptaque inde producta ex-  
foliatione.

Menſe iulio:

Vol. XL

I. *Epitome libri* Cl. PRESSAVIN *de morbis ve-* p. 3.  
*neris* \*). Remedium hic commendatum sequenti  
modo paratur. Mercurii ex cinnabari resuscitati li-  
bra vna modico igne soluatur in libra vna et vn-  
ciis quatuor spiritus nitri; postea salis tartari libra  
vna soluatur in libra dimidia aquae, et quando  
vterque liquor ebullit, lixiuium alcalinum in am-  
plum vas vitreum vel terreum infundatur, huius-  
que solutio mercurialis admisceatur probeque agi-  
tetur, vt praecipitatum, lateres contusos aemu-  
lans, deponatur: tunc quatuor repetitis vicibus il-  
lud aqua copiose adfusa edulcoretur, dein siccet, et  
postmodum quinque mensurae aceti fortissimi  
adfundantur, vase clauso per bihorium, saepe ite-  
rata

P 3

rata

\*) *Traité des maladies vénériennes, dans lequel on  
indique un nouveau remède dont l'efficacité est  
constatée par des expériences répétées, & un suc-  
cès constant depuis dix années; par Mr. PRES-  
SAVIN cet. à Genève, & se trouve à Paris, & à Lyon,  
1773. 12.*

rata agitatione, bulliant, tum liquori ebullienti effuso adfundatur simile, vt antea, lixiuium alcalinum, quod praecipitatum album deiicit, quod, liquore per dimidiam horam quieto relicto, separandum, et priori modo edulcorandum, postea cum libris tribus aquae et quatuor vnciis cremoris tartari per duas horas coquendum est, frigefactus hic liquor decantetur et vase bene clauso feruetur: quem Noster *aquam vegeto mercurialem* vocat. Minore cum dispendio temporis ac sumtuum, sed relicta quadam acrimonia magis offendente, licet damnum non inferat, imo efficacior inde reddatur, adeo vt nonnisi dimidia eius dosi ad obtinendum effectum opus sit, eadem paratur, si primum praecipitatum cum mensuris octo aquae pluuiialis et libra dimidia cremoris tartari eo vsque coquitur, donec praecipitati color ex rubro in niueum mutatus fuerit; postea liquor iste frigefactus decantetur et feruetur. Iam syrupus parandus est ex corticis Peruuiani et radicis gentianae singulorum ℥iij, rhei ℥ij, guaiaci rasurae ℥j (quod tamen in siccis subiectis adhibendum non est) et sassaparillae ℥ij, quae per sex horas in mensuris xij aquae coquantur, versus finem additis senae ℥iij et chamaemeli romani ℥j; colaturae adduntur sacchari, quod *cassonade* dicunt, et mellis albi, singulorum ℥iiij; ebulliendo in consistentiam syrupi paullum liquidi vertuntur. Huius syrupi vnciae sex cum vno vel tribus cochlearibus aquae vegeto mercurialis misceantur, haecque dosis mane et vesperi quatuor a prandio horis exhibeatur: praecedere autem debet venae sectio et purgatio primarum viarum, et iungi diaeta strictior. Hoc remedio recentem morbum venereum intra 24 vel 30 dies sanari, inueteratum vero diuturniorem eius usum postulare, Cl. PRESSAVIN adfirmat.



2. Cl. DAVNON *descriptio morbi epidemici, anno p. 24.*  
 1771 Bononiae (Boulogne - sur - mer) *grassati.*  
 Egregium omnino obseruatorem in Cl. Auctore  
 conspeximus. In aliis erat febris inflammato-  
 ria, in aliis putrida biliosa, in aliis maligna, in  
 aliis verminosa: symptomata diuersissima singula  
 morbi stadia comitabantur; crises vix non semper  
 imperfectae, ex quibus notatu in primis dignum  
 videtur, parotidum tumorem, qui rarius accede-  
 bat et subito iterum disparebat, tamen interdum  
 effluxu puris ex aure, idque salutari cum effectu,  
 exceptum fuisse; surditatem in principio morbi  
 funestum euentum portendisse, non aequè,  
 quam morbo diutius iam durante accederet cet.  
 Causam primariam in aeris et victus, qualis esse  
 solet infimae fortis hominum, quos hic morbus  
 praecipue infestauit, insalubritate. Venae sectio  
 nonnisi in plethoricis, et vbi genuina inflammatio-  
 nis signa aderant, locum habebat; calidioribus me-  
 dicamentis, etsi exanthematum eruptio iis iuuanda  
 videretur, numquam locus erat. Ad primas vias  
 purgandas ipecacuanha ob vires cardiacas antimo-  
 nialibus praestabat. Si eruptio quaedam cutanea  
 languentibus viribus naturae non satis iuuabatur  
 vesicatoria et vinum potui ex vegetabilibus in par-  
 ca dosi additum conducebant. Reliqua hic addu-  
 cta auxilia ex generali theoria horum morborum  
 facile cognoscuntur. In fine dolet Cl. Auctor,  
 sectionem cadauerum nunquam sibi permissam  
 fuisse.

3. *Epistola* Cl. DESCEMENT *ad* Cl. ROUXP. 50.  
*super methodis amaurosi medendi, a* Cll. BA-  
 BELIN *et* IANIN *propositis.* Haec contra  
*epistolam* Cl. IANIN, cuius supra mentionem  
 P 4 fecimus

fecimus \*) directa, eum potissimum finem praefixum habet, ut primo theoriam eius de origine huius morbi, cuius causam is in absentia fluidi electrici in organo visus ponit, impugnet, et deinde venaesectionem in eodem morbo, quam ille contra Cl. BABELIN reprehenderat, cum ex disquisitione causarum eius, tum ex auctoritate clarissimorum cuiusvis aetatis medicorum defendat.

p. 59. 4. Cl. ROVELLE *observationes de faeculis seu parte viridi plantarum et de materia glutinosa seu vegeto animali.* Iam, ut promissis stare Cl. Auctor \*\*), materiam glutinosam non ex cerealibus tantum, sed ex aliis quoque vegetabilibus obtineri posse asserens, modum eam ex cicuta separandi docet; herba huius plantae in mortario bene teratur, succus inde expressus paulisper ebulliat tuncque per linteum colatus, faeculam in eo relinquit; sub ipsa ebullitione pars quaedam spumosa viridis supernatat huicque floccorum albescentium ad instar, aliae particulae subiacent; si liquor tunc ab igne remouetur, alia pars laetius adhuc viridescens coloris separatur, et liquor ipse iam colatus non-nihil viridi colore adhuc tinctus est, et rursus magis quam antea ebulliens iterum faeculam ex viridi fordide albescentem largitur, quae maiorem copiam materiae glutinosae seu vegeto animalis continet, quam faecula sub prima ebullitione acquisita. Glutinosa haec materia a parte viridi per spiritum vini separari potest, quippe qui hanc tantum soluit et suscipit: sed partim taediosus labor est, partim ob arctam utriusque inter se coniunctionem

\*) Journal de Médec. Tom. XXXVIII. pag. 440. vid. supra pag. 223.

\*\*) ibid. pag. 262. vid. supra pag. 213.



nem imperfectus. Melius faecula expressa et siccata cum spiritu vini digeritur, postmodum, digestionem bis, affuso recenti spiritu vini, repetita, omnes tincturae simul ex cucurbita destillantur, quod transit, rursus, resina molli in fundo cucurbitae relicta, destillatur, idque eo usque continetur, donec liquor purus, non amplius tinctus, transeat. Quod restat sub repetita hac operatione, coloris fordide ex griseo albescentis, post siccationem nigrescentis, plus quam tres quartas totius massae examinatae constituit, et hoc ipsum substantia ista glutinosa est, quae igne reuerberii tractata primo paucum phlegma, postea spiritum alcalinum volatilem, postea alcali istud in forma solida, et simul oleum spiritui volatili innatans praebet: caput mortuum est, quarta pars totius massae aequale, simile illi, quod a farina et parte caseosa lactis remanet. Pars viridis, quam spiritus vini soluerat, itidem igne reuerberii tractata, exhibuit phlegma, postea liquorem acidum, tum oleum flauum, colorem intensiorem acquirens, quum spissesceret; tandem caput mortuum, fere quartam partem constituens, leue, remanebat. Rosmarinus, simili ratione tractatus, praeter duplicem substantiam iam adductam, aliud adhuc principium, haecenus nondum satis disquisitum, continet, quod neque aqua, neque spiritu vini soluitur, et cuius ulteriorem cognitionem alibi se communicaturum Cl. Auctor pollicetur.

5. EIVSDEM *experimenta et observationes super* p. 68.  
*sale in sanguine humano et animalium, item in aquis*  
*hydropicorum reperiundo.* Serum sanguinis et hydropicorum post destillationem in balneo maris praebet materiam glutini similem, quae per plures menses, imo per annum, seruata, in superficie  
P 5 leuem

leuem efflorescentiam salinam monstrat, quae natrum seu basin alcalinam salis marini sistit: eadem fluida duplici portione aquae destillata, quae acidi vitriolici partem aliquam exceperit, commixta, balneo maris siccata, residuum praebent, quo saepius aqua calida abluto, tandem si addita creta abundans acidum vitriolicum saturatur, euaporatione facta verus sal GLAUBERI obtinetur, quod etiam fit, si mixtura ista super ignem coquitur, ita, vt pars serosa coaguletur, et tunc aqua, per filtrum transiens, creta saturatur et euaporatur. Simili modo serum sanguinis et hydropicorum cum aequali portione aceti destillati remixtum, balneo maris euaporatum, residuum postea aqua destillata elotum, filtratum, euaporatum, et libero postea aëri ad plenariam euaporationem relictum, crystallos terrae foliatae praebet, cuius basis natrum est. Idem etiam in sanguine ipso, seu parte eius rubra, praesens esse, in posterum Cl. Auctor demonstrabit.

P. 76.

6. Rursus *remedia quaedam aduersus lumbricos.*  
Cl. LE MARIE commendat decoctum ex corticis Peruuiani, rhei, seminis cinae et cremoris tartari ana 3j, cui colato addendus est succus acetosae, aut taraxaci, aut cichorei, quod singulis diebus per duas hebdomadas sumendum est, interposita tertio vel quarto quouis die potione cum corticis Peruuiani et seminis cinae ana 3j et syrupo quodam. Anonymus quidam primo cataplasma ex mercurii viui ex cinnabari resuscitati 3℥ fellis taurini 3ij, theriacae veteris 3ij, aloes 3j, bulborum allii n. j, foliorum absinthii et tanaceti ana pug. dimidio, regioni cardiae et vmbilici superimponendum suadet, et sequenti die potionem ex semine cinae, rasura C. C. et conditurae citri ana 3℥ praescribit; postea per octo dies vino medicato vtendum iubet ex  
bulbo



bulbo allii, foliorum siccorum absinthii pug. dimidio, feminis cinae et baccarum iuniperi ana ℥ij, per 48 horas cum Mj vini albi macerandis. Toti curationi, quae pro re nata repeti debet, praemittendus est potus copiosus, acidulus, et vsus clysmatum ex aqua, lacte et saccharo. Cl. URVOY primo vesperi potionem ex olei amygdalarum dulcium ℥ss, diacodii ℥j et aquae portulacae ℥ij, altero mane feminis cinae gr. xxiiij, rhei gr. xv, rad. ialappae gr. x in bolo porrigit, et vesperi potionem priorem repetit: tertio die tartari emetici gr. iiij, salis Epsamenfis ℥iiij, sacchari ℥vj, quae in aqua tantisper ebullierint, tribus vicibus, et vesperi iulapium anodynum exhibet: postea idem remedium euacuans in mensura aquae solutum ad quartam partem quotidie mane duplici vice, intra horae distantiam, praebet et vesperi puluerem vermifugum in bolo, cum syrupo diacodii, imo si opus est, anodynini dosin exiguam subiungit. Huius remedii efficacitatem in sua vxore expertus est. In transitu monet, se in cadauere infantis aliquando multos vermiculos viuos, et in vase quodam, quod elixirium vitae continebat, multos scarabaeos satis magnos inuenisse.

Cl. VARNIER varia curationis huius morbi ex p. 155. empla, inprimis casum, vbi lumbricus viuus 18 pollices longus vomitu reiectus fuit, enarrat, et postea causam, cur efficaciora adeo anthelmintica saepe vsu destitui videamus, in cystide peculiari, in qua occlusi haereant, ponit. Ad curationem impetrandam proponit infusum saturatum florum tanaceti, frigide bibendum, et duos vel tres cyathos olei oliuarum per diem, post tres vero aut quatuor dies emeticum, et sequente die laxans ex senna, sale de Seignette, aniso, semine cinae et manna, addita ℥j corallinae; hoc remedium quarto vel quinto

quinto quouis die repetendum, intercalaribus vero diebus bolus ex pulueris stanni  $\mathfrak{z}\mathfrak{j}$ , corallinae  $\mathfrak{z}\mathfrak{j}$ , feminis cinae  $\mathfrak{z}\mathfrak{ss}$ , olei tanaceti gutt.  $\mathfrak{xij}$  cum melle, mane sumendus et per diem ptisana ex summitatibus tanaceti, chamaedryos et centaurii minoris, addito sale quodam Tacheniano et liquiritiae, quantum palato arridet, vtendum. Anonymus quidam in eo casu, vbi vermes in colo haereant, clyisma ex feminis cinae  $\mathfrak{z}\mathfrak{j}$ , mercurii viui  $\mathfrak{z}\mathfrak{ss}$ , herbae portulacae pug.  $\mathfrak{j}$  ex aqua coquendum, cui deinde aequalis portio lactis addenda est, subiuncto altero die clysmate alio ex lacte solo, commendat.

p. 508. Cl. PENISSON denique curationem huius morbi recenset, quam in puero quodam ope boli ex semine cinae, foliis scordii et melle, cui potionem purgantem ex foliis persicorum, semine cinae, aurantio amaro et portulaca, addito oleo quodam expresso, interponebat, praestitit, quum antea anthelmintica varia, et inter haec quoque mercurius dulcis, sine fructu adhibita fuissent.

p. 86. 7. Cl. BOVRIENNE aneurysma spurium in antibrachio, ab ictu pugionis militaris (*bayonnette*) productum, qui leue alias vulnus per musculos transeundo effecerat, tamen simul, vt erat probabile, arteria cubitali tacta, linteis complicatis super arteriam brachialem applicatis, compressione gradatim aucta, brachio frequenter spiritu vini camphorato et salis ammoniaci consperso, venaesectionibus duabus fortioribus et altero die tertia adhuc, diaeta seuera, potu diluente ceterisque auxiliis ad imminuendam velocitatem circuli sanguinis eo deduxit, vt tertio iam die ecchymosis resolui inciperet, et tribus septimanis elapsis aeger plane restitutus esset: ex quo patet, minus necessarium esse in vulneribus a solo ictu instrumenti acuti profectis arteriam



arteriam denudare et dein ligare; contrarium autem obtinet in vulneribus felopetorum, in quibus iam ingens dilaceratio partium adest, quae ligaturam facile permittit.

Mense augusto:

1. *Epitome noui lexici materiae medicae* \*). p. 99.

2. Cl. BEAUSSIER DE LA BOVCHARDIERE p. 120.  
*observationem de puella 14 annorum a cane rabido morsa, et frictionibus mercurialibus remediisque antispasmodicis curata* communicat. Vulnus duorum et dimidii pollicum in brachio dextro, et aliud minus, ab vnico dente inflictum, in sinistro conspiciebatur, in quo etiam alio in loco fugillatio apparebat. Postquam solutio salis marini, alcalinus volatilis liquor (*eau de Luce*), pediluua cet. adhibita essent, altero die, aduocato Cl. Auctore, vena secabatur et vnguentum Neapolitanum camphoratum applicabatur, quibus auxiliis postea laxantia et bolus ex cinnabari naturali ac factitia et moscho subiungebantur; quinto autem die frictiones ob incipientem saluationem suspendebantur, accedentibus iam, leuioribus tamen symptomatibus hydrophobiae: et sic potu diluente et refrigerante per aliquot dies continuabatur, pro re nata clysmata vel purgantia cet. in vsum ducebantur, et vulnerum cura requisita habebatur. Decimo vero die cum intenso dolore brachii dextri conuulsiones, rigor totius corporis, sensuum abolitio cet. accedebant, quae symptomata sequenti quidem die mitescebantur, sed deglutitio prorsus impedita, halitus

\*) Dictionnaire raisonné uniuersel de Matiere médicale cet. A Paris, 1773. 8. 4 Voll.

tus foetidus, debilitas summa cet. succedebant. Balneum frigidum et aqua frigida capiti adspersa, aegra deinde in lectum calidum collocata, eo tamen statum eius deducebant, vt frictionibus rursus locus esset, et cochlearia quaedam potionis antispasmodicae ingeri possent. Die duodecimo sensus redibant, et deglutitio liberior erat; frictiones, balnea et embrocationes continuabantur, et vulnera digestiuis cum vnguento mercuriali coniunctis tractata multum suppurabant; laxantia adhibita tamen saluationem non impediabant, quae die 15 incipiebat, et vsque ad 16 diem, sed modice, perdurabat. Laxans leuius curationi finem imponebat, reliquis auxiliis necessariis simul adhibitis. Huic narrationi, cuius summam exhibuimus, quae vero eleganter et copiose tradita est, reflexiones aliquot subiungit Cl. Auctor, et demonstrat, morbum hunc veram hydrophobiam fuisse, in qua duo tantum symptomata, furor mordendi et horror ab aspectu aquae, defuerint, quorum vltimum tamen si iam adsit, morbum incurabilem esse declaret, quod et alii summi nominis medici statuunt; et vnicum certissimumque auxilium in mercurio positum esse.

P. 145. 3, *Epistola* Cl. GODOI ad Cl. ROUX, de curatione feminae 71 annorum, debilis et cacochymicae constitutionis, quae cum doloribus rheumaticis in toto corpore, a septem annis dolorem in scrobiculo cordis senserat, sensim auctum, tandemque cum syncope, tremore vniuersali, sudore frigido, pallore faciei aliisque funestis symptomatibus coniuncto; post febriles insultus aliquot dierum accedebat vomitus sanguinis, puris, bilis, lumbricorum, et cutis 5 pollices latae, et postea diarrhoea purulenta cum deiectione vermium viuorum et similis portio-



portionis cutis; ab omnibus assumtis, sola exigua portione vini excepta, dolor usque ad animi deliquia recrudescebat. Noster in auxilium vocatus, abscessum folliculo inclusum in ventriculo morbi huius causam suspicabatur, ideoque, praemissis euacuantibus, potiones vulnerarias non sine fructu exhibebat; sed dolore surdo cum ponderis sensu in epigastrio remanente, tandem regionem hanc examinabat, et abscessum insignis magnitudinis detegebat, quem aperiebat, et sedem eiusdem in lobo minore hepatis fuisse videtur; sub continuata curatione huius abscessus lumbrici aliquot viui et mortui egrediebantur, et ventriculus ipse perforatus apparebat, quod tamen nonnisi a lumbricis praestitum esse ex eo colligit, quia ingesta nonnisi octauo post aperturam abscessus die, quo vermes isti demum prodierant, ex vulnere effluebant. Alimenta parcissima et vulneraria exterius et interius adhibita vulneris ventriculi consolidationem intra sex dies praestabant; et reliquum vulnus successu temporis optime glutinabatur, adeo ut aegra sanitatem senilem ex voto recuperaret.

4. Cl. BOVRIENNE historiam militis refert, qui p. 152. iusculum assumens subito in parte superiori pharyngis obstaculum, dolorem excitans, sentiebat, qui adeo increescebat, ut deglutitio impossibilis redderetur; Noster, cereo immisso, os ad partem inferiorem oesophagi descendere cogebat, et altero die solutionem tartari emetici exhibebat, quod vero effectu sperato carebat; post aliquot septimanas aeger reuersus dolorem lancinantem in regione inferiori oesophagi sentiebat, qui etiam respirationem difficilem redderet; emetico itaque exhibito, decocto ficuum pro potu utebatur, et tunc doloribus sedatis panem facile deglutiebat, et sensim dolores imminue-

imminuebantur; donec plane euanescerent. Credibile igitur est, os in oesophago haerens denique in ventriculum descendisse.

p. 163. 6. *Nouum experimentum subitae calcinationis auri, argenti, cupri et stanni*, quod Cl. COMVS instituit. Laminas nimirum horum metallorum, inter duo folia chartae glutinatae collocatas, scintillae electricae fortiori subiecit, et a primo eiusdem ictu metalla calcinata conspexit: aurum coloris violacei, puluere eius superficiebus chartae firmiter adhaerente; argentum eam colore ex fusco nigricante, cuprum magis adhuc nigro, et stannum griseo vel fordide albo inquinat. Hanc calcem, seu hunc puluerem auri Cll. ROVELLE et D'ARCEY chemice disquisuerunt, et plane conuenire cum praecipitato auri CASSII conspexerunt; quare nec stannum, nec nitrum, nec magnesiā auro colorem purpureum conciliare, illudque non adeo calcinari, quam in subtilissimas tantum moleculas diuidi posse, statuendum est. Postea Cl. COMVS phaenomenon, a Cl. PRIESTLEY obseruatum, citat, quod cum suo experimento egregie conuenit, nempe aurum, in calamo inclusum, sub electrificatione colore coccineo tinctum fuisse.

p. 169. 7. Cl. LEVRET *nouae annotationes super prolapsu vteri modisque huic malo medendi*. In tres partes Cl. Auctor tractatum hunc diuidit, ita, vt primo de prolapsu hoc in genere exponat. Postquam consuetam diuisionem morbi huius, prout idem vel cum inuersione vteri coniunctus est, vel non, adduxit, paucis ostendit, perperam causam ipsius in relaxatione ligamentorum vteri poni, cum haec ipsa effectus demum prolapsus vteri sit, adeoque vehementer errare eos, qui ab hac relaxatione corri-



corrigenda curationem ordiantur. Postmodum triplicem vtriusque prolapsus gradum describit, et dein de prolapsu membranae internae vaginae agit, qui vel solus est, vel cum prolapsu vteri coniunctus; membrana ista vel tota, circularem ambitum formans, prolabitur, vel tantum quoad partem; si prolapsus iste simplex est, tensiones dolorificae ligamentorum vteri, ponderis versus intestinum rectum sensus, retentio urinae, aut mutata eius effluxus directio absunt, quae cuncta prolapsum vteri comitari solent. Ex iisdem signis etiam cognosci potest, vtrum prolapsus vteri, an vaginae, praecesserit et primarium morbum constituat. Tensio ligamentorum semper adest in prolapsu vteri, et quicquid eadem relaxat, dolorem cum tensione ista coniunctum tollit; faeces adeo induratae, in intestino recto haerentes, dum vices pessarii gerunt et vteri descensum impediunt, illum dissipant. Inde prolapsus incompletus vel semiprolapsus, uti vocat Cl. Auctor, aegre distinguitur, si femina supina iacet, genibus eleuatis; inde idem matutino tempore difficiliter inuenitur, quam vesperi.

In parte secunda Cl. Auctor nouum morbum p. 269. vteri proponit, qui non prolapsus, sed dislocatio (*déplacement*) eius dicendus est. Primo eum in cadauere feminae detexit, quae calculosa putata et hunc in finem operationi lithotomiae, sed frustra, quondam subiecta fuerat. Vterus transuersim in pelui situs erat, orificio ad partem mediam intestini recti applicato, et parte anteriori et superiori corporis vteri ad fundum vesicae vrinariae directo, ita ut tumor inde in vesica perceptus calculum tunica inclusum mentiretur. Causa ex inspectione cadaveris nulla patebat, nisi infarctus leuior in pariete anteriore corporis et in fundo vteri; adstantes autem referebant, feminam hanc a lapsu in genua

difficultate vrinam mittendi et aluum deponendi laborasse, menstrua sine ordine et fere continuos dolores imi ventris, inprimis situ erecto diutius servato, passam esse. Eundem postea morbum bis vidit Cl. Auctor, symptomatibus calculum mentientibus stipatum, orificio vteri vix, nisi digito in intestinum rectum immisso, persentiscendo: pessarium per sufficiens tempus gestatum, licet fluorem album aut producere, aut iam praesentem augere videretur, curationem felicem praestabat.

**p. 352.** In parte tertia Noster primo observationem a Cl. HOIN sibi communicatam refert, quam iam Cl. SABATIER commentario suo de dislocationibus vteri \*), inseruerat. Corpus cylindricum, 10 circa pollices longum et 7 circa pollicum ambitu, anterieus coloris sani, sed posterius ad duas tertias longitudinis exulceratum, a labiis pudendi usque ad media femora dependebat, in corpus hemisphaericum, pollicem fere longum, rubicundioris coloris, in medio apertura longitudinali instructum, labiis attenuatis desinens; corpus prius cylindricum vagina erat, alterum hemisphaericum, vterus; exulceratio a frictione ad femora orta. Menstrua ex orificio vteri regulariter effluebant. Causa erat imminens lapsus a titubantibus in glacie pedibus, licet femina eum praevertisset; et inde per quadriennium tumor tantam molem nactus erat. Reductio lenta quidem erat, sed tamen felix, et eadem peracta, Cl. HOIN pessarium applicabat, quo aegra per reliquum vitae tempus vteretur. Similem propemodum casum Cl. SAVIAN descripsit \*\*). Postea bina eiusmodi exempla

\*) Mém. de l' Acad. Roy. de chirurg. Vol. III. p. 361. seqq. v. comm. nostr. Vol. VIII. p. 213.

\*\*) Nouveau recueil d' observ. chirurg. Obs. XV.



exempla ipsi Cl. Auctori nostro obuenerunt, alterum in virgine hydropica, quod curationem non admittebat, alterum in vidua, quam saepe tentata, ac demum feliciter peracta repositione adhibitoque pessario restituit. In vtraque aegra lapsus primam morbi causam fistebat, qui lente demum increuerat: interior tunica vaginae inuersa cum collo vteri descenderat, ipso fundo huius visceris, quem specillo ex balaena flexili attingere poterat, in sede sua relicto. Inde Cl. Auctor docet, morbum hunc, quem ipsae aegrae polypum vteri putauerant, minus cognitum esse, et controversiam componit, num collum vteri solum descendere et prolabi queat.

Mense septembri:

2. Cl. DELAROCHE *de tetano, frictionibus mercurialibus curato.* Sartor 22 annorum, vehementi capitis dolore afflictus, venam sibi secandam curabat; immediate post hanc euacuationem spasmus maxillae, ac sensim rigor totius corporis insequabatur. Remediis variis per duas septimanas incassum tentatis, praemissa venae sectione, quotidie drachma vna vnguenti, quod aequales partes mercurii et adipis habebat, illinebatur, et balneum quotidie subiungebatur; iam post duos dies morbus mitescebat, et post quindecim dies fugatus videbatur, sed, cortice Peruuiano in usum vocato, tamen post octiduum nonnihil recrudescebat, continuatis autem per aliquot dies frictionibus paullo post plane cessabat. Saliuatio numquam excitabatur, licet ea in casu a Cl. MONRO \*) narrato, ad cuius normam Noster morbum istum tractabat, factis insignis fuerit.

Q 2

2. Cl.

\*) In Edinburgensium commentariorum Vol. III. Art. 30 et 31.

p. 219. 3. Cl. MARESCHAL DE ROUGERES *commentarius de scrophulis*. Vitio scrophuloso in genere considerato, diuersi morbi gradus exponuntur et in causas eius inquiritur. Postea Cl. Auctor remedium ad illud corrigendum proponit, ex saponis Starkeyani ℥iiij, salis tartari et ammoniaci ana ℥j, limaturae martis ℥ij, assafras, saponariae et florum digitalis ana ℥j, in massam pilularem sollicita trituratione combinandis, cuius dosin a gr. xv ad ℥j singulo mane ex infuso saponariae aut glycyrrhizae porrigit, praemisso emetico ex ipecacuanha seu tartaro emetico, et purgante ex radice ialappae et dupla portione sacchari, quod etiam pilulis interponendum est, quum humores stagnantes resolui incipiunt. Tumoribus nondum apertis vel nihil, vel emplastrum ex cerussa et oleo oliuarum tantum imponit; vbi vero durities maior resoluentia fortiora postulat, emplastrum ex tribus partibus succi cicutae cum vna parte gummi ammoniaci ad extracti consistentiam coctis. Tumores apertos oleum tartari per deliquium optime depurat, quod etiam efficacissimum est aduersus cariem ossium. Scalpello nonnisi in tumoribus cysticis opus est, qui tamen etiam, licet tardius, lapide infernali applicato extinguere possunt.

p. 260. 6. Cl. OSTEND *epistola ad Cl. DE LATANE, super quibusdam effectibus pulueris sic dicti purgantis D'AILHAUD*. Vir quidam iam pluribus abhinc annis obstructo hepate et vehementi cephalalgia laborans, et fonticulo in pede excitato hucdum multum subleuatus, a prima huius pulueris dosi tranquilliozem quidem, sed solito calidiorē se sentiebat; tertio die cephalalgia reuertebatur, aucto ventriculi atque intestinorum dolore sociata; hinc alteram dosin assumebat, quam cum insigni virium



virium iactura deiectiones parcae, et nocte subsequente, post atrocissimos infimi ventris dolores, cruentae cum febre sequebantur; fonticulus siccabatur, dolores recrudescebant, sanguinis diluti effluuium per anum tres dies continuabat, postea deiectiones nigrae, foetidissimae fiebant, accedebat singultus, pulsus debilis ac tremulus, et quinto die mors. Secto cadauere conspiciebatur hepar maximae molis, hinc inde scirrhusum, canalis intestinalis inflatus, pylorus gangraenosus, ventriculus intus maculis nigris obsitus, et hinc inde sanie purulenta infectus; ex omnibus intestinis duodenum maxime affectum, et tunica villosa fere penitus orbatum. Puella chlorotica post sex doses assumptas vehementi dolore ventriculi et vomitu cruento afflicta, potione sedante, multoque lacte per octiduum hausto, aegre seruabatur. Infans decem mensium, qui fere quartam, et alius duorum ac dimidii annorum, qui ultra dimidiam partem portionis consuetae sumserat, a conuulsionibus, inde enatis, lacte quibusdam guttis anodynus mixto liberabantur. In duobus canibus diuersum huius pulueris effectum vidit Noster: alter tantum vehementer inde vomebat, cibumque per duos dies repudiabat; alter conuulsionibus diris inde affectus, hausto oleo oliuarum deiectiones nigras copiosissimas patiebatur, vixque appetitum recuperare poterat. Incertum omnino remedium est, neque negari poterit, esse homines, qui eius stimulo non moueantur, vti sunt, qui fortiolem stimulum emetici, aliis nociturum, ferre possunt, quale exemplum Noster in milite vidit, qui granis octo tartari emetici exhibitis, gulam insuper pluma irritando, tamen leuiter tantum purgatus fuit.

Mense octobri:

p. 316. 2. Cl. EMPEREUR *de morbo ischuriam vesicalem subsequuto, secundum indicationes pulsuum tractato.* Morbus iam septem vel octo dies perdurauerat, saburram in intestinis collectam simulans, praesertim cum vrina copiosa clara et inodora excerneretur: neruosum vero eundem fuisse docebat eius exacerbatio ab euacuantibus intra hoc temporis spatium in usum vocatis. Tunc cum plenaria vrinae suppressione accedebant sudor vrinofusus, oppressio pectoris ac lethargus, quae symptomata subsistebant, licet vrina cathetereeducta esset; vesicatoria nuchae et surae applicata, cardiaca, ac demum clamores altiores, aegrum quodammodo excitabant, expectoratio incipiebat, clysmata et laxantia aluum exonerabant, et ita sensim sensimque, euacuationibus omnibus per aliquot dies vrinae odorem spargentibus, aeger denique restituebatur. Horum auxiliorum selectum et ordinem Cl. Auctor sedulo ad indicationes ex pulsu petitas dirigebat, quatenus ille vel abdominalis, vel pectoralis cet. erat, quae vero copiosius hic referre nequimus.

Mense nouembri:

p. 422. 3. Cl. DELAGARDE *observatio de polypo uterino, secundum methodum Cl. LEVRET \*) exstirpato.* Femina per aliquot annos fluore albo continuo laborauerat, quem medici causae ignari, frustra aggressi fuerant: tandem accedebat grauissima haemorrhagia vteri, qua vix per confectiorem de hyacintho ex vino rubro, et aluminis crudi iteratas por-

\*) Journal de Médec. Tom. XXX. p. 531 seqq.



portiones exhibitae cohibita, quum tactu explorari se pateretur aegra, polypus figurae ex sphaerica nonnihil oualis, fundo vteri in latere dextro adhaerens detectus est: hunc Noster ope instrumenti a Cl. LEVRET descripti primo mediocriter deligavit, sed filum singulo mane et vesperi fortius attraxit, donec quinto vel sexto die foetor exoriretur; tunc antisepticiis internis et externis adhibitis, octavo die polypus decedebat: tunc balsamicis in usum ductis aegra conualescebat, ita, ut menstrua iusto ordine redirent, et tantum debilitas cum vertigine, quam ipsa spasticae dispositioni nervorum, quam *vapeurs* dicunt, tribuebat, remaneret. A simili haemorrhagia vteri aliam feminam mori vidit Cl. Auctor, ad quam nimis tarde vocatus fuerat, eidem sine dubio causae adscribenda.

6. Cl. PINART *de partu quodam extraordinario*. p. 448.

Mense nouembri femina quaedam grauida haemorrhagiam vteri patiebatur, quae duabus venae sectionibus, iusculis et potioni balsamicae et adstringenti, situ in lecto seruato, cedebat; mense sequenti pleuritis accedebat, quae quatuor diebus, post octo venae sectiones administratas euanescebat: elapsis duobus mensibus fetum mortuum et diu iam, ut videbatur corruptum pariebat, cuius, quum funiculus umbilicalis etiam putredine destructus esset, Noster placentam extrahere volebat, sed simul alium infantem inueniebat, calidum adhuc, tandem post tredecim dies femina haec alium infantem viuum et vegetum pariebat, qui per septem menses, matre salua superstite, vixit.

7. Cl. MARESCHAL DE ROUGERES *emplastrum* p. 449.  
*ad clauos pedum communicat, ex cerae purae et*

Q 4

gum.

gummi ammoniaci puluerisati ana ℥ij et viridis aëris ℥vj, prope ignem malaxandis, et linteo illiniendis, ita vt emplastrum magnitudinem clavi paulum superet. Priusquam autem istud applicetur, ille aqua tepida paulum macerandus et cutis scalpello abradenda, postea emplastrum calidum imponendum et fascia firmandum est. Raro bis repeti debet; nam per duas septimanas seruari oportet. Verrucae solo sapone aqua emollito fricatae, donec albescant, intra octo vel quindecim dies evanescent.

P. 451. 8. Cl. ROVELLE *observationes super urina humana, vaccina et equina, inter se inuicem comparatis.* Sedimentum urinae sanae, post aliquot dies fundum petens, gelatinae speciem refert, nihil autem eiusdem continet. Urinae spasticae disquisitio chemicis commendatur. Urina cruda, post pastum redita, euaporata non nisi duas vel tres drachmas residui mediae consistentiae ex mensura largitur, cuius quantitas ex urina sanguinis ab vna vsque ad sesqui vnciam et vltra ascendit. Prior etiam lentius et absque foetore putrescit, et sub hac mutatione mucore obducitur, sicut decocta seu succi vegetabilium et gelatinae animalium. Chemice disquisita urina humana praebet duplicem substantiam, in aqua soluendam: alteram saponaceam dicit Cl. Auctor, quae magnam partem in spiritu vini soluitur, alteram extractiuam, quae menstruum hoc respuit, et licet cum priori vna dissoluatur, tamen quiete rursus separatur: haec pars in urina humana minima proportionem adest: Saponacea, si depuratur, indolis salinae est et crystallisationi apta; difficulter in balneo maris siccatur, et substantiam vinctuosam obscure fuscam, mellis inspissati ad instar, refert, facileque humiditate aëris attracta liquescit,



quiescit: est materia nutrienda vegetabilium, in indolem animale mutata, et continet acidum salis marini; sub analysi chemica plus quam dimidium alcali volatilis, parum olei et salis ammoniaci, et residuum non alcalinum praebet. Pars extractiva balneo maris in substantiam nigram, extractis plantarum similem, parum humiditatis, ex aëre attrahentem mutatur; sistit partem gummosam vegetabilium in indolem animale conuersam, cuius omnia phaenomena exhibet. Praeter duplicem hanc substantiam vrina continet salem marinum, cuius basis natrum est, eumque copiosissimum; salem fusibilem, salem febrifugum SYLVII, et salem GLAUBERI. Salem ammoniacum ex vrina obtinendum Noster vel nonnisi productum ignis putat, vel in vrina latere, combinatione incognita. Olei admodum exigua quantitas adest. Alkali fixum, post calcinationem demum detegendum, ob nimis exiguum copiam partibus constitutivis annumerari nequit: sic etiam pars terrea. Vrinam putrefactione salem marinum euoluere et volatilem reddere, Noster non vidit: sed per plures menses, imo ultra annum putrefacta et ad syrupi consistentiam inspissata, cum spiritu alcalino volatili vrinæ, imo cum vrina putrefacta ipsa efferuescit: de reliquo eadem inde substantiae, quam ex vrina recenti, obtinentur, et praecipue sales puriores, qui etiam commodissime parantur, si vrina ad consistentiam duriorē ficcata ex retorta destillatur.

Vrina vaccina, recens odorem fortem singularem spirans, tempore magis coloratur, libero aëri a 18 ad 30 horas exposita in superficie paruas crystallas oblongas regulariter diuisas format, post duos vel tres dies similem, vt humana, substantiam

gelatinosam deponit tactu saponacea et vinctuosa est, vt leue lixiuium alcalinum, infusum violarum leui viridi colore tingit, cum acidis efferuescit, ab alcalibus non mutatur; alcali vegetabile inesso docet generatio nitri ab affuso eiusdem spiritu. Duplex itidem, supra memorata, substantia eidem inest: saponacea, copiose praesens, parum salina Nostro visa est, et multum alcali volatilis, plus olei quam vrina humana, sed nihil salis ammoniaci, praebet; caput mortuum alcalinum est. Substantia extractiua copiosior est quam in humana. Praeter haec adsunt verus tartarus vitriolatus, satis copiosus; sal febrifugus SVLVII; alcali fixum vegetabile, sal tartari simile; sal acidus volatilis, sublimatione floribus benzoës similis, quos etiam sapore pungenti aequat, in aqua parum, sed facillime in spiritu vini et aethere solubilis; hic sal putrefactione adeo decomponitur, vt postea detegi nequeat, neque in omni vrina vaccina deprehenditur. Vrina haec phosphorum non largitur, quia nullum salem fusibilem continet.

Vrina equina, aëri exposita, pellicula terrestri, qualis aquae calcis innatat, obducitur, interdum satis copiosa, ad sex vel septem vncias ex mensuris duodecim vrinae. Deponit etiam sedimentum terrestre, magis gelatinosum quam in humana et vaccina, sicut omnino gelatinosior est; sed haec indoles coctione aut forti agitatione perit. Alcalina etiam est; alcalibus affusis turbatur et sedimentum terrestre praecipitat. Substantia duplex, antea adducta, copiosa adest, et extractiua quidem copiosior quam in humana vel vaccina, coloris nigri, pici similis; similia etiam producta praebent, sed nec ammoniacum salem, nec phosphorum; quamuis Noster acido eiusdem illam priuatam esse  
non



non putet. Insunt autem praeterea verus tartarus vitriolatus, copiosa terra absorbens calcarea, selenites huic terrae admixtus et cum ea se praecipitans, sed nullum alcali fixum euolutum putrefactione similia cum prioribus phaenomena exhibet, quae Cl. Auctor alii occasione referuat.

9. Cl. COMVS platinnam prius vel affuso spiritu p. 468. falis, vel calcinationis ope, particulis martialibus priuatam scintillae electricae subiecit, et tunc magnes illam attraxit: quae spiritu falis tractata fuerat, postea mercurium currentem, in superficie exsudantem, monstrabat, qui vero, platinnam vim ignis experta, amplius fuscitari non poterat. Eadem experimenta (ratione particularum ferrearum) in cobalto successerunt: electricitas partem regulinam fundit, quae principium coeruleo colore tingens continet: calx enim ferri nonnisi obscure fuscum colorem vitris tribuit.

Menſe decembri :

1. *Epitome tomi ſecundi ſyſtematis artis obſetriciae ex Anglico Cl. BURTON, in Gallicam linguam translata, a Cl. LE MOINE \** p. 483.

3. Cl. BOVCHEL *de paſſione iliaca grauioribus ſymptomatibus ſtipata, et uſu mercurii currentis ſanata.* Morbus erat putrido verminofus, cum ſatis intenſa febre, et manifeſtis ſignis voluuli inteſtinorum; balnea, ſanguinis miſſiones, clyſmata, laxantia, opiata, incaſſum adhibebantur, quare mercu-

\*) Anglicum librum indicauimus in comm. noſtr. primae decad. ſuppl. p. 456 ſqq. Gallicum v. comm. noſtr. Vol. XXI. p. 420.

mercurii crudi tres vnciae aegro porrigebantur, unde breui post vermis ore reiciebatur, et alvus soluebatur, quam Noster clysmate, et altero die laxante ex manna et syrupo violarum in sero lactis solutis iuuabat, et sic aegrum restituebat. Dimidium mercurii currentis cum vrina euacuabatur.

p. 514.

5. Cl. PEBORDE aegrum tractauit variolis decumbentem, in quo 14 die suppuratione suppressa delirium, tussis cum sputo sanguinis et respiratio vehementer impedita accedebant: cataplasma ex foliis hederæ in aqua coctis toti corpori applicatum, quater intra triginta horas mutatum, suppuratione insigni per totam superficiem excitata, aegrum protinus mortis faucibus eripuit, sola tussis quarto demum die euanescente.

## II.

Journal d'un voyage, qui contient différentes observations mineralogiques; particulièrement sur les Agates & le Basalte. Avec un detail sur la maniere de travailler les Agates. Par Mr. COLLINI. Secrétaire intime, Direct. des cabinets d'histoire naturelle & membre de l'Academie des sciences de S.A. Electorale Palatine. à Mannheim, chez C. F. Schwan. MDCCCLXXVI. 24 pl. 8. tab. aen. xv.

i. e.

Diarium itinerarium, in quo diuersae mineralogicae observationes, praesertim de Agate et Basalte, ut et relatio de modo Agatem tractandi continentur, Auctore Cl. COLLINI.

Iter



**I**ter in regionem circa Rhenum ideo praecipue Cl. Auctor instituit, ut Basaltis illic reperiendi naturam curatius exploraret. Profectus est per *Frankenthal*, *Pfetersheim*, *Niederfloersheim* et *Oberfloersheim*, atque in *Alzeyanam villam* venit. Post *Pfetersheim* montes secundarii, qui ad catenam montis *Vogesi* (*Voges*) pertinent, incipiunt, et, quo propiores a Rheno, eo planiores fiunt. Montium horum nexum, cum iis, qui in Campania, Alsatia et Lotharingia extenduntur, curate describit et quosdam circa *Alzeyanam villam* positos, eorumque naturae producta inquirat. Sunt iidem eiusdem naturae cum illis, qui summos montes cingunt, et sensim in planitiem abeunt. Nonnullis in locis lapidibus sabulosis compositi, et praealti: alibi ex saxo, sabulo et silicibus ferruginosis conflati. Demissiores montes, iique ipsi, in quibus sequentia mineralia inuenit Cl. Auctor, lapidem argillosum habent, et cum iis alii nectuntur montes, calcareos lapides offerentes. p. 5.

Primo petrefacta in regione circa *Alzey*, *Weinheim*, *Flonheim*, et *Vffhofen* inuenta describit, et notatu digna aeri incidi curauit. Ex his primum est petrefactum *ostreum polyleptoginglimum* a Cl. Auctore dictum, quod propter singularem cardinem, transuersim sulcatum ita dicitur; cuius quidem protypum nobis *Arcae* LINN. quaedam species esse videtur. *Cypream*, *Chamam*, et *Buccinum* petrefacta, tanquam rariora huius regionis indicat. Non minus memorandum est Auctoris *Ostreum fossile ignoti testacei*, quod nobis tamen, ratione formae et valuarum nexus, apprime cum *Spondylo* LINN. videtur conuenire magnitudine insigni octo pollices ad longitudinem, et sex ad latitudinem, totidemque in crassitie, pondere decem libras p. 10. p. 16.

p. 21. libras aequat. *Glossopetras* minoris et maioris vobis luminis, et dendritis ornatas; atque ossa petrefacta quoque indicat, quae omnia ochra flaua penetrata sunt.

p. 28. His descriptis Saxa Agatina in campis illius regionis dispersa eorumque quoad colores varietates describit; eademque in iisdem, vbi reperiuntur, locis ex lapide argilloso sic orta esse putat. Lapidem enim montium esse in vniuersum argillaceum et calcareum, mixtum ochra martiali, qui facile aëre dissoluatur; eodemque dissoluto in terram et inundationibus ablato altiores montes planiores factos, et iterum soluto lapide in terram, ex sterilibus in fertiles mutatos esse. Eiusmodi esse montes, in quibus Agates reperiuntur, qui, cum stratum argilloso, calcarei et cum ochra mixti lapidis in iisdem esset formatum, in medio eiusdem simul cum crystallis nati sunt: iam dissoluto quoque hoc strato in terram, euenisse, vt solitarii et sparsi agatina saxa remanerent.

p. 38. Fodinas circa *Moerschfeld*, in quibus mercurius eiusque minerae fodiuntur, adiit, atque de iis vt et de mineris exponit. Mirandum esse, ait, quod montes hi, etsi copiose mercurium contineant, tamen omni genere vegetabilium fertiles sint, quod contra communem in reliquis similibus locis est obseruationem. Ex puteo, a Serenissimo Principe CAROLO THEODORO nominato, obtinetur solida, obscure rubra, et dura minera, quae dimidium ponderis partem mercurii continet; interiora nonnumquam mercurii natiui guttae, nonnumquam pyrites, vel crystalli mercuriales transparentes, rubrae, figurae variae, (seu potius cinnabaris crystallisata) occupant. Minerae hae terra vel lapide argilloso cingun-



cinguntur, et venae mercuriales pyritosae eadem  
 saepe penetrant. Spatum, lapis fabulosus, vel  
 calcareus, venam plerumque proxime ambiunt.  
 Notabile est, quod Galena in cubos crystallisata  
 iuxta hanc mineram reperiatur, quae eo compa-  
 ctior sit, quo plus illius adsit. Reperiuntur etiam P. 44.  
 in his fodinis pisces petrefacti, in schistum nigri-  
 cantem, striis et punctis mercurialibus penetra-  
 tum. Schisti coniunctionem cum mercurio raram  
 quidem esse, sed tamen nonnunquam in eodem  
 mercurii natiui guttae reperiuntur.

His subiungit descriptam methodum, qua ex  
 minera mercuriali ipse mercurius extrahatur,  
 simulque furni fusorii icones. Concussae nempe P. 48.  
 minerae admiscetur calcis viuae ea quantitas, quae  
 copiae sulphuris immixti, et lapidis respondeat;  
 tumque eadem ferreis retortis inditur, quae furno  
 supra lateres, in stratis supra stratis, ita immittun-  
 tur, vt earum collum ventre profundius iaceat,  
 quo mercurius facilius destillet in recipiens collo  
 retortae adaptatum vas. Per vndecim circiter ho-  
 ras continuo igni expositis retortis mercurius  
 omnis purus ex minera obtinetur. Addit plures  
 cautiones in fusione obseruandas, atque curatio-  
 rem furnorum descriptionem, iconum tamen illu-  
 stratione egentem.

Sunt quoque prope urbem *Creuznach* fodinae P. 78.  
 mercuriales, quae vero non coluntur; eo maioris  
 autem sunt vtilitatis salinae, ibidem scaturientes,  
 etsi nihil prae reliquis singulare offerunt.  
 Saxum montis his salinis vicini est compositum ex P. 81.  
 spato albo, et viridescente, quarzeis granis, micae  
 lamellis, et ochra bruna. Montes iuxta fluvium,  
*Nahe* dictum, altius eleuantur, eorumque saxum  
 est lamellosum argillaceum, et calcareum aëre de-  
 hiscens.

hiscens. Laminae a reliquis separatae, aëri expositae nigro colore imbuuntur. Notari meretur plurium horum montium saxum, aëre dissolutum, mutari in terram fertilem, cum humidum aëris vel in terram calcaream, vel in argillae acidum vitriolicum agat. Hanc saxorum proprietatem, nondum ab aliis animaduersam, inquit vberius, eamque oeconomiae perutilem esse ait.

- p. 91. Prope oppidum *Kirn* fodina aluminis est, in qua alumen vel in schisto cinereo nigricante, vel in lithanthrace reperitur. Saxum montis venam tegens est argillaceum, cum mox descripto eiusdem naturae. Non procul abinde, iuxta vicum *Fischbach*, est fodina cupri; cuius minera in vena inter terram viridescentem argillosam et alcalinam extensa reperitur, diciturque *minera cupri vitrea, nigrescens*. Olim copiose et aere diues ea hic fossa est, iam vero parcior et vilior inuenitur. In hac fodina etiam bitumen nigrum, splendens, in lamellis et granis reperitur, quod accensum gratum spargit odorem.
- p. 97.
- p. 98. Notatu digni sunt montes inter *Kirn* et *Oberstein* iuxta fluuium *Nahe* positi, qui ex filicibus diversae magnitudinis et formae aggregati, et ope ochrae ferruginosae aliquo modo conglutinati sunt, vt hoc saxum *Brecciae filiceae imperfectae* nomen Cl. Auctori mereri videatur. Nullo ordine haec saxa posita sunt; sed in cacumine montis saxa plurium pedum longitudinem et crassitiem minoribus aequae inspersa sunt, atque ad radicem eiusdem.
- p. 106. Hos filices non aliunde huc latos, sed eo ipso in loco natos esse existimat Noster: fuisse enim omnem hanc massam ante fluidam, atque substantiam filiceam illic abundasse, et mixtam fuisse particulis ochraceis: simulatque autem aliquo motu acta fuerit



fuerit haec massa, particulas filiceas sese attraxisse, quam quidem attractionem impedierit ochracea immixta massa, indeque diversi voluminis rationem pendere: quiete iam accedente induruisse massam, formamque Brecciae filiceae nactam esse.

Inter montem altum, petrisque eminentibus p. 109.  
horridum, et fluuium *Nahe*, situm est castellum *Oberstein*, cuius singularem situm tabula aenea illustrat. Montes huius regionis in saxo argilloso copiosos continent *Agatos* et *Iaspides*, quorum colores, etiam viridem, recte ferro tribuit, atque vberius describit Cl. Auctor et iconibus illustrat, quomodo et fo-  
diantur, et tornentur hi lapides.

Observationes de *Agatis*, qui in massis globosis p. 126.  
alii saxo innati reperiuntur, multas omittere cogimur, quae ad generalem eorum historiam, diversam figuram, duritiem, atque corpora in iis nonnunquam contenta, vel eos comitantia pertinent: et nonnulla tantum de saxo, in quo reperiuntur, atque de substantia, ex qua eosdem formatos putat, Cl. Auctor commemoremus. *Agatos* et *Iaspides* quoad materiam esse vnum idemque, differre tantum pelluciditate, quae vti notum est, in *Iaspagate* quasi confluat. Forma *Agatorum* demonstrat fuisse eosdem in statu fluido; observauit Noster, p. 144.  
mammillosos, cylindricos, filamentosos, et stala-  
ctitis similes, quin inmo crystallifatos intus cauos,  
conicos, interdum planis pluribus, interdum tereti  
ambitu instructos.

Saxum, in quo *Agates* reperitur, colore est vel p. 145.  
brunum, vel griseum, vel nigrescens, compositum  
ex particulis argillaceis et calcareis, martialibus-  
que, atque aëre dehiscit. Duritiem diuersam pendere p. 152.  
putat a diuersa mixtione et proportionem corporum

- terrestrium, et a differenti modificatione molecularum ea constituentium. Admixtis enim heterogeneis particulis imminui duritiem: proclivis est Cl. Auctor, ut duritiei maioris causam in Agate
- p. 158. ferreis particulis tribuat. Expositis eleganter sententiis mineralogorum, de origine Agatae et reliquorum filicum, eos ex terra argillacea, calcarea et martiali iunctis inter se ortos esse putat, idque tum quod in simili lapide inveniuntur, tum quod petrefacta conchylia in filices quoque mutantur, probat. Iam vberius describit quarzeas crystallos, earumque figuram simulque rationem formationis, quae in globis agatorum deprehenduntur, atque filamenta diversi coloris, quae vulgo musci petrefacti haberi solent, recte a ferreis vel aliis terrestribus particulis, quae rimas penetrarint, derivat: ubi et multa bene disputat de aliis immixtis peregrinis corporibus.
- p. 228. Deinde modum indicat Cl. Auctor, quo Agates illic poliatur, atque ad usus adaptetur, huicque operi feruientia instrumenta et molendinas ad secandos agatos instructas descriptione et iconibus illustrat: quae quidem Lectori ipsa legenda commendamus.
- p. 272. Montes inter *Oberstein* et *Coblenz* componuntur ex schisto argillaceo, varii coloris, qui aëre decomponitur, atque sic culturae solum fit aptum: tegitur idem quarzeo saxo, Brecciae siliceae simili.
- p. 276. In eadem via sunt etiam aquae minerales. Repetit hic Noster, regionem in altero latere trans Rhenum, quam alio tempore lustratus est, huic omnino esse similem.
- p. 284. Non procul ab urbe *Coblenz* prima signa olim praesentium vulcanorum apparent. In campis enim vici *Andernach* etc. frusta Pumicis, atque Basaltis,



Basaltis, terra *Tras* dicta dispersa sunt, atque ex posteriore aedes domusque exstructae sunt. Terra *Tras*, in iis locis *Tuffstein* vel *Duckstein* appellata, invenitur in plano campo, decem usque ad quatuordecim pedes sub superficie telluris, quae supra illam fertilis est: est massa ratione consistentiae media inter terram et lapidem, porosa, et valde levis, quae siccata sonitum edit, aquae immissa fridorem excitat. Quo magis porosa, eo melior habetur. Coloris est grisei, in flavum, vel brunum nonnunquam inclinati. Inde, quod Pumice commixta est, apparet, eam esse productum ignis: quod confirmant scoriae porosae, vitrique viridescantis et coerulei frustula. Praeterea schisti, micae et quarzi albi opaci grana, etiam basaltis seu potius *Schoerli* Germanorum fila, atque ferruginea nigra grana in ea continentur. Hanc terram *Tras* tegit argilla serene grisea. Vfus illius est, ut pulverisata, et cum calce extincta et aqua commixta ad aedificandos muros, et aedificia alia, aquae aerisque vi obnoxia adhibeatur \*). Putat Noster hanc terram olim ex montibus igniuomis eiectam esse, atque per planitiem dispersam. Nam vicini montes steriles sunt, nudi, et vnus eorum tam angustis marginibus praeditus, ut in eius cacumine montis igniuomi crater adfuisse videatur, quod tamen Cl. Auctor certe definire propter temporis breuitatem non potuit. Versus vicum *Niedermennich* fabulum viam tegebat, quod scoriis varii coloris, schoerlo et granis ferreis, schistisque frustulis diminutis constabat, quodque iterum effectum Vulcani videtur. In vico iam dicto copiose

p. 289.

p. 298.

p. 301.

R 2

foditur,

\*) cf. ea, quae b. VOGEL in Comm. Gotting. habet. vid. comm. nostr. Vol. XX. p. 602. et Cl. QVIST in Act. Holm. vid. comm. nostr. Vol. XIX. p. 393.

- foditur, lapis niger, porosus, pumice commixtus, ad molares lapides adhibitus, qui nihil aliud, nisi productum Vulcani haberi potest. Sub hoc lapide aliud stratum lauae compactioris positum est, ipseque et in aliis locis illius regionis reperitur. Videtur Nostro hic lapis esse *CRONSTEDTII Lapis molaris Rhenanus. Mineralog. §. 294.* Qui si sit, ex genere *Cotis* ad scorias vulcanorum referendus
- p. 310. est. Alio in loco *Bell* dicto, species terrae *Tras* reperitur, quae cum igni resistat, ad furnos struendos adhibetur. Eandem cum terra *Tras* habet consistentiam, non tamen porosa est, neque pumicem continet.
- p. 318. Denique describit Basaltem, in monte prope *Fornich* reperiendum, qui in columnis perpendicularibus pentaëdris et hexaëdris positus est, supra quas Laua solida, ad chalybem scintillans, et
- p. 325. basaltis frustra in planitie dispersa sunt. Trans Rhenum e regione oppidi *Vinkel* mons Basalte columnari plenus reperitur, cuius hic data est icon. Columnae Basaltis vario modo, vel iuxta perpendiculum, vel oblique, vel transuersim sitae sunt. Basaltes est niger, durus et passim ad chalybem scintillat; insunt ei crystalli *Schoerli* nigri et subviridis; variat prismate vel tetraëdro, vel quinque inaequalibus planis instructo, vel hexaëdro. In hoc monte etiam Laua grauis, porosa, vel in massis vel in globis animaduertitur. Terra lauam et basaltem tegens est grisea flauescens, fermentat cum acidis, mixta cum aqua tenax fit. Atque haec montium producta etiam iuxta Rhenum et in ipso Rheno extenduntur. Hunc Basaltem omnino esse productum Vulcani omnia probant. Hic simul Cl. Auctor omnes Physicorum de ortu huius lapidis recenset opiniones, a *PLINIO* usque ad Cl. *RASPE*.



Sub finem duorum montium, inter *Simmeren* p. 378. et *Derrebach* sitorum, mentionem fecit, in quibus schistus strato quarzeo tegitur, quod totum montem occupat. Quarzum colore vario est, eique crystalli quarzeae innatae sunt.

### III.

*Beobachtungen auf einer Harzreise nebst einem Versuche die Höhe des Brokens durch das Barometer zu bestimmen.* Von E. A. W. ZIMMERMANN, Prof. der Naturl. und Mathematik am Collegio Carolino. Braunschweig. Im Verlag der fürstl. Waisenhaus - Buchhandlung. 1775. 8. 4. Bogg.

i. e.

Observationes in itinere in Hercyniam institutae, cum tentamine altitudinem montis Bruçteri barometro definiendi. Auctore E. A. W. ZIMMERMANN.

**I**ter hoc ideo inprimis susceptum est, vt Cl. Auctor altitudinem montis *Bruçteri*, nondum satis definitam, nouo, a Cl. DE LVC composito barometro, quod prae aliis laudem accurationis ab Auctore et aliis accepit, dimeteretur. Per tres dies, tribus de die vicibus Cl. Auctor, observationes cum barometro, methodo prima Cl. DE LVC \*) instituit: quam hic etiam commemorat. Ex omnibus observationibus media huius montis altitudo est 3013' 7" 17<sup>'''</sup>: quae ea, quam Cl. HOLLMANN, qui 1102, 8 pedes Parisinos, et MYLIVS, cuius

R 3 ratio

\*) vid. EIVSD. connoissance des mouvemens celestes 1764: recentiorum eius methodum Cl. KAESTNER descripsit in *Anmerkung über die Marktscheidekunst*. Gött. 1775. S. 215.

ratio est 1349, 373 ped. Parisin. multo maior est, et cum trigonometrica per RITTERVM \*) et RIPKING \*\*) facta dimensione melius conuenit, quam illae.

- Praeterea inspersae sunt variae physicam et historiam naturalem attinentes res.
- p. 10. In summo Bructeri montis planities est sterilis, omnibus plantis et arboribus orba. Perill. DE ZANTHIER, in re forestali satis clarus, conatur sensim a radice montis incipiens in eo arbores plantare.
- p. 12. Etsi ea, quae de lapidibus auriferis dicuntur, ad fabulas pertinere videntur; tamen tentamine instituto in diuersis huius montis lapidibus, quos vero non descripsit Cl. Auctor, materiam auriferam per aquam cum lapide cohaerentem vidit, quae fusione auri grana obtulit. Turfa, hic copiosissima, maximum vsum praestat.

Blankenburgi in museo Consiliiarii Imperialis Cl. FRIDERICI vidit Smaragdum, crystallisatum, prismaticum, pollicis et quatuor linearum longitudinem, et nouem linearum crassitiem aequantem, in lapide quarzeo pyrite obiecto, qui ex insulis Philippinis esse dicitur.

Baumannianam specum quoque intrauit, et eius stalactitas describit; inter alia dens petrefactus lupi vel alius ignoti animalis illic inventus est.

Postea obseruationes subterraneas, in fodinis diuersis Hercyniae, cum barometro Lucciano institu-

\*) EIVSD. relatio historico-curiosa de iterato itinere in Hercyniae montem famosissimum Bructerum. Helmstad. 1740. p. 18.

\*\*) Syluae Hercyniae tabulae.



institutas recenset: ex quibus patet in fodinis frigidis barometro aequae certe, quam dimensionibus finitorum, altitudinem fodinarum definiri posse: minus certe vero hanc altitudinem indicat barometrum in calidis fodinis.

IV.

Table pour servir à l'histoire anatomique & naturelle des corps vivans ou organiques, publiée le 12 Novembre 1774, à la séance publique de l'Académie Royale des Sciences; Par Mr. FELIX VICQ D'AZIR.

i. e.

Tabula, qua historia anatomica et naturalis corporum viuorum s. organicorum proposita est, coram Academia Regali Scientiarum Parisiensi publicata, Auctore FELICE VICQ D'AZIR.

**H**oc titulo accepimus plagulam, quae totius folii forma est et tabulari, in qua diuisionem ex diuersa fabrica interiori totius regni animalis et vegetabilis proponit Auctor: quam cum ad paucos forte ventura et multas ob rationes notatu digna sit, hic Latinis verbis inseramus.

In prima serie ponit capita seu genera anatomica, quae ex ipsa tabula deinde quoque patebunt; in altera indiuidua, quae transitum seu vinculum diuersarum classium efficiunt: haec, quoniam ex aliis iam cognita sunt, hic transcribere superfluum iudicamus.

- Corpora viua, inquit Auctor [priorum  
 I. corde instruuntur, vel II. eodem carent. Cor  
 A. duobus ventriculis praeditum est  
 1. in Homine, qui vt infans, adultus, dupli-  
 cis sexus, et senex consideratur.  
 2. in quadrupedibus, quae  
 a. vel vno stomacho f. ventriculo cibos  
 concoquunt: eaque sunt  
 α) clauiculata  
 1. familia. Simia  
 2. — — Sciurus [BVFF).  
 3. — — Sciurus Glis LINN. (Loir  
 4. — — Talpa.  
 β) non clauiculata  
 1. mediae magnitudinis  
 1. Lepus et cuniculus  
 2. Canis 3. Felis 4. Sus.  
 2. magno corporis volumine  
 1. Equus ---- Hippopotamus, tran-  
 situm facit in amphibia  
 2. Elephas et Rhinoceros.  
 b. pluribus ventriculis praedita  
 1. cornibus solidis. Ceruus  
 2. cornibus cauis. Bos.  
 3. in Cetaceis, quae sunt  
 1. maxillis edentulis, Balaenae, Auctore  
 Cl. BRISSON.  
 2. dentibus instructa, in maxilla  
 a. superiore. Physeter,  
 b. inferiore. Monodon,  
 c. vtraque. Delphinus.  
 4. in Auibus, [branaceo,  
 a. ventriculo membranaceo, aut fere mem-  
 α) magnae carniuorae, Aquilae f. Falco  
 β) carniuorae nocturnae, Strix. [LINN.  
 γ) aquatiles fissipedes. Ardeae.



I. A. 4. b. ventriculo admodum musculofo (*gezier*):

1. tetradactylae, pedibus

α) tectis, et quidem semipalmatis, (f. potius lobatis) Fulica, palmatis, Anas.

digitis omnibus 4 palmatis. Pelecanus.

β) nudis

1. Ramphastus.

2. Coruus.

3. Parus.

4. Columbae.

5. Didus, Auctore Cl. D' AUBENTON.

2. tridactylae, pedibus

palmatis. Procellaria et Diomedea fissis. Casuarius.

3. didactylae. Struthio camelus \*).

B. vno ventriculo instruitur,

1. in Amphibiis, quae sunt

pedata et testa tecta. Testudo.

tetrapoda, corpore nudo. Rana \*\*).

apoda. Serpentes

2. in Piscibus, qui

a. auricula bullosa, absque pericardio praedita sunt

1. cartilaginei elongati. Squalus.

2. — — plani, depressi. Raia \*\*\*).

b. pericardio et appendice, quae formam Lacrymae Iobi imitatur instructi.

1. anguilliformes. Congri

2. spinosi, subrotundi, Carpiones f. Cyprini

3. spinosi plani. Efox †).

R 5

I. C. ir-

\*) Multa genera et Mammalium et avium desunt, quae sub his comprehendi nequeunt.

\*\*) Cur Lacertas omiserit Auctor, nobis non constat.

\*\*\*) Multa Linnaeana genera desunt.

†) Sed multa desiderantur. Deinde spinas in Cyprinis et Efoce,

I. C. irregulare seu pluribus ventriculis prae-

1. Insectis, quae [ditum est

a. plures metamorphoses subeunt et

α) laruae sunt

similes insecto alato, in Hemipteris  
vermes capite variabili, in coleopteris  
constanti, in Muscis

erucæ, vel rasæ seu pilis breuibus  
instructæ in Phalaenis \*)

pilosæ in Papilione

β) Nymphae sunt

1. mobiles

α) Semi nymphae, quae non come-  
dunt. Hemiptera.

β) Nymphae, quae non comedunt.  
Tetraptera quaedam \*\*).

2. immobiles

1. chrysalides, inde Lepidoptera

2. globi elongati, — Diptera.

Insecta alata sunt

1. Duabus alis. Scarabaei \*\*\*).

2. quatuor alis. Papiliones.

b. quae vnam tantum metamorphosin  
subeunt

crustacea	Pulex	} aptera.
mollia	Pediculus	

2. Vermibus; hi sunt

a. Testi

1. Glabri sine vlla eminentia. Chiton  
(Oscabrion).

I. C. 1.

Eloce, qui etiam planus non est, nos nullas cogno-  
scimus. Radios sane pinnarum ita nominari recte  
posse multum dubitamus.

\*) Multas sane erucas Phalaenarum pilosissimas esse  
constat.

\*\*) Optandum esset, vt haec nominasset Auctor.

\*\*\*) Quid sibi velit hic Auctor, nos later.



- I. C. I. a. 2. tentaculati, et quidem tentaculis  
 1. duobus. Conchylia aquatilia  
 2. quatuor - - - - - terrestria et marina  
 3. pluribus. Echini (Oursins).  
 3. tubis instructi Cardia (*Coeurs*)  
     cochleae vel operculatae, vel non  
     operculatae  
     b. conchae bivalues  
         multiualues  
 4. paniculati. (*Pouffe-pieds* †).  
 b. Nudi  
 1. tentaculati. Limax.  
 2. glabri.  
     1. longi, teretes. Lumbricus,  
     2. longi, compressi. Taenia,  
     3. breues, compressi. Vermis cucur-  
         bitinus \*).

- II. cor non est cognitum: eaque  
 1. se ex loco mouere possunt. Polypi.  
     a. nudi.  
         1. Vorticellae.  
         2. Hydrae.          3. Tubulariae.  
     b. tecti.  
         1. Magnus polypus borealis \*\*).  
         2. Corallia.  
         3. Corallina.  
         4. Lithophyta.  
         5. Milleporae \*\*\*).  
         6. Spongia.          7. Alcyonia.

II. 3,

†) Hoc nomine forte conchas valde compressas intelligit.

\*) Auctor hic fallitur, quod ex partibus Taeniae disruptis nouam familiam constituat: Omissi etiam sunt multi vermes nudi. [LINN.

\*\*) Sine dubio intelligit Auctor *Vorticellam Encrinum*.

\*\*\*) Madreporas, Tubiporas, et alia huc pertinentia animalia omisit Auctor.

- II. 2. quae loco se non mouent. Plantae.
- a. mono — vel dicotyledones.
    - 1. Herbae.
    - 2. Frutices.
    - 3. Arbores.
  - b. acotyledones.
    - 1. Fungi.
    - 2. Algae.
    - 3. Musci et plantae parasyticae.
    - 4. Lycoperda. (Truffes).

Hoc respectu diuisis corporibus viuis, reliquarum functionum diuersitatem etiam generali aliquo modo considerat. Et primo quidem

Nutritionem, quae fit

- 1. in contextu cellulari, vasis chyliiferis et lymphaticis in quadrupedibus, cetaceis, vt *Monodonte*, etsi hic fere nihil cognitum sit, auibus, vt Struthione, et Meleagride, et quibusdam amphibis. Phocas huc refert Auctor, quae vero sunt quadrupeda.
- 2. in contextu cellulari, arteriolis et venulis, in Reptilibus et Piscibus.
- 3. in contextu cellulari et vasis capillaribus, Plantae.
- 4. in solo contextu cellulari. Polypi.

Quoad Generationem sunt.

- 1. Viuipara, quadrupeda, cetacea, quaedam Insecta et quidam Vermes,
- 2. ouipara; atque tunc
  - a. oua vel in vtero matris vel statim post partum euoluuntur: Plura amphibia, et pisces cartilaginei.
  - b. oua post quoddam ab egressu tempus euoluuntur: Aues, Amphibia tetrapoda, et plura apoda. Pisces. Insecta. Plantae.



3. Gemmis se propagantia. Quaedam Insecta \*). Vermes aquarum dulcium. Polypi. Plantae.

Irritabilitatis differentiam ita indicat

1. Totum Corpus est contractile. Polypi. Insecta s. potius Vermes, praesertim molles. Daëtylobi KLEINII.
2. Musculi sunt externi. Quadrupeda. Cetacea, Amphibia, Pisces.
3. Musculi sunt interni in Vermibus crustaceis.
4. Vix quibusdam partibus est contractilitas, in Plantis.

Secretiones sunt

1. Salivae, in Quadrupedibus
2. Bilis, et quidem
  1. in hepate et vesicula fellea: Quadrupeda, Aves, Amphibia et Pisces.
  2. In hepate sine vesicula fellea. Quaedam Quadrupeda, Aves et Amphibia; Insecta et Vermes.
3. Urinae,
  - a. in renibus et vesica. Quadrupeda, fere omnes pisces, plura Amphibia.
  - b. in renibus absque vesica. Aves, quidam Pisces, et quaedam Amphibia.
4. Liquoris seminalis: haec in omnibus classibus fit.
5. Olei plus minusue aromatici: quaedam Quadrupeda, Pisces et Plantae.
6. Veneni; in Amphibiis cartilagineis, Insectis et Plantis quibusdam.

Haec corpora respirant

I. aerem,

I. a. in

\*) Haec non cognoscimus.

- I.    a. in pulmonibus,
  1. simplicibus. Amphibia,
  2. compositis. Quadrapeda,
  3. communicantibus cum sceleto. Aues.
- b. in tracheis; Insecta et Vermes. Hic  
          nominat D' AVBENTONVM.
- II. Aerem et aquam, per pulmones et Spiracula.  
      Cetacea.
- III. Aquam per branchias. Pisces et multi Vermes.

Quoad ossa, corpora viva

1. Sceleto suffulciuntur
  1. interiore: Quadrapeda, Cetacea, Aues,  
          Amphibia, Pisces et Plantae.
  2. exterior, Insecta et Crustacea.
  3. intus et extus: Testudo.
2. sceleto carent. Insecta mollia, Vermes,  
      Polypi.

Sceleton est

1. osseum in Homine, Quadrapedibus, Ce-  
      taceis, Auibus et Piscibus spinosis.
2. cartilagineum, in Amphibiis, Piscibus car-  
      tilagineis et anguilliformibus.
3. corneum in Insectis, Crustaceis, Litho-  
      phytis et Corallinis.
4. Cretaceum in Conchyliis, Milleporis et  
      plurium Polyporum tegmentis.
5. ligneum in Plantis.

Digestio fit

1. vno vel pluribus ventriculis, qui a reli-  
      quis intestinis bene distinguitur: Quadru-  
      peda, Cetacea, Aues.
2. Ventriculo, parum a canali intestinorum  
      distincto: Amphibia, Pisces, Insecta, et  
      Vermes.
3. solo



3. solo in Ventriculo. Polypi.
4. neque in intestinis, neque in Ventriculo, Plantae.

Sensibilitatis respectu, instruuntur

1. Neruis et cerebro: Quadrupeda, Aues, Cetacea, Amphibia, Pisces.
2. Cerebro et minimis neruis, Insecta.
3. nullo cerebro, vix neruis cognitis, Vermes.
4. neque neruis, nec cerebro: Polypi et Plantae.

Etsi multa contra hanc tabulam possint opponi, et plures exceptiones fieri debeant: nos tamen de omnibus istis abstinemus et Lectoris iudicio ea submittimus.

## V.

Hortus botanicus Vindobonensis seu plantarum rariorum, quae in horto botanico Vindobonensi, Augustissimae MARIAE THERESIAE munificentia regia in vniuersitatis patriae excellens ornamentum publicamque utilitatem exstructo, coluntur, icones coloratae et succinctae descriptiones, cura et sumptibus NICOLAI IOSEPHI IACQVIN, Botanices Professoris. Vindebonae, Typis Leopoldi Ioannis Kaliwoda, Aulae imperialis typographi. Centuria I. MDCCLXX. fol. plagg. 11. tabb. aen. C. Centuria II. MDCCLXX. plagg. 13. tab. aen. C.

**V**t cognitio legitima rariorum plantarum in rei herbariae augmentum cedat, neque earum memoria pereat: ipsarum delineationes et descriptiones

nes in hoc opere botanicis offert Cl. Auctor. Figuris exactissimis stirpes magnitudine naturali exhibet, et tantam quidem earum partem, ut ad totum inde habitum concludi commode queat, et cum ipsis radicibus. Singulas etiam fructificationis partes microscopio interdum auctas, cum necesse erat, separatim depingi curavit: summam curam in pingendis et delineandis et colore viuo ornandis plantis adhibitam esse icones splendidissimae sufficienter demonstrant. Quum carum hoc opus pauci eient: centum et sexaginta duo exemplaria imprimi curavit, coloranda omnia, neque plura, tabulis aeneis iam deletis, impofterum impruuntur. Quare cum rarum futurum est hoc opus, botanicis gratam fore paullo ampliorem eiusdem recensionem speramus.

Tab. I. *Rosa bicolor*, cuius synonymon Cl. Auctor reperire non potuit: est tamen iam a MILLERO \*) et DU ROI *Rosa punicea* \*\*) dicta. Color petalorum in pagina aduersa sulphureus; in prona vero eleganter miniatus. Rami sunt glabri, aculeis rectis, sparsis armati.

Tab. II. *Iris sambucina*. LINN. Pollen antherarum albicat. Germen teres, leuiterque trifidum, lineis virentibus senis notatur. Color variat.

Tab. III. *Senecio verbenaefolius*, quem Aegyptiacum alii nominant; pertinet is ad *Seneciones flosculosos* LINNAEI, a vulgari differt calycibus non sphacelatis; Senecioni trifloro simillimus, si illi radiatus flos esset. Caeterum planta est glaberrima, et annua.

Tab. IV. *Boerhavia scandens*. LINN. Hanc Cl. Auctor in pluribus insulis Caribaeis, copiosissime

\*) vid. Eius diction. 12.

\*\*) vid. comm nostr. Vol. XIX. p. 545.



fiffime in infula Curacao inuenit, in ruderibus lapidofis laetius vegetantem. Flores ex viridi flauescunt, ftaminibus binis vel ternis praediti. Nunquam vnicum ftamen obseruauit Noster. Fructus tuberculis superne capitatis et asperis circumdatur. Aestatem in nostris terris sub dio commodè non agit.

Tabula v, et vi. *Boerhaavia erecta*, quae in hybernaculis plerumque annua est, ftaminibus 2, didymis, stigmatè rubello magno capitato obtusissimo, filamentis paullo longiore instruitur. Diu non bene fert.

Tab. vii. *Boerhaavia hirsuta*, LINN. syst. veg. XIII. p. 50. foliis glabris margine pilosis, ouatis, sinuato undulatis, petiolatis oppositis; floribus purpureis, filamento vnico.

Tab. viii. *Aster Pannonicus*, glaber, caule tereti, suberecto, foliis lanceolato linearibus, floribus corymbosis, coeruleo purpurascens; foliis flexilissimis, ab *Astere acris* distinguitur.

Tab. ix. *Cucumis Prophetarum*, quae foetorem spargit nauseosum: fructus amaritiae colocynthidi non cedunt.

Tab. x. *Passiflora serratifolia*, LINN. stipulis linearibus acuminatis, petiolatis, quatuor glandulis instructis, floribus pallide purpurascens.

Tab. xi. *Solanum pseudolycopersicum*, quod racemis simplicibus et baccis flauescens villosis, a *S. lycopersico* differt, quod racemos bifidos, baccasque rubicundas glabriores habet.

Tab. xii. *Solanum Aethiopicum*, LINN. quod in costa folii media vtrinque, tum in ramis et calycibus aculeis munitur, quos in Suecia nullos obseruauit LINNAEVS.

Tab. xiii. *Solanum verbascifolium* LINN. In syluis montosis insulae Martinicae crescentem  
Tom. XXII. Pars II. S vidit

vidit hanc arbusculam comosam, inermem, humanam altitudinem superantem, truncoque suffultam crassitie brachiali: in America Nouembri floret.

Tab. xiv. *Solanum igneum* LINN. humanam altitudinem cultum superat: fructum tulit, pisi magnitudine, flauicantem: truncus, rami, et foliorum costae aculeis obsidentur; folia sunt lanceolata, iuniora villosa, adultiora glabra.

Tab. xv. *Scabiosa diuvaricata*, annua, caule tereti scabro, ramoso, patentissimo; foliis pinnatifidis, lobis extimis obouatis dentatisque, in reliquis linearari lanceolatis integrisque: floribus est inuolucrum polyphyllum, inaequale, pilosum, corollam duplo longius: flosculi pallide purpurascunt, stamina corollam non superant, germen est villosum. Perianthium in 5 setas fuscas rigidas, corollam duplo longiores abit. Fructus similis est *Scabiosae ochroleucae*.

Tab. xvi. *Morinda Royoc*, LINN. In insularum Caribaeorum locis fruticosis reperitur planta haec scandens: truncus lignosus cortice cinereo vestitur, rami iuniores sunt quadrangulares, folia opposita, obouata. Receptaculum commune colligit germina infera in capitulum, quod in fructum communem abit flauum, succulentum, mollem foetidumque. Corolla niuea, antherae sulphureae, semina albida hinc turgida, illinc compressa sunt. Ex radice spiritu vini tinctura crocea extrahitur: aqua simili colore tingitur, sed breui in purpureo fuscum tingitur. Infusum filtratum deponit sedimentum saturate purpureum. Certe ex his colligere licet plantam hanc ad tinctorias adhiberi posse.

Tab xvii. *Digitalis parviflora*, perennans, caulis strictis, angulatis glabris, foliis oblongis sessilibus, subglabris: flores sunt ferruginei, stamina quatuor,



tuor, saepe quinque, A *Digitali ferruginea* floribus minoribus, et labii inferioris breuitate distinguitur.

Tab. xviii. et xix. *Geranium ciconium et sibiricum* LINN.

Tab. xx. *Passiflora minima*, LINN. quam LOEFLING in itinere optime descripsit; in continente Americae aequae, quam in insulis eam inuenit Cl. Auctor: differt a *P. nigra*. (vid. IACQV. *Obseru. P. II.*) foliis margine non scabris, floribusque.

Tab. xxi. *Iatropa vrens*, LINN. cuius folia non sunt palmata, vt LINNAEVS dicit, sed basi cordata, semitriloba; masculi flores sunt monopetali, hypocrateriformes, fructus aculeati.

Tab. xxii. *Citharexylum quadrangulare*, quod a Nostro iam LINNAEVS in systematis XIII. editione pag. 472. assumfit; differt a *C. cinereo* LINN. baccis mature rubentibus et caule tetragono.

Tab. xxiii. *Dolichos unguiculatus* LINN. foliis lanceolato ouatis, acutis, pedunculis capitatis, paucifloris. Singulare est huic speciei, quod bini flores pedunculum terminent, hisque in fructum abeuntibus, prodeat flos vnus alterque. Stigma est longe barbatum.

Tab. xxiv. *Cleome pentaphylla* LINN. folia floralia sunt ternata, pedunculi vniflori.

Tab. xxv. *Coronilla cretica* LINN. annua, in hybernaculis tamen per hyemem durat.

Tab. xxvi. *Mesembryanthemum forficatum* LINN. foliis fasciculatim oppositis, cymbaeformibus, dorso integra, obsolete punctata. Flores sunt rubri.

Tab. xxvii. *Lobelia longiflora* LINN. cuius characterem dedit Cl. Auctor in *Historia stirpium Americanarum*. In nostris hybernaculis per plures annos durat. Atmosphaeram effluuiis implet, odoratus

ratus organo infestis; lac de laesa planta emanans ardorem linguae inprimit.

Tab. xxviii. *Crataegus punctata*, Americana arbor hyemes nostras perfert, est inermis foliis obouatis, acutis, inaequaliter duplicato ferratis utrinque glaberrimis; stipulis linearibus, ciliatis ferratis, caducis: floribus racemosis, in quibus stylus tres aut duo, fructu punctato.

Tab. xxix. *Byttneria microphylla* LINN. Syst. XIII. p. 197. Frutex dispescitur in ramos distichos alternos, sensim decrecentes, flexuosos: iuniores rami sunt virides, subangulati, aculeati aculei autem in senescentibus fruticibus decidunt tumque cortex fit cinereus. Ad aculeorum latera folia horizontalia duo ovata inermia egrediuntur pedunculi sunt uniflori, axillares, flos est albo purpureoque varius: et hic etiam magnitudine microscopio aucta delineatus est.

Tab. xxx. *Melochia pyramidata* LINN. Cl. Aus. Stor putat *Melochiam dominicensem*, a Se in *hist. stirp. Amer.* p. 198. descriptam, quae sit frutex lignosus: *M. pyramidatam*, herbaceam, et *Melochiam*, quam LOEFLINGIUS \*) descripsit, aut tres esse distinctas species, aut praeter modum variare. Nos in XIII. systematis Linnaeani editione reperimus utrasque IACQVINI plantas citatas, cum quaestione an IACQVINI diuersae? *M. pyramidatae* est caulis glaber, ramis alternis, qui foliis lanceolatis, glabris, obtuse ferratis oppositi sunt, inter quae pedunculi oriuntur umbellati. Flos est purpureus.

Tab. xxxi. et xxxii. *Bromelia Karatas*. LINN. Prior tabula stirpem integram exhibet magnitudine illa, qua in hortis Viennensibus fructigera erat; altera tabula longitudine discissam, ut structura interior pateat; Depictus quoque est fructus integer, et discissus.

\*) in itin. Hispan. p. 118.



discissus. Singularis omnino haec planta omnem attentionem meretur. Radix nouellae plantulae bulbillum refert, qui subsequenter annis in corpus ouatum subligneum producit, cuius angusto collo multicipiti flores aggregati insident. Flosculi omnes 200 – 300 discum efficiunt tripollicarem, corolla rosea, calyce et germine villosis, Fructus ouales lanuginosi, sub cortice coriaceo pulpam albidam subdulcem continet. Nascitur in locis montosis syluaticis Caribaeis.

Tab. xxxiii. *Geropogon glabrum* LINN. Semina radii patentissima, pilis paucis; intermedia stant erecta, pilis tenuibus et plumosis coronantur. Calycis basis interdum pubescit. Corolla est carnei coloris.

Tab. xxxiv. *Phaseolus rufus*, qui nobis *P. lunati* varietas videtur, in nostris hortis etiam communis est, a semine rufo nomen accepit: legumina sunt compressa et acuminata. Flores *Ph. inamoeno* similes sunt.

Tab. xxxv. *Convolvulus farinosus* LINN. syst. XIII. p. 168. Petali carnei, subinfundibuliformis limbus est obtusus et semiquinquefidus. Tubi pars inferior quinesulcata. Antherae coeruleescentes. Capsula est quadrilocularis.

Tab. xxxvi. *Viburnum dentatum*, LINN. Folia sunt in ramis iunioribus florentibus saepius terna, flores albi: cortex trunci glaber, fuscus.

Tab. xxxvii. *Salvia virgata*, foliis radicalibus ob- p. 14. longis obtusis, basi cordatis, rugosis, glabris, neruo venisque dorsalibus villosis; foliis caulinis superioribus sessilibus, vix hirsutis. Caules hirsuti subquadrangulares, stricti, ramis racemoso virgati. Corollae niueae, aut roseae, aut coeruleescentes.

Tab. xxxviii. *Cynanchum erectum* LINN. Nectarii sunt foliola quinque, alba, petaliformia, stylo  
S 3 duplo

duplo breuiora, patula cum petalis alternantibus  
germinique inserta. Squamae staminiferae quinque,  
gibbae, germini intra nectarii foliola impositae,  
stilo accumbentes, interne uniloculares. Filamenta  
decem, adscendentia, singula vicina duo eodem  
puncto, inter duas squamas proximasse.  
Antherae oblongae, erectae. Stylus indivisus im-  
verse fusiformis, supra bifidum germen in collum  
coarctatur. Stigma obtusum, bifidum. Ex hac  
descriptione sequi videtur, *Cynanchum* esse ad De-  
candriam referendum, quemadmodum iam de  
*Asclepiade* et reliquis contortis id affirmavit CL.  
KOELREUTERVS \*). Optandum fuisset, ut CL.  
Auctor partium harum structuram, singulatim iconi-  
bus illustrasset.

Tab. xxxix. *Malva parviflora* et T. xl. *Malva  
verticillata*, notae, ut putamus, plantae.

Tab. xli. *Lauatera cretica* LINN. quae a *L.  
Thuringiaca* imprimis floribus multo minoribus, tor-  
mento foliorum breui, et pedunculis unifloris  
ternis confertis distinguitur.

Tab. xlii. *Statice Armeria maior*, quae est va-  
rietas *Statice Armeriae* LINN. differtque solis foliis  
quae sunt in illa longa lanceolata: acuminata cum  
apice incuruo. Varietas tamen haec, neque  
cultura, neque semine propagata, in alteram  
mutatur.

Tab. xliii. *Silphium terebinthinaceum*, caule  
glabro, erecto, solido, superne paniculato, folio-  
so non ramoso: foliis radicalibus cordatis, acutis  
scabris, dentatis ciliatisque, alternis, venosis: pe-  
tiolis longis, amplexicaulibus; foliis caulinis, non  
cordatis, sed oblongis, semiamplexicaulibus, sum-  
mis sessilibus: pedunculis elongatis insidet flos lu-  
teus,

\*) vid. Acta Manheimensia. comm. nostr. supra p. 4.



teus, qui expansus orientem spectat. Floris character cum eo, quem LINNAEVS dedit, conuenit: tota planta laesa succum dat terebinthinaceum.

Tab. XLIV. *Carduus pycnocephalus* LINN.

Tab. XLV. *Echium*, de quo, an *E. plantaginei* LINN. vaietas sit, quaerit Cl. Auctor: cuius tamen iconem non reperimus in XIII. Syst. editione citatam. Differt ab *E. vulgari*, radice annua, rubra, sanguineum succum fundente; pilis flexilibus, et sine verruculis nigricantibus; foliis radicalibus in petiolum longum attenuatis.

Tab. XLVI. *Lathyrus Tingitanus* LINN.

Tab. XLVII. *Lactuca tuberosa*, radicis tuberibus oblongis, foliis spinoso dentatis, infimis integris, superioribus sinuato pinnatifidis: corollis ex coeruleo dilute purpurascens. Planta haec foliorum forma valde ludit.

Tab. XLVIII. *Forskoelea tenacissima* LINN. Flores, qui difficile definiuntur, ita describit. Calycis plana et inaequalia latitudine folia basi atque lateribus hirsutissima sunt, flores compressi, petala octo, filamenta longitudine calycis, styli hirsutissimi quinque.

Tab. XLIX. *Drypis spinosa* LINN. syst. XIII. p. 246. Insipida et inodora est. Rami diffusi, ad folia articulati, subquadrangulares, extremi florentes dichotomi. Folia subulata, mucronata pungentia. Petala ex carneo albescunt, antherae coerulescunt. Semina flauent.

Tab. L. *Alstroemeria Pelegrina* LINN. vid. de p. 20. descriptionem in amoenit. Vol. VI. p. 247. Flores terminales nutantes: tubera, si ad ollae fundum pertingunt, inflectuntur.

Tab. LI. *Chaerophyllum coloratum* LINN. Radix odore et sapore aliquo *Dauci Carotae* praedita est.

Tab. LII. *Seseli ammoides* LINN. tota planta nitet, foliis bipinnato multifidis instruitur, foliolis acuminatis, planis, linearibus, apice pallentibus. Semina sunt sapore acri praedita.

Tab. LIII. *Tordylium apulum* LINN. annuum est, foliis radicalibus pubescentibus, caulinis glabris et acutis; caule stricto piloso: inuolucris folia sunt setacea, flores omnes fertiles; semen interne rubescit: floret Iulio et Augusto.

Tab. LIV. *Tordylium syriacum* LINN.

p. 22

Tab. LV. *Geranium moschatum* LINN. caulibus teretibus, subglutinosi, erectis stipulis ovatis, membranaceis albidis, foliis pinnatis, subglutinosi, pubescentibus. Filamenta floris non sunt connata. Odore optime a *Geranio cicutario* distinguitur. A BOCCONE data icon reprehenditur, cum folia in ea nimis tenue sint dissecta.

Tab. LVI. *Sida umbellata* LINN. frutex est erectus, decempedalis: cortice cinereo, glabro; foliis rarissime sublobatis, stipulis lanceolatis, acutis; calyce campanulato, petalis luteis.

Tab. LVII. *Campanula Carpatica*, detecta a Cl. LIPP. caulibus herbaceis, annuis, vix ramosis, foliis radicalibus subreniformibus, caulinis cordatis petiolatis, nitidis, inaequaliter serratis; pedunculis unifloris; corolla coerulea, nectario villosa. Floret per totam aestatem.

Tab. LVIII. *Anastatica hierochuntica* LINN.

Tab. LIX. *Cucubalus catholicus* LINN. caulibus viscosi, diffuse paniculatis, subdichotomis, foliis subamplexicaulibus, reuolutis: calyce glabro purpurascenti, petalis profunde bifidis, filamentis corollae aequalibus.

Tab. LX. *Trifolium suffocatum* LINN. syst. Veget. XIII. p. 574. Non est acaule, caules plures



res procumbentes emittit. Corollae albae calyce sunt duplo breuiores.

Tab. LXI. *Selinum Seguieri*. Plantam hanc, quam LINNAEVS prius ad *Selinum Caruifoliam* reduxit, iam vero in Syst. Veget. XIII. p. 230. tanquam speciem agnouit, Cl. Auctor ampla et accurata descriptione illustrat.

Tab. LXII. *Selinum Monnieri*.

Tab. LXIII. *Ferraria undulata*. Huius saepe iam depictae elegantis plantae nouam et correctiorem prae aliis dat iconem: monetque esse eandem in Monadelphiam, et quidem nouo ordine, Triandriam, referendam. Filamenta enim tria, superne distincta, in vnum sunt tubum cylindraceum connata, germiini impositum, corolla duplo breuiorem, erectum. Antherae subouatae, didymae filamentis incumbunt. Germen oblongum, triquetrum; stylus a filamentis includitur: stigmata tria, profunde bifida sunt ciliata.

Tab. LXIV. *Centaurea salmantica* LINN. foliis dentatis, radicalibus pinnatifido sinuatis, caulinis oblongis, summis glaberrimis. Corolla ex albo rubroque variat.

Tab. LXV. *Malua Aegyptiaca* LINN. Syst. Veg. XIII. p. 520.

Tab. LXVI. *Phaseolus inamoenus*. Singulare est in hoc, quod foliorum lateralium basis interna duplo triplove latior sit, externa. Legumen acuminatum et dorso arcuatum est.

Tab. LXVII. *Dolichos sesquipedalis*, stipulae caulinae sunt ouato lanceolatae appendiculatae: petiolares autem subouatae conuexae.

Tab. LXVIII. *Salsola Soda*, Flores solitarii insident axillis, stipati vtrinque folio laterali minimo. Calyx membranaceus clausus. Filamenta, calyce duplo longiora, receptaculo, nec calyci, inseruntur.

Tab. LXIX. *Hyssopus Nepetoides*. Flos in eo ab *Hyssopo* differt, quod calyx sit obtusus, dentibus duobus inferioribus brevioribus; et in corolla labii inferioris lacinia intermedia crenata obtusissima integra, nec bifida.

Tab. LXX. *Stachys maritima*. Corollae labium superius inaequaliter tridentatum, obuerse ouatum, basi concavum, superne planum est.

Tab. LXXI. *Sideroxylon melanophleum*. Differt structura floris a characterē *Sideroxyli*. Perianthium paruum, inferum coloratum in tres vel plures partes diuiditur. Corollae tubus est brevissimus, limbi laciniae quinque, ouatae, obtusae, patentes. Filamenta 5, brevissima, tubo corollae infiguntur, antherae erectae, crassae ipsas aequant corollae lacinias. Germen globosum, superum: stylus crassus, corolla breuior, stigma bifidum.

Tab. LXXII – LXXIV. *Lauatera trimestris*, L. *Olbia* et *L. triloba*, LINN.

Tab. LXXV. *Amomum Zingiber*, cuius quoque historiam abbreviatam tradit. In America cultam tantum vidit Cl. Auctor; floris structura curate exposita est, nos notamus id, quod in Linnaeano characterē deest. Spatha membranacea dempta, germen triquetrum, compressum, inferum, spatha propria coronatum prodit in conspectum. Filamentum, quod etiam pro nectarii labio superiore haberi potest vnicum, antheras duas, iuxta se inuicem positas, oblongas, albidas, adnatas locat in sinu suo; inter quas, ad extremitatem usque filamentum pertingens transit et occultatur stylus filiformis, ex germine ortus inter duo corpuscula, subulata breuia, filamentiformia.

Tab. LXXVI. *Glycine striata*, non alibi descripta, Americae torridae indigena, perennis est:  
caule



caule lignoso, ramis volubilibus teretibus, hirsutis; foliis ternatis, foliolis ouatis, obtusis, setula terminatis, floribus racemosis, calyce piloso. In pluribus floribus germen stylo stigmateque caret, hisque nullus fructus succedit.

Tab. LXXVII. *Asphodelus luteus*. Naturae convenientissime describitur. Corolla tam profunde est diuisa, vt aegre monopetala dici mereatur. Nectarii squamae nihil sunt, nisi filamentorum bases dilatatae: in germinis sexfulcati tribus fulcis alternis profundioribus paullo supra mediam altitudinem conspicitur porus, ex quo dulcis liquor exsudat, qui tandem totum spatium squamas inter germenque replet. Hic in fructu porus maculam oblongam atrouirentem efficit, tunc euanescentem, cum maturus exsiccat.

Tab. LXXVIII. *Salvia indica*, caulibus tetragonis, hirsutis, foliis oblongo cordatis, sinuoso dentatis: floribus caducis, calyce hirsuto, glutinoso; corollae galea apice est fissa, labii inferioris lacinia intermedia cuculliformis: germina infident corpori glanduloso.

Tab. LXXIX. *Sisymbrium polyceratium*.

Tab. LXXX. *Mimosa virgata*, quae etiam in America torrida inuenitur. Flores in capitulum collectos profert triplicis generis; floris vnus alteriusue exterioris perianthium est campanulatum subquinguangulare, et quinquesidum: corolla pentapetala, petalis oualibus vtrinque acutis, calyce duplo maioribus; filamenta 10, triplo corolla longiora; antherae nullae. Reliquis floribus calyx est infundibuliformis, longior; corolla similis priori, sed longior; filamenta igitur hic duplo tantum longiora, antheris flauis incumbentibus. In his floribus vel stylus insistit germini lineari, est petalis fere breuior et stigmate praeditus infundibuli.

dibuliformi, vel stylus filamenta longitudine aequat, stigmate instructus, simplici obtuso.

Tab. LXXXI. *Semperuium sediforme*, quod a Cl. Auctore LINNAEVS in Syst. Veget. XIII. pag. 379. recepit.

Tab. LXXXII. *'Antirrhinum cirrhosum* LINN. S. Veg. XIII. p. 464. Ab *Antirrhino Elatine* differt glabritie, dum sola folia intima subhirsuta sint.

Tab. LXXXIII. *Anthericum Liliago*. Recte, uti nos in planta sponte hac nostra in regione nascente quoque obseruauimus, affirmat Cl. Auctor, folia radicalia esse carinata, nec plana, uti LINNAEVS dicit. Differt Cl. Auctoris planta, ab ea, quam Ill. HALLERVS sub no. 1207 tradidit, quod petala non sint petiolata, vno ordine omnia sita, non extus virente linea inscripta, sed capsula ouata, trilobularis et triualuis.

Tab. LXXXIV. *Aletris Guineensis*. De hac, quam in XIII. Syst. veg. Linnaeani editione plane omisam animaduertimus, monet Cl. Auctor, fructum esse baccam mollem, subrotundam, succulentam, luteam cum pulpa concolore, magnitudine pisi, comprehensam a fisso longitudinaliter corollae emarcidae tubo. Semen vnum molle. Igitur haec planta neque ad Aletrin, neque ad Aloen, neque ad aliud iam datum genus apte referri potest.

Tab. LXXXV. *Corchorus aestuans*.

Tab. LXXXVI. *Lathyrus inconspicuus*.

Tab. LXXXVII. *Hasselquistia Aegyptiaca*. Elegantis huius umbellae characterem genericum ad viuas plantas concinnatum tradit.

Tab. LXXXVIII. *Spiraea lobata*, quam LINNAEVS in S. V. XIII. p. 393. *Spiraeam palmatam* dixit.

Tab. LXXXIX. *Medicago prostrata*, legumine infermi tres gyros spirales absolvente, foliis ternatis, foliolis angustis, stipulis setaceis; pedunculis axillaribus,



ribus, qui subumbellatim flores sustinent, calyx est subpilosus. Non habetur in LINNAEI systemate.

Tab. xc. *Dolichos luteolus*. Neque haec planta Americana in LINNAEI syst. reperitur. Caulis est subangulatus, volubilis, stipulae lanceolatae et acuminatae, folia ternata, foliola ovata, petiolis propriis folis villosis, foliolorum stipulis subrotundis; pedunculi axillares multiflori; calyx semiquadrifidus, corolla lutescens.

Tab. xci. *Digitalis obscura*; Descriptioni Lineanae Syst. Veg. XIII. pag. 440. addendum est bracteas lanceolatas et acuminatas; corollam extus purpurascentem, intus flauentem, faucem pilosam, et lacinias obtusas esse.

Tab. xcii. *Centaurea cineraria* var.  $\beta$ . LINN. spec. plant. Putat Noster hanc esse distinctam speciem a prima LINNAEI varietate; cum in hac calyx valde sit tomentosus, folia vero parum incana, tenuiter diuisa, quae omnia contraria sint in prima, cui etiam sit contiguum calyci folium, ut sessilis calyx dici queat.

Tab. xciii. *Ononis hircina* (CLVS. hist. 99. BARR. 830. ic. 1214.) caulibus procumbentibus, adscendentibus, foliis subtus pilosis, supra glabris, caulinis ternatis, floralibus simplicibus; foliolis ovatis, acute ferratis; stipulis ferratis amplexicaulibus, longitudine foliorum ferme, floribus subpedunculatis, axillaribus, rubris, calyce legumineque villosis.

Tab. xciv. *Teucrium Massiliense*. Schreberianae descriptioni \*) addendum est, caules quadrangulares, racemos erectos, flores secundos et calycem bilabiatum, labio superiore plano, cordato et acuminato, inferiore quadridentato concauo esse.

Tab.

\*) vid. comm. nostr. Vol. XX. p. 615.

Tab. xc v. *Glycyrrhiza echinata*. In huius calyce lacinia media labii superioris melius diceretur labium ipsum superius integrum, ita, ut pertinerent tres dentes reliqui ad labium inferius. Radix recens saluam et aquam carneo colore imbuunt; aerique exposita rubescit. Sapor eiusdem similis, *Glycyrrhizae* officinali, sed non adeo dulcis est. Videtur Cl. Auctori esse *Glycyrrhiza* DIOSCORIDIS et veterum.

Tab. xcvi. *Scabiosa Palaestina*.

Tab. xc vii. *Scirpus cephalotes*. A charactere generico in quibusdam recedit. Pro calyce sunt squamae duae membranaceae: corollam facit gluma biualuis infera compressa, acuminata arcte conuiuens, valuula altera duplo latiore: filamenta corolla duplo longiora antheras sustinent lineares, erectas: germen ouale, glabrum compressum abit in stylum semibifidum: corolla includit semen.

Tab. xc viii. *Celosia nodiflora*, foliis obuerse lanceolatis, glabris, acutis, subundulatis, integris, basique in petiolum attenuatis, pedunculis oppositifoliis. Calyx est triphyllus: germen ouatum pedicellatum, stigma capitato-bifidum; semen vnicum.

Tab. xc ix. *Phaseolus*, an *Max* LINN.? In XIII Linnaeani systematis editione haec icon non commemoratur. Auctor Cl. dicit, si *Cadelium* RUMPHII cum *Phas. Mace* LINN. idem est, plantam depictam differre a Linnaeana specie. Vt sit, Phaseolus hic depictus instruitur, caule hirsuto, foliolis acutis, late ouatis stipulis foliorum subouatis, in acumen setaceum terminatis, floribus pluribus subcapitatis, bracteis in singulo flore geminis, leguminibus teretibus ad singula semina torulosis.

Tab. c. *Phaseolus bipunctatus*; noua est species; caule volubili cum foliis hirsutulo, legumine leuissime



leuissime villoso. Semina sunt supra hilum vtrunque puncto ferrugineo insignita. *Phaseolo rufo* multum similis est.

Tab. ci. *Dolichos pubescens* LINN. Spec. Pl. Vol. II. Hanc speciem in XIII. syst. veget. editione ad *Glycinem tomentosam*, tamquam varietatem relatam invenimus, de qua iam Cl. Auctor monet eam a genere *Dolichi* alienam videri. Corollae vexillum levissime emarginatum, obcordatum, erectum, conuiuens callis caret: alae sublineares, obtusae, erectae; carina oblonga, subfalcata. Germen oblongum compressum, stylus subulatus, et stigma est capitatum obtusum.

Tab. cii. *Phaseolus vexillatus*. Radix perennis caules herbaceos, annuos, teretes, hirsutos, volubiles producit. Foliola sunt ouata, acuta, seta terminata, parte lateralium interiore duplo triploue angustiore.

Tab. ciii. *Hibiscus spinifex*. In insularum Caribaearum fruticetis maritimis nascitur, primo anno humanam altitudinem adepta floret, postea se ad viginti pedes eleuat. Pedunculi vniflori. Calyx exterior quinis, et pluribus foliis instruitur, interior semiquinquefidus est. cf. LINN. S. V. XIII. pag. 523.

Tab. ciii. *Iusticia ciliata*. Noua haec planta non in LINNAEI XIII. syst. editione reperitur. Radix annua caules herbaceos plures inferne teretes, superne obsolete quadrangulares, pilosos emittit. Folia sunt opposita, hirsuta, lanceolata, integerri-  
ma. Flores axillares, sessiles. Bractea sublinearis, viridis, ciliata pilis longis albidis, vtrunque flori adstat.

Tab. cv. *Digitalis lutea*, LINN. diuersa ab HALLERI NO. 331.

Tab.

Tab. CVI. *Tragopogon caliculatum*, nouum et *Scorzonera* affine est: radix perennat, ad ambitum foliorum radicalium caules prodeunt adscendentes, teretes, pedunculis pene aphyllis striatis, pubescentibus, pilosis, sub flore incrassatis, vnifloris. Flores clausi sunt penduli: calyx veluti duplex, interior longior, vterque octophyllus. Corolla flaua.

Tab. CVII. *Asclepias incarnata*. Flores odore pollent *Vanillae* aliquo.

Tab. CVIII. *Salvia aegyptiaca*. Ad Linnaeam in S. V. XIII. p. 64. descriptionem addendum est, calycem esse angulatum hirsutum, labium superius subintegerrimum, inferius profunde bifidum et acuminatum: corollae labium superius esse bifidum; labii inferioris laciniam mediam limbo esse crenato cum fascia violacea.

Tab. CIX. *Saponaria porrigens* vid. LINN. S. V. XIII p. 347. Fuit antea sub genere *Silenes*.

Tab. CX. *Coreopsis alternifolia*, foliis oblongis, scabris, inferioribus ternis, quaternis, vel oppositis, reliquis alternis.

Tab. CXI. *Scabiosa Transylvanica*, foliis summis integerrimis et sublinearibus. Calyx communis ex multis foliolis et paleis membranaceis mucronato aristatis componitur,

Tab. CXII. *Nepeta Italica*, caule obtuso tetragono, villoso, foliis cordatis, subuillofis. Antherae bifidae saturate purpurascunt.

Tab. CXIII. *Solanum hybridum*: noua est species, trunco tereti, glabro aculeato, ramis supra tomentosis, foliis ouatis acutis, vtrinque tomentosis, repando angulatis, pedunculis racemosis.

Tab. CXIV. *Phaseolus*, de quo dubius est Cl. Auctor, an sit *P. lunati* varietas. Differt seminibus cinereis aut ferrugineis lineatis a *P. rufo*, qui ipse commode ad *P. lunatum* referri potest.

Tab.



Tab. cxv. *Tulbagia capensis*. Planta singularis, habitu et odore *Allii*, flore *Hyacinthi* cum coronula denticulata *Silenes*. Flos constat perianthio et petalo quoad tubum connatis in corpus cylindricum, limbo solo distinctum: est praeterea perianth. monophyllum inferum, tubo obsolete trigono. Limbus corollae in sex lanceolatas lacinias, alternas profundiores, diuiditur; filamenta 6, breuissima, antherae incumbentes didymae; germen subrotundum, stylus crassus, breuior staminibus, stigma obtusum.

Tab. cxvi. *Fumaria nobilis*.

Tab. cxvii. *Celsia Arcturus*, quae prius *Verbasci* species erat, iam quoque a LINNAEO S. V. XIII. p. 469. huic generi adscribitur. Notat Cl. Auctor folia esse et alterna, et opposita, calycem esse villosum, antheras didymas, capsulam ex ovato subrotundam, leuissime compressam, acuminatam oblique parum in duas valuulas discedentem, ut valuula altera totum capsulae acumen habeat.

Tab. cxviii. *Sida triquetra*, descriptio ex *Hist. stirp. American.* hic est repetita.

Tab. cxix. *Cytisus Pseudocaian*. Semina huius plantae ex Tranquebaria, et insulis Caribaeis allata fata, vtraque plantas simillimas produxerunt, eo cum discrimine, ut Caribaeae plantae primo anno non florerent, postea autem perirent. Quaerit Cl. Auctor: an sit *Cytisus Caian* LINN.

Tab. cxx. *Enonymus atropurpureus*, noua ex America septentrionali arbuscula; cortex est cinereus, aequalis, rami teretes, in extremitatibus compressi, glabri, folia oblongo lanceolata, glabra, opposita, pedunculi bi aut quadriflori, flores tetrandri.

Tab. cxxi. *Paederota Bonarota*. A Linnaeano caractere Cl. Auctoris descriptio in eo differt, quod  
Tom. XXII. Pars II. T corol-

corollae tribuat tubum subcylindricum, limbum bilabiatum, erectum, labio superiore integerrimo, latiore, inferiore semitrifido; stigmaque obtusum dicat.

Tab. cxxii. *Betula pumila*. Iuli masculi sessiles erecti sunt, squamae subrotundae, concavae, ante singulas filamenta tria, patula, apice bifurcato binas gerentia antheras, latas didymas; itaque amentum masculinum ad *Carpinos* pertinet. Iuli feminei summitates ramulorum novorum terminant erecti, masculis longiores et crassiores: componuntur ex squamis numerosis, sparsim imbricatis, semitrilobis. Quaelibet squama continet germina tria orbicularia, stylis duobus.

Tab. cxxiii. *Ribes cynosbati*.

Tab. cxxiv. *Dolichos Bengalensis*, radice est perennante, caule ad tactum asperiusculo; folia subrotundo ovata, acuminata, et setula terminata: stipulae ad petiolos lanceolatae, ad foliola oblongae vel lineares, pedunculi racemosi, legumina acuminata compressa, futura utraque scabra, semina compressa, fusca punctata, hilo protuberante longo. Alius quoque *D. Madagascariensis*, semina ovata, vix compressa, ferruginea cum legumine depicta tradit, eundemque a priore specie diversum putat, cum seminum constans diversitas aequae momenti esse videatur, quam alius cuiuscunque partis. Vterque est novus.

Tab. cxxv. et cxxvi. *Plantago alpina* et *P. Loeslingii*.

Tab. cxxvii. *Phlox maculata*.

Tab. cxxviii. *Caucalis latifolia*.

Tab. cxxix. *Seseli multicaule*, radice perenni, ramis caulinis subdichotomis, his et caule teretibus striatis; petiolo membranaceo et amplexicauli, foliis radicalibus et inferioribus ter pinnatis, sum-

mis



mis ternatis, foliolis sublinearibus: umbellae universales in involucrio saepe destitutae, vel paucifolio instructae.

Tab. cxxx. *Angelica verticillaris*. Summa cura omnia, quae ad plantam cognoscendam necessaria sunt, delineata et descripta sunt. In umbellis lateralibus multi flores sunt steriles; in nonnullis floribus fructigeris, germen vix detegi poterat, corolla autem staminibusque deciduis augebatur, saepe fructus triquetri, seminibus ternis.

Tab. cxxx. *Pimpinella peregrina*. Petala dorso sunt hirsuta, germen subrotundum et hirsutum, et styli patentes.

Tab. cxxxii. *Anethum segetum*, foliis bis vel ter pinnatis, pinnulis linearibus, acutis, planis.

Tab. cxxxiii. *Sium siculum*. Folia valde variant; radicalia aut simplicissima ovata, aut ternata, aut pinnata, aut bipinnata sunt; sic quoque caulina, quae tamen non sunt simplicia. Involucrum universale foliolis octonis linearibus constat. Germen oblongum striatum: sic etiam fructus.

Tab. cxxxiv. *Sison segetum*, foliorum pinnis ovatis, argute serratis, involucrio triphylo. Sapore apii praedita sunt semina.

Tab. cxxxv. *Spilanthus oleracea*.

Tab. cxxxvi. *Physalis viscosa*. Calyx est campanulatus, haud pentagonus, sed lineis exstantibus inaequalis, corolla duplo brevior: quae est subinfundibuliformis, limbo integro, quinquedentato, tubo villis densissimis albidisque impleto.

Tab. cxxxvii. *Tradescantia cristata*. Elegans haec planta habitu *Commelinae* similis est. Calycis foliola lanceolata, et acuta eriguntur; Petala coerulea tubum quasi formant, limbo subcordato; filamenta capillaria et erecta pilis coeruleis

articulatis ornantur, germen est superne villosum, stigma clauatum.

Tab. cxxxviii. *Gypsophila adscendens*, radice perenni, caulibus teretibus nodosis adscendentibus, pedunculis terminalibus ramosis, foliis linearibus, pulposis, acutiusculis. Noua, a LINNAEO non dicta est.

Tab. cxxxix. *Hemerocallis flaua*.

Tab. cxl. *Spiraea chamaedrifolia* LINN., quae eadem est cum *Spiraea ulmifolia* Cl. SCOPOLI (Fl. carn. I. p. 349. t. 22.); etsi hic negat, nam non semper folia sunt terna, quaterna vel quina.

Tab. cxli. *Malua limensis*, quae Peruuia pro patria et Tab. cxlii. *M. Shaerardiana*, quae in Mediae arenosis et insula Creta prouenit.

Tab. cxliii. *Helicteres Jamaicensis*, quae est *H. Isora* var.  $\beta$ . LINN. ab *Isora* Horti Malab. differt, imprimis ob fructum non lateraliter pedunculo insertum. Calyx est subcampanulatus; germen hirsutum et quinesulcatum insidet receptaculo declinato, villoso, abique in stylum, inferne intortum, germine duplo longiorem; ad sulcum germinis quemlibet est folium, quod nectarium LINNAEVS dicit; extra hoc filamenta decem, germen antheris, tegentia locantur. Fructus tomentosus capsulis 5 spiraliter ad apices usque conuolutis componitur. Totus calyx succo dulcissimo plenus est.

Tab. cxliv. et cxlv. *Bunias balearica* et *B. aegyptiaca*.

Tab. cxlvi. *Vicia hybrida*. Differt a *V. lutea* hirsuto vexillo, retusis omnibus foliis, minoreque caulis et foliorum pubescentia. A *Vicia pannonica* (Flor. Austr. t. 34.) differt floribus solitariis, stipulis non maculatis.

Tab. cxlvii. *Vicia bythinica*.

Tab.



Tab. CXLVIII. *Onopordum Illyricum*. Ab *O. Acanthio* foliis multo angustioribus, albidioribus, pinnatifide ad distantias diuisis in lacinias longiores ouatas vel lanceolatas distinguitur.

Tab. CXLIX. *Onopordum Arabicum*. Ab *O. Acanthio* et *Illyrico* calicis foliolis omnibus erectis, nullis vel minime reflexis, facillime discernitur.

Tab. CL. *Hyoseris lucida*. In hac nullum calycem proprium detexit. Pappus subplumosus germina coronat.

Tab. CLI. *Portulaca paniculata* f. *P. patens* LINN.

Tab. CLII. *Salvia napifolia*; noua species, quae calidioris climatis indigena videtur. *Salviae verticillatae* simillima est, differt tamen constanter corolla saturate purpurea, labio superiore cordato emarginato, obtuso et patente, labii inferioris laciniis lateralibus subouatis patulis et longitudine labii superioris; lacinia media longiore.

Tab. CLIII. *Sedum dasyphyllum*; quod quidem *Sedi* characterem habet, praesentibus minimis squamis: at calycis foliola sunt sex, totidemque petala et germina; stamina autem duodecim; vt itaque *Sedi* et *Semperuiui* artificialia genera hac plantula confundantur.

Tab. CLIV. *Linum maritimum*: foliola sunt ouata acuta, germen glabrum, stigmata hirsuta.

Tab. CLV. *Lotus Arabicus*.

Tab. CLVI. *Malua Peruuiana*. A *Malua Limensi* differt foliis quinquelobis vel trilobis, nunquam septemlobis, minus hirsutis; floribus rubris, qui in *Limensi* sunt coerulei, pedunculo communi magis elongato, subspicato, arillis seminum denticulis ytrinque exasperatis.

Tab. CLVII. *Arum sagittae-folium*. Antherae spadicem tegentes, microscopio spectatae, videntur

constare filamentis connatis, quibus antherae in circumferentia adnascuntur.

Tab. CLVIII. *Cistus laeuiques*. Calyx est hirsutus, petala ouata crenulata, filamenta exteriora sterilia, germen triquetro globosum.

Tab. CLIX. *Convolvulus dissectus*. Planta haec quadriennis demum fructus maturos tulit. Pedunculi sunt biflori. Calycis foliola sunt arcte conuoluta; petali lobi rotundati cum acumine; stigma paruum globosum didymum, capsula bilocularis et quadriualuis.

Tab. CLX. et CLXI. *Helianthus altissimus*, et *H. tuberosus*.

Tab. CLXII. *Passiflora laurifolia*. Calycis foliola acuta et petala anguste lanceolata, intus rosei coloris, sursum flexa sunt. Nectarium constat serie duplici, exteriori breuiorum, interiori conniuentium fibrarum, albo, purpureo violaceoque variarum: stigmata tria vel quatuor pallent. Fructus ouatus, maturus luteus, pulposus, pulpa dulci aromatica.

Tab. CLXIII. *Passiflora suberosa*. PLUMIERI icones a LINNAEO citatae multum ab hac planta abludunt, cui sunt folia ouata, vel lanceolata, acuta, plus minus semitriloba vel integerrima: petiolo biglanduloso, glandula obtusa, apice perforata, pedicellata, stipulis subulatis. Stigmata vel tria vel quatuor.

Tab. CLXIV. *Eupatorium altissimum*; foliis utrinque ad microscopium valde punctatis calycis foliolis obtusis, villosis, corollis albis quinis. Differt omnino ab *Agerato altissimo* LINN. Spec., quod in Syst. Veg. XIII ad *Eupatorium*, eodem nomine triuali, vnde necessario confusio oritur, relatum est.

Tab. CLXV. *Erigeron viscosus*, calycis foliolis viscosis, pappo ad lentem breuiter piloso.

Tab.



Tab. CLXVI. *Vrtica niuea*. Plantae, quas vidit, Cl. Auctor femineos tantum flores habuerunt, quorum calyx foliolis quatuor vel pluribus constat, intra quae germina octo plerumque stylo filiformi, erecto praedita, continentur. Differt igitur a characterē Vrticae.

Tab. CLXVII. *Nissolia fruticosa*.

Tab. CLXVIII. *Sinapis Allionii*. Haec non est *Sinapis brassicata* LINN. sed noua species, radice annua, caule solitario, tereti, foliis pinnatifide laciniatis glabris, floribus laxe racemosis, luteis; filiquis ovato oblongis rugosis non hirsutis.

Tab. CLXIX — CLXXI. *Sinapis incana*, *erucoides* et *iuncea*.

Tab. CLXXII. *Oenothera longiflora*.

Tab. CLXXIII. *Corchorus trilocularis*; calyce purpurascēte, petalis obouatis, leuiter emarginatis, flauis: stamina sunt viginti.

Tab. CLXXIV. *Astragalus trimestris*: scapi prodeunt cum radicales, tum caulini; calyx hirtus denticulos habet subulatos; legumen est subulatum, postice carinatum, subspiraliter arcuatum.

Tab. CLXXV. *Geum canadense*; nos hoc in horto pro *Gei urbani* varietate coluimus, cui etiam simile est; differt petalis albis, calyce breuioribus, foliolis versus basin magis attenuatis, et quod Iunio demum floreat.

Tab. CLXXVI. *Verbena Aubletia*; eadem, quam Cl. MEDICVS in Actis Palatinis †) descripsit. Flore est tetrandro.

Tab. CLXXVII. *Cuphea viscosissima*. A BROWNEO \*) haec planta primum descripta, postea B. LUDWIG \*\*) characterem genericum quoque de-

T 4

dit,

†) v. comm. nostr. supra p. 13.

\*) *Hist. natur. Iam.* p. 216. v. comm. nostr. Vol. VI. p. 281.

\*\*) *EIVSD* definit. generum plantar. p. 294.

dit, et nuper Eius filius \*) eam quoque bene descripsit prius, quam Cl. Auctoris liber ad manus nostras peruenerat. Folia eius sunt ouato lanceolata, basi attenuata, integerrima. Capsula longitudinaliter prius disrumpit, quam semina matura sint, vt igitur in planta angiosperma semina extra pericarpium, singulari phaenomeno, maturescant.

Tab. CLXXVIII. *Hyacinthus orchoides*; planta Cl. Auctoris est polyphylla et corollam hexapetalam habet.

Tab. CLXXIX. *Cheiranthus fenestralis*.

Tab. CLXXX. *Oxalis violacea*, filamentis germinisque villosis, stigmatibus capitatis.

Tab. CLXXXI. *Anthericum asphodeloides*.

Tab. CLXXXII. *Hyssopus lopanthus*: odore quiddam de *Nepeta Cataria* habet, habitu ad *Calaminthas* accedit: Se non videre, inquit Cl. Auctor, cur a *Nepeta* debuerit auelli?

Tab. CLXXXIII. *Melissa pyrenaica*, quae est *Horminum pyrenaicum* LINN. (S. V. XIII. p. 455.) iam quoque a Cl. SCOPOLI (ann. hist. nat. 2. p. 55.) descripta. Characterem integrum genericum tradit Cl. Auctor, cum LINNAEVS plantam siccam tantum viderit.

Tab. CLXXXIV. *Psoralea palaestina* (vid. LINN. S. V. XIII. p. 520.), differt a *P. bituminosa*, florum magnitudine, foliorum latitudine, hirsutiae maiori, et habitu.

Tab. CLXXXV. *Scabiosa altissima*, afra et noua haec planta, differt a *S. rigida* LINN. quae corollas quadrifidas habet, iisdem quinquefidis; caules in annosa stirpe lignosi humanam altitudinem attingunt; folia sunt obuerse lanceolata, obtusa, ceroso

\*) In epistola, in qua de munimentis plantarum disseruit. Lips. 1776. 4.



eroso ferrata, subtomentosa subsessilia, inferiora semipedalia, superiora acuminata et argute incisa.

Tab. CLXXXVI. *Euphorbia maculata*.

Tab. CLXXXVII. *Crithmum maritimum*.

Tab. CLXXXVIII. *Euphorbia paralias*, flores steriles fertilibus sine ordine sunt immixti; vtrique pistillum habent, sed sterilibus germen deficit.

Tab. CLXXXIX. *Potentilla pensylvanica*, calycis villosi lacinae exteriores sunt lanceolato lineares, interiores triangulares, petala obouata emarginata. Radix est saporis adstringentis.

Tab. CXC. *Genista Sibirica*, calyx est quinque-dentatus dentibus setaceis, vexillum ex vngue breui expanditur in bracteam ouato oblongam, obtusissimam, emarginatam erectam; omnia petala aequae longa sunt; antherae lineares eriguntur: reliqua LINNAEVS recte proponit.

Tab. CXCI. *Tomex dubia*. Nouam hanc stirpem, cum fructus nondum innotuit, dubiam dicit: proxime ad *Tomicis* Linnaeanum genus accedit: sunt tamen filamenta petalis breuiora, basibus bifidis, quibus accrescunt singulis duobus vicinis petalis, quae sic connectunt, vt marcida coniuncta vna cum filamentis decidant. Germen est superum, nitidum, stigma crassum peltatum. Fructus immaturi, quadriloculares fuerunt.

Tab. CXCI. *Carduus argentatus*.

Tab. CXCI. *Hasselquistia cordata*, radice annua, foliis plerisque ternatis, summis et quibusdam simplicibus; foliolis crenatis, vtrinque villosis; seminibus minoribus, quam in *H. aegyptiaca*.

Tab. CXCI. *Conium Africanum*; Germina sunt muricata.

Tab. CXCV. *Caucalis humilis*, noua planta, radice annua, foliis bipinnatis, pedunculis oppositifoliis, caule, pedunculisque hirsutis et subscabris.

Tab.

Tab. cxcvi. *Amni Copticum*; germen est muricatum, petala dorso hispida, semina compressa, odoris et saporis aromatici, ad *Apium graueolens* accedentis, simul pungentis.

Tab. cxcvii. *Athamanta pyrenaica*; multa cum *A. libanotide* habet communia, sed habitus est diuersissimus, *pyrenaicae* patentissimus et diffusus: folia radicalia multiplicato pinnata sunt. A GOVANO Ill. p. 83. t. 26. sistitur.

Tab. cxcviii. *Carum Bunius*, quod *Aetusa* LINNAEVS in S. V. XIII. p. 236. subiecit.

Tab. cxcix. *Pastinaca lucida*. Succo tenaci albedo scatet planta, odore aromatico forti, ingrato, sapore acerrimo, quem vtrumque per 70 annos seruat: Folia radicalia cordata, ramea autem ouata aut subrotunda. Confer GOVANVM, qui folia ramea ternata dicit, in Ill. p. 19. t. II. 12.

Tab. cc. *Sison Ammi*, filamenta sunt subulata, petalis duplo breuiora; germen striatum glabrumque.

## VI.

Diff. De artemisiis. Auctore IOANNE PAVLO STECHMANN. Goettingae. 1775. 4. 8 plagg.

**D**issertatio, quam hic indicamus et quae partim botanicam, partim materiam medicam spectat, summaque diligentia conscripta est, eo ordine procedit, ut genere constituto, speciebusque enarratis, praeparata et vires artemisiarum proponantur.

Postquam systematicum *Artemisiae* locum definiuit atque diuersam variorum Auctorum hoc genus plantarum in plura diuidendi rationem exposuit, monuitque HALLERVVM summo iure scripsisse  
apfin.



*apfynthium* neque absinthium; partim quia Dioscorides αψινθιον vsurpauit, partim quia deriuatur a voce graeca ψινθος et α priuatiuo, contendit se illis assentire, qui modo vnum genus constitui cupiant. Concedit quidem plantas compositas p. 8. optime receptaculo distingui posse, tamen etiam ad habitum et conuenientiam florum et virium simul respiciendum esse, notat.

Ad species perlustrandas venit easque omnes, p. 9. earum varietates auctorumque synonyma apposit. WEBERVM secutus est in illis speciebus denominandis, quas Ill. LINNAEVS non habet eiusque definitiones interdum adiecit. In prima sectione species certas et ab omnibus scriptoribus bene definitas collegit et absinthia receptaculo villoso et artemisias receptaculo nudo et foliis vel compositis vel simplicibus a se inuicem separauit. Praeter species Linnaeanas habet *Artemisiam sericeam* (Absinthium incanum Gmel. Sib. II. p. 131. n. 113. T. 64. f. 1.) *A. Genipi* (Artemisia rupestris β. LINN. Sp. pl. p. 1186.) *A. Messerschmidii* totam tomentosam caule erecto, suffruticoso; foliis linearibus, multifidis, racemis erectis, tenuibus, laxis; *A. tataricam* totam tomentosam caule suffruticoso; foliis inferioribus bipinnatis, pinnis aequalibus superioribus pinnatis linearibus; racemis erectis, laxis multifloris; *A. nitrosam* (Artemisia fruticosa subincana Gmel. Sib. II. p. 113. n. 98. T. 50. f. 1.) *A. Lerchianam* (Artemisia fruticosa incana est Gmel. Sib. II. p. 114. n. 99. T. 50. f. 2. 3.) *A. tenellam* caule lanato; foliis breuibus tenuissime multifidis; paniculis tenuibus, laxis, foliosis, pedunculis subunifloris: *A. paucifloram* (Artemisia fruticosa est, Gmel. Sib. II. p. 116. n. 101. T. 52. f. 1. 2.) *A. italicam* caule suffruticoso; foliis tomentosis, laxè pinnatis, pinnis longis linearibus, radica-

- radicalibus punctatis; spicis densis; floribus erectis: *A. hispanicam* caule suffruticoso; foliis virentibus, laxè pinnatis, pinnis longis linearibus, spicis densissimis; calycibus oblongis: *A. anethifoliam* (*Artemisia herbacea* Gmel. Sib. II. p. 119. n. 103. T. 54.) *A. Gmelini* cet. (*Artemisia fruticosa* cet. Gmel. Sib. II. p. 121. n. 106. T. 56. f. 1.) *A. flaginoideam*, totam tomentosam, caule herbaceo; foliis multifidis, floribus subspicatis subsessilibus. Quibus omnibus speciebus WEBERVS nomina imposuit atque eas ipse bene descripsit. Volebat Noster de vnaquaque noua specie descriptionem suppeditare, sed cum sciret Cl. WEBERVM *Artemisiae* genus velle descriptionibus et animaduersionibus illustrare atque ornare, suo de consilio destitit. Summa cum cupiditate igitur WEBERI definitiones *Artemisiarum* expectamus. In altera sectione species dubias commemorauit. Huc refert *A. niloticam*, quae in nouo Systemate (XIII. edit.) *Cotula anthemoides* appellatur et *A. ambiguam*, quae in eodem systemate *Seriphium ambiguum* nominatur.
- P. 40. In tertia sectione species incertas neque satis rite ab Auctoribus determinatas percurrit et triginta septem enumerauit nonnullisque quaestiones addidit. Sic putat Absinthium ponticum creticum grati odoris C. B. pin. 138. varietatem *A. absinthii* esse; Absinthium ponticum tenuifolium austriacum C. B. pin. 139. vel ad *A. ponticam* vel ad *maritimam*
- P. 42. pertinere; Abrotanum mas angustifolium incanum C. B. pin. 136. varietatem *A. Abrotani* constituere;
- P. 43. Absinthium maritimum, Sinarum, Lauendulae folio; pulchrioribus corymbis, inodorum sapore aromatico FLVKEN: Amalth. p. 3. T. 353. f. 5. varietatem *A. coerulescentis* esse; Absinthium Erysimi folio, Achaouan ALPINI quodammodo accedens, ex insula jamaicensi FLVK. Alm. p. 2. vix ad genus *Artemisiae* referen-



referendum esse; Abrotanum mas ex Surinam, p. 44.  
molli hirsutiae canescens, nostrum RAI. Hist: app.  
p. 1866. varietatem *A. Abrotani* videri. Haec de  
Artemisiae speciebus, quibus Cl. Auctor quoque  
locos natales et nomina variarum gentium inter-  
dum adiunxit.

Postea in tertio capite pertractat qualitates, ana-  
lysin chemicam et praeparata earum specierum;  
quibus medici vtuntur: commemorat experimen-  
ta, quae summi chemici ad huius generis naturam  
perscrutandam instituerunt, neque ultimo loco sua  
experimenta omittit. *A. pontica* odore suauior, sapo- p. 48.  
re aromatica et minus amara est, quam *A. Absin-*  
*thium* et partes volatiliores exhibet. Debilior ab-  
sinthio haec species deprehenditur, tamen eadem  
praeparata obtineri possunt. *A. maritima*, *rupestris*, p. 49.  
*glacialis*, *Genipi*, *filaginoidea* et *campestris* quodam-  
modo cum *A. pontica* conueniunt. *A. Dracunculus* p. 52.  
est calida planta acris saporis et feruidi; acetum et  
vinum inde paratur, et aqua destillata obtinetur. Se-  
men Zinae forte sumitur ex *A. santonica* et ex *A.* p. 53.  
*iudaica*. Partes constitutivas *A. santonicae*, de qui-  
bus adhuc disputatur, eas assumit, quas CARTHEV-  
SERVS chemica analysi detexit.

Denique ad vires Artemisiarum respexit, *A. ab-* p. 54.  
*sinthium* indigestionem, vomitum, diarrhoeas et coli-  
cam flatulentam sistit et tollit; nocet vero in his  
morbis, si a tensione fibrarum conuulsiua aut in-  
flammatoria orti fuerint. *A. vulgarem* et *tanaceti-* p. 57.  
*foliam* tanquam medicamenta reiecit et modo pe-  
diluujs balsamicis destinauit. *A. Dracunculus* plan- p. 58.  
ta resoluens, alterans, obstructions soluit, sputa  
prouocat, dentium dolores sistit.

VII.

Zoologiae Danicae prodromus, seu Animalium Daniae et Noruegiae indigenorum characteres, nomina et synonyma, imprimis popularium. Auctore OTHONE FRIDERICO MÜLLER. Impensis Auctoris. Hauniae, typis Hallageriis. 1776. 8.

**C**ontinentur hoc in libro 3101 species animalium, quibus ultra octingenta novae species interfunt, quas omnes Cl. Auctor definiuit, atque sane insigni labore characteres multos plane novos, neque pauciores denuo elaboratos et correctos generibus et speciebus apposuit, ut cognitio specierum inde certior faciliorque redderetur. Qua in re quanta accuratione, et concinnitate terminorum Cl. Auctor usus sit, et quam felicissime essentiam animalis paucis saepe verbis indicauerit, rerum naturalium periti, qui experti sunt, *facilius esse*, ut ait Noster, *mirari et commentari, quam vera dignoscere et definire*, tum ex ipsa libri lectione, tum ex quibusdam, quas subiungamus, observationibus facile intelligent. Sollicite quoque Cl. Auctor synonyma Auctorum, imprimis eorum, quos non commemoravit LINNAEVS, apposuit, uti quoque nomina Danica, Noruegica, Lapponica, Groenlandica et Islandica. Vberiores descriptiones novorum animalium eorumque proprietatum Cl. Auctor ipsi Zoologiae \*), quam cum iconibus, quas vidimus, elegantissimis et accuratissimis, editurus est, referuat.

Characteres Classium, Ordinum et Generum, succinctos ipsi enumerationi in tabula quasi prae-  
posuit.

\*) vid. comm. nostr. Vol. XXI. p. 173.



posuit. Methodo autem Linnaeana animalia enumerat, ita tamen, ut in insectis genera Cl. GEOFFROY plerumque retineat, distribuatque vermium classem in quinque ordines.

1. *Infusoria*, pellucida, polymorpha, partitione et euolutione in quamvis directionem propagabilia.
2. *Mollusca*, mollia, nuda, tentaculosa, hermaphrodita vel neutra:
3. *Testacea*, testa tecta, tentaculata, hermaphrodita.
4. *Helminthica*, duriuscula, filiformia, annularia, partitione in longitudinem propagabilia.
5. *Cellulana*, composita, crusta condita, gemmascentia.

Piscium nouum genus, quod ad Apodes pertinet constituitur *Regalecus*, capite laminis tecto, pinnis ventralibus filiformibus: vid. ASCANII icon. tab. XI.

Ita etiam in ordine Apterosum insectorum, quae vel nuda, vel squamata, vel crustacea, vel testacea dicit, noua quaedam genera fecit. Inter nuda reperitur *Hydrachna*, quae oculis 2, 4, 6; et antennis nullis ab *Acaro* differt, cui Cl. Auctor semper oculos duos, et antennis setaceas tribuit. Ex crustaceis est *Polyphemus*, pedibus 8, antennis nullis instructus. *Cyclops*, cui pedes 8, antennae 2, vel 4 sunt, uti *Monoculus quadricornis*. LINN. A Cancro distinguitur *Squilla*, pedibus 10, vel 14; antennis 4 integris. Testaceorum Insectorum genera sunt vel 1) uniuersalia, ut *Amymone*, pedibus 4, oculo vno. *Binoculus* pedibus 4, 6, 8; oculis 2, huc *Monoculus apus* LINN. est referendus. *Nauplius*, pedibus 6, oculo nullo. 2) vel bivaluia, ut *Cypris*, antennis capillaceis superis; pedibus

pedibus 4, oculo 1. Species huius generis est *Monoculus conchaceus*. LINN. *Lynceus*, antennis capillaceis superis, pedibus 8, oculis 2. *Daphne*, antennis ramosis, pedibus 8—12, oculo 1. Pertinet huc *Monoculus pulex* Auctorum.

Praeterea genera vermium ea confirmat, quae in doctissimo opere, *Vermium historia* \*) inscripto, constituit. In Helminthicis nouum reperi-mus genus, quod *Echinorhynchus* dicitur: est vermis teres, proboscide retractili. Habitat in intestinis piscium, a Cl. ZOEGA inuentus. In Molluscis noua genera sunt, *Mammaria*, ore supero, corpore laeui, cirris nullis, apertura vnica, quae *Ascidiae* proxima est. *Pedicellaria* ore supero, pedunculato corpore, capitulo mutico vel aristato. *Planaria*, ore antico, corpore latiusculo, aequali, plicatili. *Fasciolae* eae species, quibus in *Vermium historia* locus aquaticus tribuitur, huc pertinent. *Lobaria*, ore antico, corpore supra conuexo, subtus plano, lobato\*\*). *Beroë*, ore infero, corpore costato, costis ciliatis. *Voluox Beroë* et *V. bicaudatus* LINN. hoc genus efficiunt. *Lucernaria*, ore infero, corpore gelatinoso, rugoso, brachiato.

Ad Testacea refertur *Echinus*: a quo etiam genere distinguitur *Spatagus*, cum instruaturo ano infero, et tentaculis penicillatis, quae in illo sunt simplicia. Noua genera praeter ea, quae in *Vermium historia* iam indicauimus, sunt: *Akera*, testapatula, apertura effusa, tentaculis nullis. *Tritonium*, testa operculata, libera, apertura canaliculata; tentaculis 2 linearibus, angulo extrinseco lineatis. *Anomia* LINN. in duo genera diuidit, quorum alterum dicitur *Terebratula* branchiis cincin-

\*) v. comm. nostr. Vol. XXI. p. 18 seqq.

\*\*) Haec in Actis Holm. *Pbyllis* dicitur.



cinnatis; cardinis dentibus alterius vncinatis, valvula superiore deorsum perforata: alterum *Anomia*, branchiis simplicibus; valuula inferiore perforata.

Cellulana Cl. Auctori dicuntur vel calcarea, quae sunt *Lithophyta* LINN.; vti quoque *Isis* et *Corallina*: vel subcornea, vti *Fistularia*, tubulosa, tentaculis simplicibus. *Tubularia* tubulosa, tentaculis cristatis. *Sertularia* et *Gorgonia*: vel fungosa, vt *Pennatula*, *Alcyonium*, *Spongia* et *Clauaria*. Hic quoque subiungit, *Eluetae*, *Phalli*, *Sphaeriae* et *Trichiae* species, mucidarumque plerasque huc forte esse referendas; Se ipsum autem nondum motum atomorum spontaneum in iis vidisse.

Ex insigni copia diuersorum nominum Lapporum, Groenlandorum, etc. quibus iidem Phocas, Cetacea, aliaque animalia designant, eaque inter se discernunt, haud dubie colligere licet, plures esse species etiamnum incognitas. Nomina haec diuersa Cl. Auctor collegit, vt nunc inquiri possit, quaenam animalia his intelligantur. Nouas etiam *Balaenae* et *Delphini* species nominat: quas vero, vti quoque omnes hic nouiter recensitas species nos ommittere cogimur, inprimis cum tunc demum indicandae a nobis sint, vbi vberior earum historia, quae profecto magnam historiae naturali lucem dabit, cum iconibus edita erit.

Varietates quoque Cl. Auctor sollicitè a speciebus veris distinxit, atque sic plures aliorum Auctorum species hic ad varietates sunt relatae, aliae contra varietates species factae sunt.

Sic *Lucani Cerui* var  $\beta$ . LINN. dicitur *L. Dorcas*, p. 52. thorace conuexo, maxillis breuibus, apice simplici, latere bidentatis; cum haec structura differens  
 Tom. XXII. Pars II. V et

- et copula veram speciem demonstret. *Scarabaeus*  
p. 55. *simetarius* var  $\beta$ . LINN. dicitur recte *Sc. tessellatus*.  
*Ptinum furem* LINN. ad *Bruchum* refert, cum arti-  
p. 69. culi antennarum aequales sint. *Chrysomelam mi-*  
*nutam* ad *Hydrophilum*, *chrysomelini* nomine, re-  
p. 70. fert, cum pedes natatorii et villosi sint. *Dytici*  
*marginalis*, vti quoque aliarum huius generis spe-  
cierum indiuidua, patellis pedum primorum desti-  
tuta et instructa inuenit, hincque putat Cl. Auctor  
*D. semifstriatum* vix feminam eiusdem esse. *Dyti-*  
*cum sulcatum* LINN. feminam *D. cinerei* esse existi-  
p. 75. mat. *Carabi* genus ex thoracis diuersitate in fami-  
lias diuisit, cum alii sint thorace quadrato, alii  
cordiformi, postice angustiore; vel triangulari,  
postice latiore; vel orbiculato.  
p. 113. *Papilionem Mnemosynem*, qui in reliquis Eu-  
ropae regionibus rarus est, Cl. Auctor prope Hau-  
p. 114. niam vulgarem reperit. Nouem enumerat varie-  
tates *Papilionis Hyperanthi*, quorsum *P. Polymeda*  
SCOPOLI, *P. Vidua* et *P. Arete* FAVN. Friedrichsd.  
pertinent.  
p. 142. *Ephemeræ marginatae* mas differt a femina ap-  
pendiculis caudae quatuor, maioribus curuatis:  
tuberculis duobus, magnis supra oculos. Haec  
tubercula maribus quibusdam propria, auctoribus  
stemmata perperam dicuntur: vera enim stemma-  
p. 143. ta inter oculos vtriusque sexus posita sunt. *Ephe-*  
*meram bioculatam*, cum omnes binos oculos ha-  
beant, dicit *diaphanam*. Deinde confirmat Cl.  
Auctor pupas Ephemerarum ante vltimam decor-  
ticationem alis perfectis gaudere.

Multae nouae sunt obseruationes in classe  
Vermium factae, quas tamen vel ex historia Ver-  
mium, vel ex ipso libro Lectores cognoscere de-  
bent. Non enim recte de iis referre possumus,  
nisi Cl. Auctoris correctiones repetamus, atque am-  
ple



ple cum aliis Auctorum dictis comparemus, quod vero instituti nostri breuitati repugnat. Facile deinde patet, neminem, cui animalium studium curae cordique est, et qui in iis distinguendis et definiendis versatur, hoc libro carere posse. Finitur liber indice nominum genericorum Danicorum et Noruegicorum. Optamus denique, vt Cl. Auctoris labores et studia, quae in augmentum historiae naturalis summopere et alacriter impendit, Ipsi sint prosperrima et feliciter ex votis succedant, quo proxime Zoologiae ipsius partem cum iconibus, atque continuationem *florae Danicae* Lectoribus indicare possimus.

### VIII.

*Berlinische Sammlungen zur Beförderung der Arzneiwissenschaft, der Naturgeschichte, der Haushaltungskunst, Kameraheissenschaft und der dahin einschlagenden Litteratur. V. Band 1-6tes Stück. Berlin, bey Joachim Pauli 1773. 8. m. K. Seiten 671. VI. Band 1-6 Stück ib. 1774. Seiten 695.*

i. e.

Collectanea Berolinensia ad promouendam medicinam, historiam naturalem, oeconomiam et scientiam cameralem scripta Vol. V. et VI.

Cum huius instituti rationem non multum Vol. V. ante \*) dederimus, ad eas potissimum tractationes, quae nos propius attinent, ita, vti in prioribus huius operis voluminibus a nobis factum est, nos accingamus.

V 2

I. Obser-

\*) v. comm. nostr. Vol. XX. p. 314.

p. 5.

1. *Obferuatio et curatio periculofi vulneris fcllopetarii.* Probat potiffimum haec obferuatio, quam facilis fit puris reforptio et vrget propterea Cl. Auctor magnam cautionem in instituendis operationibus chirurgicis talium vlcerum fifuloforum. Simulac enim fifula, quae hoc loco, vt viscus organicum, eft confideranda, operatione chirurgica turbatur, neceffario eae fequelae apparere debent, quae a reforpto pure oriri folent, cum exitus puris fit impeditus. Tota itaque huius periculofi vulneris cura cernitur in viribus corporis conferuandis ad pus eliminandum e corpore per vulnus, et in omnibus externis impedimentis, liberum puris effluxum per vulnus turbantibus, remouendis.

p. 36.

2. *Breuis relatio de Boue Bifonte,* cum icone eiuſdem. Anonymus putat eſſe eum eiuſdem ſpeciei cum *Boue Tauro*: gibberemque ex nimia copia nutrimenti oriri: addita quoque eſt ſynonymia Bouis, atque Biſontis deſcriptio.

p. 52.

3. *Breues relationes de tarantiſmo ſeu chorea St. Viti* ex D. BÜSCHINGII relationibus de *tarantula* cet. Eſt morbus neruoſus praecipue hyſtericis feminis communis, nec a morſu tarantulae deriuari debet. His additur hiftoria Aranearum *Tarantulae*, et *Auiculariae*.

p. 117.

4. IO. HENR. HAGEN *phyſico botanica confideratio Salicum in Boruffia naſcentium.* Species, quas Cl. Auctor in Boruffia inuenit, ſunt 15, quarum LOESELIVS tantum 12 deſcripfit: nempe *Salix alba*, *fragilis*, *vitellina*, *caprea* eiufque varietas latioribus foliis, *viminalis*, *purpurea*, *cinerea*, *pentandra*, *amygdalina*, *aurita*, *roſmariniſolia*, *incubacea*, *helix*, *arenaria*, *fuſca*. Synonyma, etiam Germanica



nica bona nomina Cl. Auctor addit, atque earum  
vsum descriptionibus breuibus subiungit. *Salix* p. 122.  
*fragilis*, si sponte alicubi nascitur, indicat aquam re-  
centem puramque et solum fertile. *Salicem vitel-*  
*linam*, si in arborem adoleuerit, ramos pendulos  
accipere obseruat Cl. Auctor; indeque sententia  
HALLERI, qui hanc in *S. albam* mutari coniecit,  
minus probabilis ei videtur. *S. capream* ad apum  
culturam esse vtilissimam refert, neque ideo eam  
esse plane eradicandam monet.

5. *Isis Entrocha* LINN. descripta a Praeposito p. 156.  
GENZMER. Elegans et accurata ea est, iconibus  
bonis illustrata, et cum Linnaeana conueniens,  
sed vberior descriptio. Quo crassior stirps est, eo  
tenuiores sunt rami. Lapis, in quo petrificata inue-  
nitur, est calcareus; ipsius massa autem selenitica.

6. *Accurata tractatio de necessario et salubri usu* p. 229.  
*externorum remediorum in variolis.* Haec remedia  
disperscuntur in praeseruatiua, praeparatoria et cu-  
ratoria. Inter praeseruatiua, quae a natiuitate  
statim sunt adhibenda, refertur consuetudo obste-  
tricis, quae ante deligationem funiculi vmbilicalis  
per eum sanguinem versus secundinas premebat  
eum in finem, vt infans vel nullas, vel paucas va-  
riolas sine villo vitae periculo experiretur. Licet  
autem concedimus, sanguinis effluxum per funicu-  
lum vmbilicalem, si fieri potest, valde vtilem esse  
infantibus, tamen multi sunt, qui negent huius  
effectum vsumque in variolis praecauendis seu  
moderandis. Ebraei eapropter quoque salo-  
terunt funiculum et infantes quoque ipsos \*).

V 3

Haec

\*) v. diff. de cura infantum recens natorum penes he-  
braeos, Praeside Cl. DETHARDING. Resp. *Mercio Mosi*.  
Buzov: 1766. 4.

Haec et alia iam quoque monuerunt Cl. MEDICVS aliique \*).

p. 241. Non nuper ab aliis atque aliis Auctoribus variolae cum peste sunt collatae, vti MEAD, HIRSCHEL. cet. asseruerunt, Noster autem affirmat, eas esse periculosiores ac peiores peste; necesseque inde esse putat, eadem cum studii seueritate contra variolas certare, qua contra pestem, si fieri potest. Praecipua cura in eo cernitur, vt contagium ipsum in aëre debilitetur, dein vt homines, quantum fieri potest, praeferuentur atque arceantur ab infectione et tandem, vt miasma iam cum sanguine et humoribus corporis humani communicatum debilitetur atque eius vis infringatur. Legi hic posse et Noster suadet ea, quae in eodem diario \*\*) de praeseruanda et curanda peste sunt tradita.

p. 343. Balnea tepida, fomentationes, vapores, cataplasmata, epispastica et vesicantia, clysteres, venaesectiones, pediluua et manuluua Noster hic laudat; balnea vero frigida prorsus reiicit et reliquum externorum remediorum, vt varia sunt vnguenta, camphora, crocus, semen foeniculi, allium, caryophylli, aqua frigida, lac, vsum ad oculos tuendos aliasque partes corporis defendendas maxima cum cautione suadet mauultque Noster potius remedia posteriora ob pericula negligi, quam priora omitti ob eorum vtilitatem in variolarum cura.

p. 368. De venaesectione in infantili aetate hic differitur ac loco eius hirudinum applicatio suadetur. Certissimum remedium post applicationem hirudinum sistendi sanguinis fluxum Noster iudicat  
cum

\*) vid. comm. nostr. Vol. XIII. pag. 50. ib. pag. 48. Vol. XXI. pag. 135. ib. pag. 610. ib. Vol. XX. pag. 319.

\*\*) v. Vol. III. pag. 279. comm. nostr. Vol. XX. pag. 526.



cum b. HIRSCHELIO extractum saturni GOVLARDI. Cl. VIOLANTE autem cucurbitulas cum scarificatione apud infantes praefert venaesectioni et hirudinum applicationi. B. HIRSCHELIUS tribuit tincturae cantharidum communicatae cum vulneribus artificialibus per scarificationem aut in fonticulis vim, morbosam materiam versus cutem deriuandi, item suadet eam in omnium exanthematum generibus et tum, cum retropressa sunt. Vesicantia enim, quae iam dudum inter praeseruativa remedia contra variolas sunt relata \*), non ubique possunt applicari, bene autem tinctura cantharidum ac ideo haec illis praefenda videtur.

Dolorem per vesicatoria leniunt narcotica ad-  
mixta remedia, vt opium, seu lenientes alii balsami,  
vt Peruvianus. Dyschuriam, quae saepenumero  
sequitur vesicatoriorum applicationem, camphora  
addita arcet, et sanguinis ebullitionem, ab eadem  
caussa apparentem emollientes et refrigerantes  
potus impediunt. p. 453.

7. Perill. DE HÜPSCH detexit terram *Umbram Co-* p. 270.  
*loniensem* nihil aliud esse quam lignum fossile, in  
terram hanc vaporibus mineralibus, aquis subter-  
raneis et bitumine resolutum. Inuenitur illic sub  
torfa, eiusque sunt quaedam frusta, quae ligni fossi-  
lis naturam adhucdum habent; pleraque autem  
veram terram sistunt. Recte itaque WALLERIUS  
hanc terram ad *Humum* \*\*) retulit: etsi originem  
minus recte explicuit.

8. *Ramphasti bicoloris* LINN. et *Lemuris Cattae* p. 294.  
LINN. historia ex aliis excerpta cum iconibus. p. 376.

V 4

9. Quae-

\*) vid. comm. nostr. Vol. XV. pag. 647. ib. decad. II.  
Suppl. II. pag. 216.

\*\*) vid. EIVSD. systema mineral. pag. 18. comm. nostr.  
Vol. XIX. pag. 437.

- P. 494.**     9. *Quaedam experimenta cum aqua, in qua cuprum praecipitatur, instituta ab E. F. KAGEL.* Scaturit haec aqua, vti cognitum est, in Vngaria prope Neosolum in loco, qui *Herrengrund* dicitur. Experimenta hic narrata demonstrant contineri in eadem Vitriolum cupri, quod ferrum aquae immissum resoluit, et cuprum praecipitat. Reperitur enim in hac aqua Vitriolum cupri etiam purum crystallisatum, et aqua ipsa euaporata idem relinquit.
- P. 517.**     10. *Descriptio Haemantopi ostralegi et Pelecani*  
**P. 520.** *Aquili* LINN: eorumque icones.
- P. 502.**     11. *Inter noua remedia inuenimus et vnum in phthisi pulmonali, quod constat bitumine et cera flaua, quae igne liquefacta per vapores feruire dicuntur phthificis praesertim in expectoratione facilitanda.*
- P. 565.**     12. *Singulares effectus belladonnae in melancholicis morbis.* Ad dosin huius remedii recte definendam utebatur Auctor huius observationis ipsa belladonna, ita, vt duobus granis inciperet et ad sex vsque grana continuaret. Duo et quatuor grana plane nullum edebant effectum, quinque vero motum vermiformem prodebant et sex grana visum obnubilabant et vertiginem causabant. Colligebat itaque quinque grana esse dosin et hanc cum totidem rhabarbari exhibebat aegro. Duodecim eiusmodi dosibus adhibitis, duas uncias salis amari Sedlitzensis dedit et dein continuauit puluere ex quinque granis belladonnae et totidem rhabarbari per duodecim dies et tum iterum sale. Atque ita, per viginti et quatuor horas his medicamentis porrectis, pulsus erat plenior et celerior, abdomen minus tensum et faciei color viuidior, vires quoque reuertebantur,



bantur, mouereque, edere et potare aeger ipse discebat. Elapsis amplius quinque septimanis et interea his remediis ita, vti monuimus, continuatis, incidebat aeger in somnum per viginti et duas horas et expergiscebat sanus et validus.

Virum quinquaginta et quinque annorum eadem ratione a melancholia liberabat supra praescripta ratio medendi per belladonnam. Reliqua exempla mittamus, vbi propter debilitatem belladonnam cum limatura martis coniunxit cum optimo successu, in alio venaesectionem praemisit, in alio fonticulum curauit inter vsum praescriptum belladonnae. p. 572. p. 578.

13. Referuntur quidam errores, qui circa dromasiam auri committi solent atque corriguntur. Suadet Anonymus methodum, quam KVNKEL in *Laboratorio chymico* adhibuit, vt nempe aurum in lamellas formatum in aqua regis, adiecto sale ammoniaco, soluatur, et solutio decantetur: eaque vitriolo aqua soluto praecipitetur, donec solutio non amplius turbetur, atque aurum in fundo vasis relinquatur. p. 584.

14. *Nouiter inuentum chirurgicum instrumentum.* p. 616. Est catheter chalybeatus, cum infundibulo similis materiae, inuentus ad mercurium immittendum in vesicam vrinariam, si forte argenteus catheter in vesicam delatus frangeretur, ad illam partem fracti catheteris soluendam. Haec res iam a Cl. LE DRAN excogitata et proposita est et Cl. HEVERMANN mercurium quoque putat in aliis cauis corporis humani praeter vesicam vrinariam, posse adhiberi ad plumbum argentum ceteraque iis similia per amalgamationem soluenda \*).

V 5

In

\*) vid. comm. nostr. Vol. XVI. p. 83.

Vol. VI. In sexto volumine sequentia Nostro instituto respondere cogitauimus.

p. 26. 1. *Observatio luxationis femoris a metastasi insolitae tussis, quam fieri non posse nonnulli Auctores adducuntur ut credant.* Auctore Cl. B. FELDMANN M. D. Expectoratione satis frequente et copiosa cum tussi prorsus desinente generabatur per crisin metastaticam magnus tumor in acetabulo femoris, qui sponte sese aperuit, nec sanari potuit. Noster putat, acetabulum fuisse impletum viscido crasso usque ad cartilaginem, quo collum femoris expulsum et in foramen magnum ossium innominatorum impulsus est. Aeger quoque mortuus est.

p. 30. Quantam vim atque potentiam singularem extendendi successiuus affluxus liquorum exserere possit, probat et Noster ex incremento vegetabilium in satis arboribus, quae paludes firmitatis causa appositae saepe e loco suo dimouent: item ex fraude, quam rustici bene norunt, stannea vasa pisorum ope ita extendendi, ut multo plus contineant, e. gr. vini adusti. Similem pisorum utilitatem in vaso ferreo cylindrico legit Noster in Cl. HALES tentamine trigesimo et secundo \*).

p. 32. 2. *De utilitate setaceorum in variolis et scabiosis exanthematibus.* Auctore EODEM. Variolae erant valde malignae et praecipue supercilia occupaerant, ubi setacea utiliter sunt adhibita; item in tinea capitis retropressa.

p. 37. 3. *Observatio de utilitate camphorae in magna doli desumpta ex epistola ab EODEM scripta.* Morbus erat ileus, alias et miserere dictus, ubi camphora

\*) vid. STEPH. HALES vegetable statick. Lond. 1727. 8.



phora interne et externe in clysteribus, cataplasmatibus oleosis inunctionibus abdominalibus copiose atque non frustra est adhibita. Plura de camphorae virtute varia in magna quantitate et diuersis morbis exempla collegit Cl. COLLIN in continuatione anni medici \*).

4. Cl. BECKMANNI tentamina carthamo tin. p. 41. gendi in commentariis Gottingensibus edita \*\*) et FERBERI enumeratio marmorum Italicorum; p. 151. vti quoque *descriptio Solfatarae* ex EIVSDEM literis \*\*\*) excerpta sunt.

5. *Lophii piscatorii* LINN. historia et icones. De. P. 83. scriptio bona facta est ad exemplar siccatum, quod in REBELTI, pharmacopoei, collectione reperitur. p. 169. His deinde subiungitur *Lophii Vespertilionis*, et *L. histrionis* historia.

6. *Annotationes super cereuisia* Auctore Ill. p. 177. CAROLO DE LINNE. Varietas cereuisiarum pendet inter alia multum quoque ab aqua. Lupuli vtilitas ad cereuisiam praeparandam veteribus ignota fuit. Ea, quae substituunt, vt gentiana, trifolium, absinthium cæt., Nostro non placent. Fermentationem bonam multum iuuat cereuisiae calor mediocris. Nimius calor et nimium frigus hic nocet. Porro et bene cocta esse debet cereuisia, si sanitati consulere potest, et rite defaecata. Valde amara venerem temperat, corpus exsiccat, emaciat et illud ad hydropem et tympaniten

\*) vid. comm. nostr. Vol. XXI. p. 140.

\*\*) vid. comm. nostr. Vol. XX. p. 614.

\*\*\*) vid. ibid. p. 253.

niten disponit. Nimis generosa cereuisia corpus pingue et succulentum reddit atque impedit respirationem. Acida cereuisia acidum ventriculi, chlorosin, colicas et malum hypochondriacum caussat.

p. 182. Cereuisia rite praeparata nec recens certat quoad vtilitatem ratione sanitatis et claritatem saporemque cum vino. Non ita calefacit sanguinem, vt vinum, nutrit ita potius illa corpus, et hoc emaciat. Cereuisia non vti vinum, disponit ad phthisin pulmonalem, febres varias aliasque obstructions. Conducit cereuisia potius in frigore, quam aestate, calefacit enim melius ac alia potus genera cet.

p. 230. 7. Excerptum ex Tentamine super Chemiae obiectis, eorumque diuisione, Anglice scripto, Auctore Cl. WATSON \*). Tria naturae regna, omniaque eius corpora esse obiectum chemiae, nèque certos inter haec dari limites, sed diuersis gradibus eandem naturam, eademque attributa iis omnibus data esse contendit Auctor.

p. 274. 8. Relatio de curatione fistulae ani cum potu vulnerario PARACELSI, Auctore CONRAD. DIETERICO GVTIKE M. D. Erat fistula haec iam inueterata; verebatur vero aeger valde operationem, quam vrgebat Noster. Atque cum meminerit Noster legere in promptuario Hamburgensi Auctorebus IUNKERO et VNZERO de vtilitate huius remedii PARACELSI in hoc morbo, illud cum felicissimo euentu huic aegro suavit. Remedium est ita compositum: Recipe pimpinellae albae radices vñciam vnam, saniculae, pyrolae, leontopodii, faracenicae

\*) Titulus Anglicus est: *an Essay on the subjects of Chemistry and their general Division* by R. WATSON. Lond. 1771. 8.



cenicae solidaginis, millefolii, hederæ terrestris, florum bellidis et centaurei ana manipulum vnum, recentis flauedinis corticum aurantiorum, drachmas duas, incisa misce et fume quatuor minora cochlearia harum specierum pro infuso theiformi. Haec portio cum aqua infundatur, vti thea, et mane vespertine bibatur. Atque ita hoc solo remedio aeger prorsus sanitati est restitutus.

9. *De noxia sepultura in templis* hic exemplum p. 278. communicatur. Centum et quod excurrit homines putrida febre correpti sunt ex putridis exhalationibus, quæ ex sandapila sese aperiente et cadaver a putrida febre in se continente, exsurgabant.

10. *De electricitatis utilitate.* Kaeni in Norp. 280. mandia multa ideo sunt instituta experimenta, e quibus docent ibi viri eruditi, electricitatem incrementum plantarum accelerare, fluidis viuidiorem motum conciliare, perspirationem promouere et cum sanguine nouam vim communicare. Ibi-dem quoque podagra, febre tertiana et quartana laborantibus aegris exhibetur cum felici successu panis electrifatus.

11. Puerperæ subitaneus mors *ex metastasi* p. 281. lactea ad pulmones hic narratur.

12. *Pestis infectionis* notatu digna observatio hic p. 283. traditur. Communicata nimirum pestis est, per corallia et numos aureos, atque inde probatur argentum et omnia corpora dura aërem impurum posse excipere.

13. Ill. HALLERI noua tentamina *de sensibilitate* p. 288. atque irritabilitate corporis animalis iam a nobis ex commentariis Gottingensibus sunt communicata cum nostris Lectoribus. \*).

11. Re-

\*) v. comm. nostr. Vol. XX. p. 597.

- P. 311. 14. *Relatio de sanguine draconis.* Differt hic prorsus a lapatho rubro. De draconis arbore peregrinantes narrant, confici ex ea scuta, quoniam gladii aliaque instrumenta iis immissi non facile possunt extrahi.
- P. 318. 15. *De mure Auellanario LINN. et Talpae europaeae varietate variegata brevis relatio, et icon.*
- P. 375. 16. *Continuatio nouorum remediorum collectorum.* Oleum lini in haemoptysi \*) et in cariosorum dentium doloribus, vbi nonnullae guttulae olei recentis, carioso denti instillatae, dolores lenire dicuntur. Cremor tartari solubilis potest praeparari ex quatuor partibus cremoris et vna boracis, nec quidquam virium, cremori tartari propriarum, in solubili perit, praeter vim euacuantem, quae, dosi eius aucta, facile poterit restitui. Proportio autem haec, vti Cl. BERGIVS monet, debet obseruari, alias sal DE SEIGNETTE producitur.
- P. 380. 17. *Semina vrticae in aqua vel lacte cocta anthelminticam virtutem certam habere dicuntur.*
- P. 384. 18. *De nicotianae syrupo in asthma.* Componitur ex decocto nicotianae duabus libris, vna et dimidia vncia hydromellis et quatuor vnciis oxymellis. Quibus mixtis, digestis, decantatis, fit coctione syrupus addito saccharo. Plura alibi de aucta virtute acris in scilla et narcotici in opio, nicotianae propria \*\*).
- P. 394. 19. *De eruptionibus Vesuui, de monte igniuomo circa Mexico et de California breues quaedam tradun-*

\*) v. comm. nostr. Vol. XV. p. 688.

\*\*) v. comm. nostr. Vol. XVI. p. 701.



traduntur relationes, quarum posteriores excerptae sunt ex libro, qui 1722 Manhemii prodiit, titulo: *Nachrichten von der amerikanischen Halbinsel Kalifornien*. Enarrantur hic quaedam corpora naturalia, fatis cognita, atque de usu eorum in illa gente.

20. *Relatio de femina lethargo affecta, auctore* p. 406.  
T. BRADY. A. 1738. mulier 40 annorum mense Augusti in somnum incidit, qui per 4 dies durabat. Post 7 dies iterum somno corripiebatur, qui tantum per 17 horas pergebat: atque hoc modo per viginti annos vitam miseram agebat. Per diem continuo dormiit neque vlllo modo poterat fuscitari: dormiens autem calorem naturalem habebat; omnes autem excretiones, perspiratione insensibili excepta, cessabant.

21. Anonymus refert in *Ostreis* duplices vermes reperiri, alios rubentes, qui quasi obstetricantes ostrearum sint, dum partes genitales earum irritent, vt oua seu pullos excludant: cum enim Ostreas pullis refertas, his vermibus priuaret, eadem pullos non pepererunt; quod in aliis, quae vermibus praeditae erant, succedebat: alios albos, phosphorescentes, qui rarius conspiciantur. p. 412.

22. *Obseruationes de origine mellis Auctore* p. 454.  
BOIS. DE SAVVAGES. Putat Auctor mel non ab apibus fabrefieri, sed eas tantum partes mellis in vegetabilibus vel specie nectaris, vel roris melini forma dispersas colligere, quae deinde successu in alueariis mellis naturam induant. Hunc rorem mellinum duplicis esse generis, vel enim ex plantis exhalare, et roris forma in foliis et aliis plantarum parti.

partibus conspici; vel aphidibus originem suam praebere, quae optimis plantarum succis nutritae succum melleum excernunt. Itaque aphides, ex sententia Auctoris mel faciunt: apes autem tantum id colligunt.

p. 485. 23. *De utilitate quassiae* Auctore IACOBO FARLEY. Peruvianum corticem non ferre poterant nonnulli aegri, sed eum euomuerunt; quassiam vero cum serpentaria Virginianae radice et sine ea ventriculus assumebat. Plura de eius virtute alio loco \*) iam a nobis sunt prolata.

p. 565. 24. *Relatio de grauida, cuius imaginatio laesa est aspectu simiae.* Auctore C. G. SCHOENWALD. M. D. Filia hic neonata offerebat a ceruice usque ad os coccygis per totum dorsum cutem crinibus obsesam tanquam simiae cutaneus habitus, uti ex icone intelligi potest. Stat Noster a partibus imaginationis maternae laesae, quam alii negant, alii defendunt \*\*), quae, uti arbitratur, excitatur et per terrorem, ut coniunctam causam, viuidior efficaciorque redditur, per quam dein physicae vires in consentientem motum et effectum transeunt. Hae physicae vires secundum directionem iam acquisitam agunt per grauitatem specificam cet.

p. 577. De efficacia autem animi commotionum et specificis physicis viribus notat Noster, eas non semper vnum eundemque effectum sequi pro hac vel illa conditione corporis. E. gr. grauida memorata non fuisset grauida tum temporis,

\*) vid. comm. nostr. Vol. XXI. p. 242. 259.

\*\*) vid. comm. nostr. Vol. XXI. pag. 328 seqq. pag. 332 seqq.



ris, cum terrore percuteretur ex aspectu fimiae, alias sequelas actiua haec animi passio effecisset. Fetu enim tum absente, aliae partes fuissent occupatae, forte mammae loco cutis fimiae erysipelate seu scirrho et cancro affectae fuissent.

Fatetur denique, Cl. Auctor difficultatem explicandi, quo nimirum modo vires physicae per singularem animi perturbationem motam, specificos effectus possint praestare; qua ratione animi affectus has vires dirigat ad partes fetus ita, ut praeternaturalem earum formam causent et qua via hi effectus singulares ex suis causis explicari possint. Subsistit autem hic Noster ultraque progredi non licere mortalibus dolet.

25. *Tentamina de peste.* Ad eius naturam definiendam bilem peste infectorum aptam esse probatur ex phaenomeno sequenti, quod apparuit grassante peste Lugdunensi: Colligebatur spuma multicolor in superficie aquae, quae in vase per nonnullas noctes libero aëri erat exposita. Qua separata et cani propinata, non diu post misere periit.

26. *Singulare remedium sitim extinguendi.* Est p. 591. illud balneum, cuius effectus per leges suctionis explicat Cl. FRANKLIN.



IX.

WENCESLAI TRNKA DE KRZOWITZ  
S. R. I. Equitis, Medicinae Doctoris in vniuersitate Regia Tyrnauienſi anatomes Profefſoris publici et ordinarii, historia februm intermittantium omnis aevi obſeruata et inventa illuſtriora medica ad has febres pertinentia complectens. Volumen I. De febris intermittentibus in genere. Vindobonae ex officina Iac. Anton. a Ghelen 1775. 8. maj. pagg. 728. praeter praefationem et dedicationem.

Vniuerſam de febris intermittentibus tractationem binis voluminibus complecti Noſter vult, quorum vnum ea, quae ad naturam curamque illarum generatim ſpectant, continet; alterum diuerſas earum ſpecies ſiſtet, vt recidivas, intempeſtue ſuppreſſas, malignas, irregulares, morboſque, qui ex his febris aut perperam curatis, aut nimis diuturnis oriri ſolent. Quantum fieri potuit, Cl. Auſtor a phyſiologicis ac pathologicis explanationibus ſeſe abſtinuit et omnem potius doctrinam ſolis obſeruatis practicis, quae ſedulo et accurate proſecto collegit, ſuperſtruxit, illuſtrioresque caſus clinicos variorum Auſtorum addidit.

- p. I. Febris intermittens eſt ea, quae alternis vicibus accedit receditque, nullo ſui relicto ad ſenſum a diſceſſu veſtigio. Omnem intermittantium februm varietatem definiunt *typus* ſeu *periodus*; *anni tempus*; *menſura* durantis cum acceſſionis, tum integritatis; *complicatio* typorum; *extenſio* morbi in corpore aegro, dum aut vniuerſum, aut partem eius tantummodo in acceſſione affligit; *habitus*, dum ſcilicet



scilicet vel consuetis sibi symptomatibus comparet, vel sub habitu morbi alius febris se insinuat; *indoles febris* aut mitis utcumque, aut maligna; *causae* easdem in dato aegri corpore producentes. Quindecimanae, menstruae trimestris, annuae, triennis p. 22. febris mentio hic est facta.

Causae, a quibus febris intermittens in corpore humano progignitur, sunt eadem prorsus, quae alias perinde febres excitant, nempe constitutio vel epidemica aëris, vel endemica loci, vel sporadica denique hominis, atque ita intermittens febris est epidemica, endemica et sporadica.

Natura febris intermittens, variis febrium intermittentium generibus et accessionis febrilis descriptione praemissis, in capite quarto ad accessiones typorum exquisitorum Cl. Auctor progreditur. Persequitur hic Noster exquisitas quotidianas, tertianas quartanasque febres easque considerat secundum invasionis tempus, quod in quotidianis vespertinum, aut nocturnum, in tertianis antimeridianum est: dein secundum frigus, ubi GALENI discrimen inter frigus, horrorem rigoremque memorat: denique secundum calorem, sudorem, pulsum, symptomata, excretiones, accessionis durationem et apyrexiam.

Procatarticas seu occasionales intermittens p. 96. tium causas diuidit Noster in capite quinto in sporadicas, endemicas ac epidemicas. Ac primum quidem inter sporadicas contemplatur Cl. Auctor ingesta, quibus creator vim peculiarem forte indidit, febrem in corpore Nostro constanter, si assumantur, progignendi. Contagium inter epidemicas intermittentium febrium causas Noster indubitato recenset.

In capite sexto proegumenae febrium intermittentium causae, eius diuersitas in quavis inter-

p. 133. mittentium ab antea memoratis causis et nexus cum procatacticis primum traduntur, dein ad id progreditur Noster, a quo febris intermittens natura pendeat? Tota haec quaestio in capitibus sequentibus tractatur, scilicet 1) quae sit causae proegumenae sedes? in solidisne an fluidis vel in utroque et in quibus? 2) Vtrum periodorum ratio in sola proegumena causa vel huius cum procatactica concursu quaerenda sit? 3) quatenam sit causae proegumenae in quavis intermittens specie (de quo in capite secundo iam egit Cl. Auctor) diuersitas. Tot, inquit, enigmata, quot quaestiones.

p. 141. Nervosum systema in febribus intermittens primario affici, inque illo harum proegumenam latere causam tum multa, tum grauissima suadent rationum momenta. Ac *primum* quidem animi commotiones quandoque intermittens causant, sopitam reuocant, alias profligant: *secundo*, prima ingruentis paroxysmi phaenomena docent, aliquid in systemate nervoso mutatum esse; *tertio*, larvatae febres non paucae in unica saepe systematis nervosi laesione, (e. gr. paralyti, epilepsia cet.) consistunt, vel hanc sibi haud raro adiunctam habent intermittens manifestae. *Quarto*, morbi pessimi systematis nervosi, ut epilepsia, paralyti, cet. superueniente febre intermittente plerumque radicitus curantur, et vice versa hi intermittens fugant. *Quinto*, primum variolarum stadium scenam suam in systemate nervoso ordiri, hodie satis conuenit. *Sexto*, hysterica passio maximam cum intermittens habet analogiam cet.

p. 147. Iam ad fomitem febrium intermittens Noster progreditur, quem, etsi b. SWIETENIUS negat, Cl. Auctor largitur. Materialem eiusmodi stimulum adesse debere in intermittens suadent  
crises



crises intermittantium variae, causae morbi materiales, contagium febrium intermittantium, morbi ex praemature suppressa febre, ut hydrops, obstructions cet. affinitas intermittantium cum morbis aliis periodicis a fomite materiali, per circuitus renato, oriundis, ut est podagra, epilepsia cet.

In capite septimo de diagnosi febrium inter- p. 204.  
mittantium loquitur. Haec circa duo potissimum versatur, quorum primum est, ut a qualibet alia febre dignoscantur eae, alterum vero ad typorum pertinet discrimina. Atque hoc rursus patet ex duplici ratione, nimirum vel ex ipso febrilis inuasionis principio; vel ex apyrexia aut succedente febre, aut emanente. Atque hic respiciendum est ad epidemiae genium, ad vrinas, licet non semper, lateritias, exacerbationes cet.

In capite octauo narrantur effectus febrium inter- p. 215.  
mittantium generales et speciales. Ad generales referuntur solidorum laxitas et debilitas, fluidorum spissitudo, tenuitas, acrimonia. Specialibus effectibus adnumerantur procliuitas in sudores, obstructions viscerum abdominalium, hydropes varii, leucophlegmatia, abscessus purulenti, scorbutus, haemorrhagiae, sapor deprauatus. Oriuntur quandoque in febre hac et alia mala ab ipsius paroxysmi vehementibus motibus febrilibus.

In capite nono venit Noster ad prognosin fe- p. 228.  
brium intermittantium. "Qui quartana vexantur, ait HIPPOCRATES, non vlllo magno aliquo morbo corripuntur. Quodsi antea corripuntur, quartana succedente liberantur., Idem obseruatum est de tertiana, vti ex exemplis a Nostro additis elucet.

Febres intermittentes haud ita expertes esse p. 238.  
periculi, quam vulgo quidem fertur, monet Ill.

DE HAEN. Quemadmodum itaque morbi graui-  
fimi ope febrium intermittantium aliquando sanan-  
tur, ita et grauiſſima mala nonnunquam per eas  
iplas febres concitantur. Rurſus hic exempla  
a Noſtro collecta ſunt.

p. 250. E reduplicata febre, ſi fiat ſimplex, bonum eſt.

p. 252. Paroxyſmus poſt exhibitum corticem Peruuianum  
vehementior factus, febrem breui finitum iri por-

p. 255. tendere a nonnullis creditur. Soluitur febris in-  
termittens variis criticis euacuationibus, ſudore,  
vomitu ſpontaneo, alui fluxu, vrina, haemorrhagia  
vteri, narium cet.

p. 261. Soluitur febris intermittens quoque metaſtaſi

p. 271. facta varia, ad lienem, crura, cutem. Pariter haec  
ſoluitur et ictero ſuperueniente, ſi hypochon-  
drium dextrum non ſimul laboret, itemque et  
conuulſione.

p. 273. Quotidiana intermittens eſt pertinax ac diu-  
turna, nec non procliuis in graues morbos alios,  
vt eſt ſopor apopleſticus, hectica febris, hydrops

p. 276. cet. Tertianæ vero eſt breuiſſima intermittentium,  
diuturnior ſi eſt, in quartanam degenerat, periculi  
expers eſſe a multis creditur; adduntur vero ex-  
empla ab Auctore Noſtro, quæ contrarium docent.  
Effloreſcentiæ circa os et nares ſuperueniunt in-  
termittentibus ab initio male, circa finem bene ſe-  
cundum Ill. ROSENSTEIN obſervationes. Noſter  
autem arbitratur has effloreſcentias ſignum eſſe  
criſeos per ſudores. Apparent et in aliis locis, vt  
in digitis, eiſmodi puſtulae.

p. 287. Quartana ſcandalum olim medicorum ob diu-  
turnitatem et difficultatem curationis appellabatur.  
Periculo carere eam a veteribus affirmatur, iunio-  
res ad longaevitatem ea diſponit et proceritatem  
corpori iuuenili conciliat. Oritur aut per ſe, aut  
ex



ex aliis typis, lepra aut elephantiasi affectos raroprehendit. Grauida, quartana laborans si viuam pariat prolem, haec plerumque cum quartana in lucem venit. Furunculus in buccis natus eam protinus soluit. Quartanam bis in vnum eundemque hominem cadere posse affirmatur et negatur.

Quintana febris intermittens est omnium P. 306.  
pessima. Bis vero eam curauit ope corticis Peruvian b. WERLHOFIVS.

Missis vernalibus et autumnalibus febribus inter. P. II.  
mittentibus ad partem alteram huius voluminis primi nos conuertimus, quae potissimum febribus intermittentibus medendi methodum spectat. Ac in prima quidem sectione traditur has febres p. 311.  
curandi ratio tempore paroxysmi. Cum vero febrilis accessio, testante WERLHOFIO, morbus sit sui generis, qui nullo compesci potest remedio, nihil hic restat, quam indicatio palliativa, qua paroxysmi effectus prauipraecauentur, leniuntur imminuunturque. Frigus febrile efficit vasorum spasticam constrictionem, sanguinisque coagulum. Ergo laxanda sunt solida spastice arctata et coagulum resoluendum eiusque vltterior genesis impedienda in frigore febrili. Et hic potissimum laudat Noster decoctum Ill. DE HAEN ex radice graminis, taraxaci, oxymelle simplici et sale polychresto. Tepidum nec adeo copiosum potum in stadic frigoris Noster non reiecit, frigidum autem seueriter interdicit, quippe qui coagulum sanguinis magnopere auget, vnde non raro hypochondriorum obstructions ac tumores duri generantur. Calor fe- p. 315.  
brilis vero rarefacit sanguinem, laxat distenditque vasa. Nimia itaque sanguinis rarefactio et vasorum distensio est imminuenda. Humores spissi, acres, in putredinem proni, attenuandi, demulcendi, condiendi sunt. Hinc quies, stragulorum

mutatio, sanguinis missio, vbi acerbiores capitis dolores et mentis alienationes adfunt, potus acidulatus, vti est b. VOGELII, ex aqua fontis, syrupo rubi idaei et aceto vini hic conducunt. In sudore febrili respiciendum est ad materiam febrilem facilius eliminandam, ad subtiliorem sanguinis partem, quae amittitur, substituendam et ad vires vitae erigendas.

p. 318. In sectione secunda curandi ratio febres intermittentes tempore apyrexiae traditur ac primum quidem considerat Noster indicationes generales, quae potissimum cernuntur in causa proxima destruenda et effectibus morbosis a febre productis corrigendis, cet.

p. 322. Deinde sanguinis missio in febribus intermittentibus interdum profecto utilis et necessaria est. Id quod hic probat et litem, quae idcirco ab aliis atque aliis Auctoribus est mota, Cl. Auctor commemorat. Venarum tundendarum selectum, quem veteres inprimis diligenter obseruarunt, nec omnino reiicit, nec penitus assumit.

p. 348. De emeticis et catharticiis agitur in tertio capite, quorum remediorum necessitatem, vtilitatem et praestantiam harum febrium profligandarum iam diu ante medici praedicarunt. Nihilominus autem celeberrimi medici inter se interdum discrepant. Ne itaque tironibus in tam necessaria doctrina ambiguitatis quidquam relinqueretur, illam ad certa quaedam capita Noster redegit. Quamobrem considerat primum horum remediorum in febrium intermittantium curatione indicantia, dein tempora ad ea exhibenda idonea, postea selectum, cautelas quasdam, limites, specificè quaedam laudata remedia et tandem contraindicantia.

Inter



Inter indicantia emeticum et purgans refert p. 350.  
 Noster febris pertinacem typum, si scilicet, nec horam inuasionis, nec periodum mutat febris, neque eius vehementia imminuitur, multa etiam si adhibita sint remedia. Quoad tempus haec remedia p. 356.  
 hic exhibendi quaeritur a Nostro, vtrum melius in paroxysmo, an in apyrexia ea adhibeantur? porro vtrum in principio morbi, an aliquot accessionibus superatis? Tempus integritatis Noster praefert et si saburra primarum viarum feberi occasionem dedit, a principio morbi. Quod si vero sublata causa, tum febris pergat, nec obediat remediis, haec remedia sunt ita porrigenda, vt eorum operatio in tempus paroxysmi incidat, h. e. paulo ante inuasionem vel ingruente iam inuasionem.

In selectu horum emeticorum et purgantium p. 364.  
 remediorum Cl. Auctor ad tria potissimum respicit:  
 1) vbi emetica purgantibus sunt praeferenda et vice versa; 2) eccoprotica, an drastica dari oporteat; 3) remedia recensentur contra has febres, vt scammonium, esula, helleborus, butyrum antimonii, mercurius vitae, antiquarium DETHARDINGII, puluis Cornachinus, febrifugum seu antiquarium RIVERII, vitriolum Cyprinum, et album, aqua stillatitia rosarum pallidarum, asari radix et folia, sulphur antimonii auratum, vitrum antimonii ceratum, mercurius vitae coelestis KLAVNIGII, arsenicum, quorum remediorum antifebrilium historiam curate Noster hic congeffit.

Inter cautelas, quas addidit Noster, memoremus p. 406.  
 paregorici exhibitiones post absolutam emesin aut catharrsin: ceterae spectant idiosyncrasiam aegri, remediorum naturam, et vim, formamque, qua exhibeantur.

**p. 412.** Dum contraindicantia, quae sunt grauiditas, quartana cet. et vsum emeticorum et purgantium vetant, Noster expendit, tres statuit canones; 1) post febrem, cortice Peruuiano depulsam, purgantium vsus nec ratione reliquiarum febris expellendarum, nisi rarissime est necessarius, nec etiam satis tutus ob recidiuae metum; 2) si vero ex accidente quodam purgare oportet, cathartico iungatur cortex Peruuianus et operatione finita exhibendum est paregoricum, post hoc autem doses aliquot corticis: 3) cauendum, ne purgans die paroxysmi porrigatur.

**p. 417.** In capite sexto tractat Noster soluentia. Duo sunt soluentium genera quorum vnum in fluida solummodo, alterum in solida et fluida agit et potissimum roborando ad lentorem humorum celerius destruendum conducit. Ad priorem classem pertinent mere vel aquosa, vel saponacea vel salina mitiora, vt diluentia, resoluentia et incidentia, ad posteriorem vero classem referuntur ea, quae praeterea aromate efficaci polleant, vt amara

**p. 423.** cet. Aqua vel simplex pura, vel acidula medicata largiter hausta refertur hic a Nostro inter remedia antifebrilia ad primam classem pertinentia, porro millepedes et procul dubio araneae, alcalina fixa, salia media inprimis ammoniacum, mercurius hic memorantur. De altera classe remediorum digestiuorum agit Cl. Auctor paulo inferius.

**p. 447.** Caput quintum complectitur diaphoretica. Indicant autem prae ceteris illorum vsum in intermittentibus perspiratio suppressa, epidemica constitutio, ab humido frigore atmosphaerae, endemicae febres in locis humidis frigidis, typus praesertim tertianarum, licet quotidianae et quartanae perinde hac methodo quandoque se profligari patiantur, febrilesque motus pertinaces. Tempus ad  
diapho-



diaphorefin maxime opportunum hic Noster iudicat apyrexiam sub finem vergentem. Selectus diaphoreticorum hic adhibendorum proficiscitur partim a varia horum vehementia, partim a peculiari aduersus has febres nonnullorum diaphoreticorum virtute. Et haec remedia potissimum sunt p. 453. succi plantarum amararum, acida penetrantia, vt acetum, succus citri, alcalina item volatilia, inter quae hic varia animalium stercora memorantur, oleum animale DIPPELII, sulphur minerale, hinc etiam puluis pyrius febrifugum est militum, antimonium et crudum et diaphoreticum, aromata acerrima ignea.

In capite sexto de diureticis agit Noster et in p. 485. ter ea potissimum his in febribus efficacia reperta sunt semina pastinacae et balsamus de copaiua. Roborantia in his febribus Noster considerat in se p. 491. ptimo capite, quae agunt. 1) *neruos roborando* h. e. tantam ipsis elasticitatem, aut rigiditatem, aut quidquid illud sit, quod motibus morbofis restitit, conciliando, vt ad impulsus febriles periodicè excitari solitos, non protinus in spasmos cieantur. Quo fit, vt character febrilis elanguescat pedetentim et aboleatur: 2) *obtundendo neruorum sensilitatem*, vt febrilem illum stimulum non percipiant. Remedia haec vtrique indicationi facientia satis, audiunt neruina et quidem roborantia priora, posteriora vero narcotica, quorum quaedam hic nominemus: nux moschata, dictamni albi radix, gummi aromatica, inprimis myrrha, item quassia, floresque chamaemeli.

Iam venit Noster ad adstringentia in octauo ca. p. 500. pite. Haec sunt plantago, gallae, cupressi coni seu nuces, acaciae radix, cortex iuglandis, cerasi, fraxini, cascarillae, salicis cet. alumen crudum, martialia cet.

Inter

P. 515. Inter narcotica, quae nunc sequuntur, memoremus nucem vomicam, dulcamarae stipites, opium et varia eius praeparata et composita.

P. 527. In capite decimo de cortice Peruviano Noster differit. Illius efficacia cernitur in ignota illa progumena reuersionum periodicarum causa tollenda, ideoque ille verum atque vnicum specificum remedium febrifugum laudatur. Indicant eius usum febris pertinacia, variis frustra adhibitis remediis supra a Nostro nominatis, periculum e febre imminens et febris increescens, euacuationibus praestitis. Pulverem corticis Peruviani omnibus reliquis formis et praeparatis Noster refert. In dosi definienda respiciendum est ad remedii bonitatem et formam, aegri aetatem, apyrexiae durationem et longitudinem, ac vel maxime ad morbi magnitudinem periculumque. Porro differitur de variis remediis, quae cortici diuersas ob rationes admiscuntur, ut rheum, radix serpentariae Virginianae, flores chamemaeli, opium et mercurius, aliaque. Contra indicant autem usum corticis Peruviani inter alia aegri idiosyncrasia, aegritudo, a febre depulsa, aucta, inflammatio interna, icterus cet. Atque ita usum corticis indicantia, contraindicantia et coindicantia Cl. Auctor curate considerat et exemplis illustrat.

P. 583. In capite vndecimo transit Noster ad composita febrifuga. Haec sunt antifebrilis pulvis MORTONI, MEADII, DE HAEN, HOFFMANNI, TRILLERI, LANZONI, NIGRISOLI, SENAC, TOZZI et KLAUNIGII cet. Electuarium HOFFMANNI, TRILLERI, NIGRISOLI, pharmacopaei Geneuensis, SENAC, trochisci HEVRNII, vinum HOFFMANNI atque TISSOTI. Harum compositionum formulae hic inveniuntur et alia praeterea eiusmodi composita indicantur.

P. 597. Caput duodecimum febrifuga externa remedia complectitur, quorum Auctores potissimum sunt



sunt veteres, etiam si et ea ipsa a recentioribus \*)  
landantur. Haec sunt clysmata, balnea frigida et  
calida, pediluvia, frictiones spinae dorsi variis  
unguentis et oleis, quorum hic Noster mentionem  
facit; porro electricitas, epithemata varii generis  
et variis corporis locis applicata. Epithemata haec  
sunt vel nervina, vel vesicas aut pustulas excitantia,  
vel solum ruborem, vel emetica, e. gr. Erygerum  
seu Senecio vulgaris externe applicatum. Loca ve-  
ro sunt carpi, plantae pedum, poplites, axillae, cardia,  
spina dorsi scrobiculus cordis, regio lienis, renum,  
cet. Cortex Peruvianus et hic externe suadet ab  
Auctoribus. Huc porro pertinent transplantatio p. 642.  
et amuleta, quorum plurimorum usum Noster  
exemplis hic probat.

Ultimo capite traditur de regimine diaetetico. p. 656.  
Mentionem et hic facit Cl. Auctor appetitus auto-  
matici, quo sedato plerumque a febre conualescere  
aegros exempla prostant. Ceterum non specta-  
tur hic solum ad alimentorum quantitatem, et qua-  
litatem, item ad tempus ea exhibendi, sed etiam ad  
aërem, lectum ac decubitum, motum muscularem,  
animique commotiones.

Appendix continet undecim febrium intermit- p. 681.  
tentium historias ab aliis aliisque Auctoribus DE  
HAEN, DONALD MONRO, SCHELHAMMER, BAL-  
LONIO cet. traditas, quae partim ea, quae antea  
a Nostro sunt disputata, illustrent, partim singula-  
ria spectant phaenomena et integrae notatu  
dignae sunt.

\*) vid. comm. nostr. Vol. XX. p. 294.

X.

ERNST ANTONS NICOLAI *Pathologie oder Wissenschaft von Krankheiten. Dritter Band. Halle in Magdeburgischen verlegt von Carl Hermann Hemmerde* MDCCLXXIII. 8. Seit. 768. *außer der Zueignungsschrift und Vorbericht.*

i. e.

Pathologia seu scientia de morbis Auctore Cl.  
ERNESTO ANTONIO NICOLAI. Tomus III.

**H**ic tertius tomus complectitur continuationem et finem doctrinae de febribus, quae totum secundum tomum \*) iam effecit. Finiunt praeterea hunc tomum additamenta ad primum \*\*), quoniam mutauit Noster consilium antea sibi propositum, quod cernebatur in eo, ut esset hic liber praelectionibus academicis accommodatus. Atque ita incipit cum febre scarlatina eiusque diuersitate, dein agit de urticata, morbis inflammatoriis, e. gr. pleuritide, peripneumonia, paraphrenitide, erysipelate pulmonum, inflammatione pericardii, cordis, phrenitide, paraphrenesi, angina, inflammatione ventriculi, enteritide, hepatitide, splenitide et nephritide, vesicae, uteri cet. inflammatione. Porro de febre asode, pestilentiali, febribus putridis nervosis, essera, Sora, Sare, pemphigo, aphthis cet. Cl. Auctor agit. Iam de singulis nonnullis exempli loco videamus.

p. 29.

Scarlatina non semper Nostro videtur contagiosa. Multum cum ea conuenit urticata, quae et dicitur essera fora et sare, germanice *Wiebelsucht*.

Nunc

\*) v. comm. nostr. decad. III. Suppl. I. pag. 22. quod proxime pollicemur.

\*\*) v. ibid.



Nunc progreditur Noster ad febres inflammatorias. p. 34. Non omnes inflammationes excitant febrem. Nam nisi spasmus fibrarum, quem oportet comitari inflammationem, per totum corpus penetret, nunquam oriri potest febris. Atque primum quidem pleuritidem et peripneumoniam vberius persequitur et pleuritidis varias species, ut sanguineam, inflammatoriam, phlogisticam, veram exquisitam, legitimam, essentialem, puram, ordinariam, putridam, biliosam putridam et non putridam, benignam, malignam, flatulentam, verminosam, stomachalem, intestinale, hepaticam, pituitosam, catharralem, epidemicam, veram et spuriam seu notham, veram internam, veram externam, spuriam idiopathicam et deuteropathicam, flatulentam catarrhalem. Dein contemplatur Noster pleuritidis species a Cl. SAVVAGES in nosologia sua methodica \*) constitutas, et peripneumoniae diuersam sedem atque distributionem tradit. Erysipelas pulmonum, morbus a LOMMIO quidem descriptus, attamen obscure, videtur Nostro esse inflammatio mediaſtini. Carditidem Noster exponens, Cl. p. 219. DOEVEREN exempli \*\*) mentionem fecit et varios casus de exulceratione cordis memorat. Phrenitis s. phrenesis s. phrenetiasis alio atque alio modo ab Auctoribus describitur et explicatur. p. 225. Varias eapropter Cl. Auctor hic collegit Auctorum variorum sententias et pari modo de paraphrenitide agit. Symptomata paraphrenitidis leuiora sunt, quam phrenitidis sequelae, est ea non tam cito letalis, quam haec, et facilius ideo curatur. Saepius quoque apparet paraphrenitis, quam phrenitis, sed

\*) Tom II. p. 448 sqq.

\*\*) v. comm. nostr. Vol. XIV. p. 160.

fed alio nomine plerumque occurrit. Febres enim exanthematicae, malignae putridae saepe nihil aliud sunt, quam paraphrenitides, quorum morborum causa in abdomine est quaerenda. Non

p. 265. probat Noster diuisionem, anginae et cynanches, neque enim eam necessariam neque utilem censet; potius respicit ad respirationem et quanto difficilior est ea, tanto periculosior angina euadit. Gastriti-

p. 327. tem rarum esse morbum alii affirmant, alii negant. Affirmatur praecipue a FRIDERICO HOFFMANNO. Dum Noster metritidem seu hysteritidem persequitur, febrem puerperarum peculiarem a CL. HVLME primo descriptam memorat, cuius vero

p. 512. a nobis alibi \*) est mentio injecta. GESNERI febris crassa videtur Nostro esse febris cachectica et febris nervosa lenta, quam HUXHAMVS accurate descripsit, eaque oritur ab acrimonia quadam, quae humores nimis resoluit et magnam imbecillitatem atque debilitatem inducit.

p. 675. Additamenta ad primam partem finiunt hunc tertium tomum. Si motus corporum, qui per canales corporis humani fiunt, considerantur, a tribus potissimum causis pendent; nimirum 1) a corpore, quod per canales corporis humani mouetur; 2) a canalibus, per quod motus corporum fit; 3) a vi, qua motus quorundam corporum per canales corporis humani efficitur. E. gr. sanguis, vasa sanguifera, et contractio eorum, porro aer, canales aerei, nares nempe, os et aspera arteria et vis respirationis. Atque ita vrinae fluxum, partum, seminis eiaculationem cet.

Quod

\*) v. supra p. 73. ibi et Cll. LEAKE et WHITE, eandem rem tractantium, scripta recensuimus.



Quod si vero hi motus per canales corporis p. 711.  
humani rite fieri debent, eorum corporum resis-  
tentia contra vim, qua mouentur, non adeo fortis  
fit, pariter et canalium resistentia sese habere de-  
bet et tertio vis, quae motus corporum per cana-  
les corporis humani efficit, tanta sit, vt resisten-  
tiam naturalem, qua pollent corpora mouenda  
quam habent canales et quam, corpora cum cana-  
libus corporis humani coniuncta praestant, supe-  
rent. Fac itaque, vt siue resistentia horum corpo-  
rum, quorum motus per canales fieri debet, nimis  
magna sit; siue vt resistentia praeternatura-  
lem in modum magna sit, quam canales vi, qua  
mouentur, opponunt, siue vt corpora per nostros  
canales vis mouens praeternaturaliter parua sit;  
tunc deficiens motus eorum corporum per canales  
corporis humani, quem Noster obstructionem  
nominat, vt oriatur necesse est.

Caussa itaque omnium omnino obstructionum p. 713.  
est siue nimis magna resistentia canalium corporis  
humani, siue nimis magna resistentia corporum,  
per canales mouendorum, siue praeternaturalis  
debilitas, vis et ita eiusdem partis, a qua mo-  
tus corporum per canales corporis nostri effici  
debent.

---

XI.

Dissertatio inauguralis, de morbis cutaneis.

Quam eruditorum examini subiicit IOSEPHVS DIMSDALE, Britannus. Soc. Med. Edinburg. Sod. Edinburgi: Apud Balfour et Smellie, Academiae Typographos. MDCCLXXIII. 8, mai. pagg. 39.

**G**ratius Cl. CVLLEN, cui etiam disputationem hanc adscripsit, discipulus Auctor Noster, primo loco ostendere annititur, morbos hos non semper, nec nisi admodum raro, a vitiata qualitate sanguinis ipsius repetendos esse, partim quia fluida secreta saepissime in ipsis demum organis secretoriis formantur, vti testatur mucus et pus; partim quia eruptiones cutaneae interdum tantum a mutatione in ipsius sanguinis, maiori minoriue impetu ad vasa cutis determinati, distributione pendent, quorum refert Noster guttam rosaceam a potu aquae ortam et huic substituta cereuisia disparentem, et exanthemata ab esu variorum animalium v. c. mytolorum cet. exorta; obiectionem, a periculo petitam, quod ulcera naturalia aequae ac artificialia, interpestiue siccata, item repulsionem eruptionum cutanearum sequitur, non euincere existentiam acrimoniae in sanguine praesentis, sed effectus hos item ad mutationem in fluidorum determinatione referendos, et cum effectibus, suppressionis menstruorum comparandos esse; dispositionem humorum generalem nullam esse, inde apparere, quod remediis in eos vniuersim agentibus adeo parum efficiatur, topica e contrario longe breuiore tempore curationem absoluant cet. Ab his tamen morbis eximit eos, in quibus manifeste ab acrimonia humo-



humorum gignuntur ac fouentur cutis morbi, scorbutum, luem veneream, scrophulas, exanthemata contagiosa (sine dubio variolas et morbillos; de purpura enim aliter sentit Cl. Auctor, camque nonnisi symptomaticum morbum putat), venena per vulnera inflicta cruori immixta, cancerum, aliosque affectus resorptione totum systema vitiantes. Tunc fontes horum morborum consideraturus, in naturales ac praeternaturales eosdem distinguit: priorum sedem declarat in cuticula, vtpote naturali perspirationis organo, in bulbis pilorum, et denique in ductibus excretoriis glandularum sebacearum ponit. Praeternaturales fontes amplius non tangit, sed ad Auctores, qui de variis erosionibus vlceribusque scripserunt, prouocat.

Tandem therapeutica quaedam subiungit, monens, inutile atque saepe adeo noxium esse, multos affectus cutaneos, quum mere topici sint, catharticis aggredi velle; et exemplum pforae adducit, quae sulphure et mercurio extus adhibitis breui felicissime tollatur, priori tamen remedio, interne usurpato, usu carente et altero nonnisi tardius agente; saepe etiam solummodo parte affecta deleta curationem praestari posse, vt in tineâ (vbi etiam herpetis curatio per vesicatorium adduci debuisset); perperam hos morbos, etiam fomite in massa humorum haerente, purgantibus sananda putari, febrilia tamen exanthemata laxantibus antiphlogisticis non parum leuari. Postmodum de delectu diaphoreticorum disserit: aquis mineralibus, licet potissimum per urinam euacuent, tamen usum non denegat; ex vegetabilibus autem, ad decocta lympham depurantia adhiberi solitis, solum guaiacum virtute diaphoretica pollere asserit, sed num adeo insignem semper usum praestet ipse

Y 2

dubitat;

dubitat; potentius et certius agunt antimonium, inprimis regulina eius pars, et mercurius, qui vero, quibusnam potissimum morbis cutaneis accommodandus sit, aliorum iudicio Auctor Non solum relinquit.

XII.

**An Essay on the most effectual means of preserving the health of seamen in the Royal navy, and a dissertation on fevers and infection. Together with Observations on the sail Distemper and the proper means of preventing and stopping its infection. By JAMES LIND M. D. a new edition \*) much enlarged and improved. London printed for P. Wilson and G. Nicol. 1774. 8. p. 363.**

h. e.

**Tentamen de mediis maxime efficacibus servandi sanitatem nautarum in classe regia. Accedit dissertatio de febribus et contagio, una cum observationibus de febre carcerum et methodo contagium illius destruendi et se ab illo praeferuendi. Auctore IACOBO LIND M. D.**

**C**eleberrimus Anglorum medicus Cl. LIND, cuius alia scripta iam variis nostrorum commentariorum locis indicauimus, vno hoc volumine duos libellos iterum eosque auctos et emendatos edidit, qui antea distincti iam in lucem prodierant.

In

\*) vid. comm. nostr. Vol. XIII. p. 481.



In primo libello, qui regulas de conseruanda p. 1.  
sanitate nautarum continet, quidquid longa expe-  
rientia hac de re Auctorem Cl. docuit, id omne  
breuiter et ita describitur, vt et ab iis, qui a medi-  
ca arte alieni sunt, commode intelligi queat.  
Cum vero illae in compendio vix tradi possint,  
sequentes obseruationes adduxisse sufficiat. In  
septemtrionalibus regionibus, vbi perspiratio sae- p. 15.  
pe supprimitur, vsus allii, ceparum et similium ra-  
dicum maxime proficiuus est. Commendat quoque  
Noster vsum infusi spirituosi allii.

Naues recens constructae sanitati nautarum p. 23.  
ob noxium vaporem, qui ex ligno exhalat, plu-  
rimum nocent. Errant nauarchae in eo, quod p. 26.  
diaetam nautarum, dum ex frigidioris in cali-  
dus clima naus transit, non mutant, eaque  
res inter causas morborum, quibus nautae in  
calidioribus regionibus infestantur, non vltimum  
locum tenet.

Methodum vegetabilia et herbas per satis p. 39.  
longum tempus in recenti statu conseruandi Cl.  
Auctor fuse describit. Vsum infusi spirituosi p. 63.  
corticis Peruuiani, tanquam egregium antido-  
tum contra febres contagiosas commendat. Quam  
noxii vapores ex paludibus in regionibus calidis p. 81.  
exsurgant, variis exemplis Noster probat ac fuse  
tristes effectus, quos in Guineensi ora eiusmodi  
nebulae habent, enarrat. Methodum aquam p. 88.  
marinam per destillationem ita purificandi, vt dul-  
cis fiat, qualis ea nunc in Anglia vsitatur, descri-  
bit Cl. Auctor.

Ingratus sapor, quem aqua marina destilla-  
ta habet, non a bitumine quodam in eo prae-  
sente pendet, sed empyreumaticus tantum omni-  
bus

bus aquis destillatis communis est, atque aqua  
**p. 103.** aëri libero exposita breui perit. Hinc omnia illa  
 additamenta, quibus transitum bituminis impedire  
 voluerunt, minus necessaria sunt. Continet enim  
 aqua nullum plane bitumen, sed tantum sal ma-  
 rinum et salem amarum catharticum et in aqua  
 marina destillata nil peregrini, quam quaedam  
 acidi salis marini vestigia reperiuntur.

**p. 131.** Secundum huius libelli caput regulas exhibet,  
 quae in praeservatione et curatione morborum  
 contagiosorum, qui in nauibus occurrunt, obser-  
 vandae sunt. Fumigationum usum maxime com-  
 mendat. In febribus valde contagiosis aegri, qui  
 in aëre libero et tentoriis decumbunt, facilius cu-

**p. 151.** rantur, quam ii, qui nosocomiis inclusi sunt. In  
 appendice venaesectionum incautum usum in re-  
 gionibus calidioribus saepius nocere, interim ta-  
 men illam etiam in plethoricis haud raro necessa-  
 riam esse, ita ut medicus sine summo aegri damno  
 eam omittere haud possit Cl. Auctor ostendit.  
 Gallicos medicos ob abusum venaesectionis in  
 eiusmodi malis et Hispanicos medicos ex eo repre-  
 hendit, quod praeter venaesectionem in omnibus  
 morbis calidarum regionum, chronicis et nervosis  
 non exceptis, sine ullo facto discrimine, etiam re-  
 frigerantia adhibeant, cum tamen in similibus mor-  
 bis saepius aromaticis et roborantibus remediis  
 opus sit. Inprimis hoc in conualescentium cura  
 obseruandum est. Licet enim in Nostris regioni-  
 bus frigus atmosphaerae tonicam vim exerceat at-  
 que aegri post morbum acutum superatum saepius  
 sine ullo remedio conualescant, in calidioribus ta-  
 men regionibus non solum roborantia et aroma-  
 tica, sed et climatis saepe mutatio ad recuperan-  
 dam



dam perfectam sanitatem requiritur. Indi et Nigritae copiosas venaesectiones non ferunt et cibis suis semper aromata calidiora admiscunt, quae etiam in his regionibus summi Numinis prouidentia copiose crescunt.

His Cl. Auctor varias observationes thermometricas circa gradum caloris et frigoris, quae in diuerso climate cum vno eodemque thermometro instituta fuerunt, nec non catalogum morborum, addit, qui in 6000 circiter aegris, per duos annos in nosocomium suum receptis, obseruati fuerunt. p. 163.

In dissertatione *de febribus et contagio*, cuius aliquot capita iam olim titulo inferius citato prodierunt\*), quae vero in hac editione multum aucta et emendata sunt, de morbis contagiosis agit, qui in classe regia et nosocomio, cui Cl. Auctor praest, tempore vltimi belli grassati sunt. Historia vero eorum morborum, qui in classe obseruati fuerunt, probat, maximam febrium partem, quibus nautae infestantur, a contagio quodam naui inhaerente, aut per vestimenta et alia utensilia nautarum illi illato proficisci. Febres quoque inflammatoriis plane similes a contagio oriri pluribus exemplis demonstrat. Alio tempore et in aliis aegris contagiosae febres se sub specie febris intermittens ostendebant, in quo morbo vesicatoria, in omni febre ex contagio orta maxime vtilia, celerrimam opem tulerunt. Ad stranguriam, quam cantharides saepe excitant, impediendam Cl. Auctor clysmata cum oleo lini et diluentium ac mucilaginosorum, nec non camphorae internum vsum commendat, quam etiam vnguentis addit, quibus regionem

Y 4

\*) Two papers on fevers and infection.

- gionem hypogastricam et pubis illinit. In febre lutea s. biliosa Americana (*yellow fever*) serum sanguinis e vena missi flauum et amaricans est. Diarrhoea in his febribus orta sustinenda est. In dolore fixo topica remedia interne datis remediis praeferenda sunt. Frigus contra vulgarem opinionem, contagii progressum non impedire probat, imo aër frigidus humidus saepe contagii malignitatem auget. Aër, quem mari inspiramus, in assuetis inprimis magis sanitati conducit, quam ille, quo terra continente frui possumus. Etiam diarrhoeae leues et chronicae contagiosae sunt. Contagiosi morbi gradus et periculum a qualitate et natura miasmatis recensetur. Hoc saepe vestimentis et stragulis inhaeret, pluraque exempla ostendunt, illud vel aëris externi accessu non destrui. Fumigationes vero efficacissimum ad delenda miasmata remedium esse Cl. Auctor saepenumero expertus est. Inprimis sulphuris fumus conducit.
- p. 218. Secundo capite nouis obseruationibus Cl. Auctor probat, plures morbos, qui maligni proprie non dici possunt, tamen contagiosos esse. Odor contagiosus, qui ex aegrotorum corpore in eiusmodi morbis exit, comparatur a Nostro odore straminis corrupti et putridi. Post febres contagiosas recidivae saepe occurrunt, inprimis si quaedam diaetae vitia committuntur, quae etiam, si iam contagium in corpore latet, illius evolutioni ansam praebent. Vfus vomitorii sub primo horrore febris, quae e contagio orta est, antequam pulsus plenitudo et celeritas vomitorii exhibitionem periculosam reddit, saepe aegrum in sanitatem restituit. Idem quoque in recidivae initio similes effectus praestat. Coniungenda tamen etiam cum eo purgantia et clysmata, atque deinde exhibenda



benda sunt diaphoretica, vt fal cornu cerui ad grana quinque cum laudani guttis viginti, aut aliquot grana camphorae in fero lactis vinoso. Hac methodo ex decem aegris, miasmate febris malignae infectis, certo octo sine vlteriore morbi progressu restitui, Noster asserit. Numquam vero alexipharmaca exhibeantur, nisi praegressis necessariis euacuationibus. Quodsi vero vomitorio exhibito, tamen euacuationes durent, aut vomitorium neglectum, aut peruersa medendi methodus adhibita sit, tunc statim vesicatorium, si corpus vel extremitates dolent, dorso, si autem dolor pectus occupat, dolenti loco applicetur. Celerrime opem vesicatoria in initio statim applicata ferunt, ita vt plerumque ex viginti circiter aegris, quibus vesperi vesicatorium applicatum fuit, sedecim nisi febris summa sit malignitas, altero die calorem, cephalalgiam, dolorem extremitatum et febrem iam amiserint. Venaesectio in initio febrium malignarum semper nocet aut, si etiam a plethora indicata sit, tamen post eam vomitorium non aequale utile est. Huius methodi praestantiam Cl. Auctor in multis aegris expertus est. Non solum aliquot aegrotorum millia ea sanauit, sed etiam ex centum et quod excurrit ministris, aegris in nosocomio suo adstantibus, octodecim mensium spatio quinque tantum perierunt, licet illud nosocomium semper maxime aegrotorum febre maligna correptorum copia refertum esset, pluresque ex his ministris quinquies vel sexies miasma fusciperent.

Antimonialibus medicamentis specificam contra febres acutas vim Noster tribuit. Ostendunt eam etiam tunc, quando non vt euacuans, sed vt alterans tantum remedium operantur. Ea semper in minori, sed saepius repetita dosi exhibeantur.

Vnicuique dosi tamen quatuor vel quinque grana camphorae et totidem grana nitri Auctor Cl. addit, quod etiam clysmatibus admiscendum est. Non solum in inflammatoriis, sed et in putridis febribus, imo in ipsa peste vtilissima sunt. Si antimonialia remedia vomitum vel diarrhoeam excitant, iis opiatum addit. Contrayerua et Serpentaria Virginiana nullam specificam vim contra morbos acutos habent. Opiata inprimis in decremento februm vtilia sunt, aegro iam valde debilitato et exhausto, vbi veram analepticam vim ostendunt. Ex vno eodemque miasmate febres indole sua valde diuersae in diuersis aegris, v. c. febres biliosae, petechizantes, miliares, oriuntur. In hepatis inflammatione, morbi vehementia iam venaesectione et salium mediorum vsu imminuta, mercurius viuus, terreo medicamento mixtus, quam praeparationem in Anglicis officinis *mercurii alcalisati* nomine insignire solent, in India orientali, in pluribus Anglicis militibus vtilissimum se ostendit. Fomenta et pediluua, a WHYTTO in delirio febrili adeo commendata, etiam Cl. LIND summo cum fructu in suis aegris adhibuit. Nigras petechias Cl. Auctor raro vidit.

p. 270. Si nulla alia malignitatis symptomata adsunt, sola petechiarum praesentia malignam morbi naturam non ostendit. Valde mutabiles sunt petechiae et saepe leuibus quoque causis euanescent aut pallidiores fiunt. In vniuersum signa prognostica in febribus acutis saepe fallacia sunt. In aegris iam moribundis pulsus quandoque bonus est, aut in diuersis corporis partibus varius deprehenditur. Hinc ex omnibus figuris et symptomatibus simul sumtis tantum perfectum de aegri statu iudicium formari



formari potest. Amissus oculorum splendor, sudor foetens et mala natura puris, quod ex ulceribus per vesicatoria excitatis profluit, inter pessima signa referuntur. Diarrhoea, quae post morbum acutum superatum remanet, a debilitate pendet, et roborantia remedia exigit. Tussis, quae eiusmodi aegros infestat et phthisin mentitur, non ab ulcere pulmonum, sed vt Cl. Auctor saepius vidit, a sero in cavitatibus internis et tela cellulosa stagnante oritur. Etiam in eiusmodi aegris roborantia necessaria sunt, quae Auctor cum usu lactis et rhabarbari cum calomel coniungit.

In cadaueribus eorum, qui morbis contagiosis p. 279. perierunt, Cl. Auctor fere semper magnam puris gelatinosi in aliqua cavitare effusi quantitatem reperit. Simile hoc est crusta illa, quae sanguinem ex vena missum in eiusmodi aegris tegit: superficies viscerum, quae in cavitatibus contenta erant, in quibus haec puris collectio reperiatur, variis ulceribus minoribus erosa deprehendebatur. Pendet vero haec lymphae purulentae effusio ab exsudatione lymphaticae seu glutinosae partis sanguinis, quae etiam crustam phlogisticam format et quae in variis morbis se a reliquis sanguinis principiis separat ac in has cavitates extravasatur. Monet Cl. Auctor hac occasione se tres species ex- p. 285. travasationum in morbis, in scorbuto nempe, phthisi et febribus observasse. In primo morbo sanguis non in telam cellulosa solum, sed et in ipsam musculorum substantiam effunditur, ex quibus, si cadauera hominum scorbuto demortuorum dissecantur, saepe magnae sanguinis coagulati massae eximi possunt. In intestinis etiam, ventriculo, omento cet. in eiusmodi hominibus maculae rubrae vel nigrae deprehenduntur, quae a cruore

re in telam cellulofam horum viscerum effuso oriuntur. Si, vti nonnunquam fit, in scorbuticis aqua in pedibus effusa, oedema producit, illa telam cellulofam fubcutaneam tantum occupat. Secunda extrauafationis fpecies eft in phthifi, vbi aqua in telam cellulofam mufculis interiectam extrauafatur. Tertiam tandem Nofter facit illam exfudationem lymphaticae partis fanguinis, quae in febribus nonnunquam accidit, de qua modo diximus, et quae a peculiari mutatione lymphae eiusque mutatione in materiam puri analogam pendet. Pus vero in febribus faepe in pectoris cauitate colligitur. Hinc vfus, quem veficatoria fi mox in initio adplicantur, praeflare folent, forte ex eo pendet, quod illa fecellum particularum purulentarum et corruptarum e corpore promoueant. Si infectio a corporibus peregrinis in fanguinem illatis pendet, eae in lymphae fine dubio continentur, atque earum euacuatio ad fanationem morbi multum confert. Hinc fonticuli et fetacea a peftis fimiliumque morborum contagio nos tutos praeflant et abfcessibus v. c. bubonibus peftilentialibus ortis venenum fufceptum iterum e corpore expellitur. Si veficatoria vel nullam plane veficam excitant, vel materia effluens flauescens, viridescens et foetida eft, hoc fummum aegri periculum indicat, ita vt vel ex hac fola re de malignitate morbi iudicium formari

p. 289. poffit. Non fumme malignae tantum febres, fed et leuiore faepe contagiofae funt atque fymptomatibus tantum et periculi gradu pro varia

p. 292. aegri constitutione differunt. Febres natura fua malignae contagiofae, nonnunquam fatis benignae funt, vt febris flaua Americana. Nonnunquam febris contagiofa, quae in initio maligna fuit, poftquam epidemica per aliquod tempus graffata eft,  
magis



magis benigna fit, imo contagiosam suam naturam amittit, quod exemplo variolarum Cl. Auctor probat. Causam vero huius rei, ut plura alia, quae circa contagium observari possunt phaenomena, non explicari posse candide Noster fatetur.

Tertio capite, quod *additamenta* varia continet, p. 299.

Cl. Auctor variis observationibus confirmat, unam eandemque febrem contagiosam in diuersis aegris symptomatibus suis ita variare, ut febres diuersas quasi producat. Anginam malignam, quae in Anglia satis frequenter grassatur, speciem pestis seu ex ea ortam esse probat. A TOVRNEFORTIO, qui eam in Archipelagi insulis vidit, *pestis infantum* nomine insignitur. Confirmat Cl. Auctor usum praecocem emeticorum in hoc morbo. Pessimum signum est, p. 303. si in febribus malignis ulcera vesicatoriis excitata crusta gelatinosa coriacea teguntur, quae nonnunquam pollicem crassa est et a partibus subiectis tantum parua liquoris ex iis exsudantis copia separatur. Si caro subiecta maculas albas vel rubras ostendit, bonum est; si vero maculae pallidae vel obscuri coloris sunt, aeger certo perit.

Quarto capite *de febre carcerum* (Iail-feuer) p. 306.

disserit, quae in Anglia saepius, uti ex aliis scriptoribus notum est, magnas strages edit. Haec febris ut plurimum, ad nervosas malignas pertinet, atque licet fere nulla symptomata adsint, ex quibus malignitatis suspicio oriri possit, tamen saepe lethalis est. Contagiosa est, licet non omnes, qui eius vi expositi sunt, et v. c. vno carcere continentur, afficiat. Miasma ut plurimum vestimentis et stragulis, non aëri inhaeret. Inter remedia, quibus contagii vis destruitur, ignis reliquis omnibus praefendus est. Quae Cl. Auctor de febribus contagiosis, quae tempore ultimi belli in classe Gallica grassa-

grassatae sunt, de methodo contagii febris carcerum progressum in carceribus et iudiciis publicis p. 349, impediendi cet. habet omittimus. Methodum quoque Cl. Auctor describit, qua aegros febribus contagiosis laborantes ex classe Russica, quae ad mare mediterraneum iter faciebat, in suo nosocomio tractavit.

### XIII.

Pharmacopoea Suecica. Cum gratia atque priuilegio Sacrae Regiae Maiestatis. Holmiae MDCCLXXV. typis Henr. Fougst Eq. Ord. Wastae Typograph. Reg. 8. pagg. 237. praeter dedicationem, praefationem et tabulam.

**P**lacet profecto haec pharmacopoea, quae et denuo latine impressa \*) ac in Germanicam linguam cum annotationibus est translata \*\*), breuitate, bono selectu simplicium remediorum et simplicitate compositorum medicamentorum. Nam ita ea a Collegio Medico est suscepta, ut primum medicamenta simplicia iuxta alphabeticum ordinem et cum nominibus pharmaceuticis enumerentur, additis nominibus Linnaeanis, dein praeparata et composita cum indice eorum exponuntur, adiecta tabula, exhibente quantitatem opii, mercurialium, emeticorum et purgantium in medicamentis compositis. Inter canones, qui sunt propositi, quosdam modo indicemus: herbae,

\*) Pharmacopoea Suecica. Holmiae et Rigae apud .. Fr. Hartknochium. 1776. 8.

\*\*) Leipzig. 1776. 8.



bae, plantarum summitates et flores siccentur celeriter ad lenem ignem; plerique succi gummosi et gummi resinae triturentur gelu urgente et separentur ab heterogeneis: pro pulueribus compositis fiant singulorum ingredientium pulveres et deinde misceantur exactissime in mortario: cet. Comparauimus quaedam composita remedia, eaque vtiliter et apte mutata esseprehendimus e. gr. Lohoc sanum et expertum, p. 131. quod hic linctus leniens appellatur; morsuli Imperatoris, qui hic morsuli aromatici melius p. 133. nominantur: pilulae polychrestae, species cephalicae vulgo species pro cucupha dictae, diaiscordium FRACASTORII, extractum panchymagogum CROLLII cet.

Exempli loco quaedam composita medicamenta hic habeto: *Balsamum neruinum* vulgo balsamum vitae. Recipe olei stillatitii caryophyllorum, cinnamomi, lauendulae, macis, singulorum scrupulum vnum, tincturae succini vncias quatuor. Misce. *Diascordium* vulgo confectio Iaponica siue electuarium e scordio FRACASTORII. Recipe succi Iaponici depurati vncias tres, foliorum scordii, fabae pechurim, radiceis tormentillae, singulorum vncias duas, pulueratis admisce opii in vini Hispanici q. s. soluti drachmam vnā cum dimidia, syrupi rosarum vncias viginti octo. Fiat Electuarium. Si aliquandiu seruatum arescat, vini Hispanici paulum adiciendo, ad debitam crassitudinem redigatur. *Emulsio salina*. Recipe Tartari Tartarifati drachmas duas, mellis vnciam vnā cum dimidia, aquae fluuiatilis libram vnā. Solutionem in mortario marmoreo triturando misce cum amygdalarum dulcium contu-

- p. 111. contusarum vncia vna. Cola. *Extractum catharticum* vulgo extractum catholicum siue panchymagogum CROLLII. Recipe colocynthidis a feminibus purgatae vncias duas, aquae fluuiatilis libras duas, coque leni igne ad dimidium et collatura balnei calore evaporetur ad mellis crassitudinem. Tum ei admisce sequentia in puluerem tenuem trita: scilicet aloes succotrinae vncias duas, scammoniei vnciam vnā, tartari vitriolati drachmas duas. Massae ab igne remotae adde extracti nucum iuglandis drachmas tres, olei stillatitii caryophyllorum drachmam vnā. Misceantur.
- p. 146. *Pilulae saponaceae* siue pilulae anthartriticae. Recipe saponis albi Hispanici vncias duas, extracti betulae vnciam vnā, rhabarbari puluerati drachmas duas. Misceantur. *Pulvis alexiterius* vulgo pulvis sudoriferus DOWERI. Recipe calicis antimonii diaphoretici vulgo antimonii diaphoretici vnciam vnā, radice ipecacuanhae puluerisatae grana sedecim, opii grana octo. Fiat
- p. 153. pulvis bene miscendus. *Pulvis nutricum*. Recipe magnesia albae vnciam vnā, flauedinis corticum aurantiorum, feminum foeniculi singulorum drachmam vnā, sacchari albissimi drachmas duas. Mixta in puluerem redigantur. Index praeparatorum et compositorum medicamentorum finit hanc pharmacopoeam.



XIV.

Apparatus medicaminum tam simplicium, quam praeparatorum et compositorum in praxeos adiumentum consideratus. Volumen Primum. Auctore IOANNE ANDREA MURRAY D. medicinae et botanices in Academia Regia Gottingensi professore publico ordinario, horti regii botanici praefecto, Regiae Academiae scientiarum Gottingensis et Holmienfis vti et societatum oeconomiarum Bernensis et Cellensis membro. Gotting. apud Ioannem Christianum Dieterich 1776. 8. mai. pagg. 627. praeter dedicationem et praefationem.

**E**rgo in praxeos adiumentum hic apparatus medicaminum a Cl. Auctore est diligenter collectus et docte conscriptus, atque talis a nobis deprehenditur, qualem expectauimus \*). Id quod iam ex praefatione a Nostro praemissa intelligitur, in qua primum, quid ad conscribendam materiam medicam utilem pertineat, persequitur, dein suae huius ipsius rationem exhibet, cuius summa profecto perquam utiliter eo redit, vt hic colligat Cl. MURRAY tam simplicia, quam praeparata et composita medicamina in verum atque rectum practicum vsum. Ac primum quidem in materia medica recte conscribenda, vti in praefatione docet, ad historicam medicamentorum simplicium cognitionem, quae basis est reliquorum omnium, quae de medicamento scitu sunt necessaria, respicit Cl. Auctor, atque in ea requirit, vt praemisso nomine pharmaceutico et systematico talis speciei

\*) v. comm. nostr. Vol. XX. p. 512.

speciei descriptio suppeditetur, qua ab affinibus dignosci possit; subiectis synonymis probatioribus; icones selecta; cum patria et saepe quoque soli genio, quod insignem vim in mutandis stirpium viribus habet, exemplo Valerianae officinalis manifesto; et si qua cum alia specie similitudine arctius iungitur, et huius, etsi apud medicos non visitatae, notae, discriminisque vtriusque causae enumerentur. Porro character illius partis, quae in usum vertitur, suggeratur, dein signa bonitatis cet. Quapropter Ill. LINNAEI tam nomina, quam descriptiones praemisit, synonyma adiunxit hinc inde proprio studio collecta, additis fontibus; icones in libris dispersas, naturaeque conuenientissimas et pariter locos natales laudauit; nomina inter pharmaceutica memorat Anglorum et Gallorum: ex itinerariis multa imprimis exotica medicamina deriuauit; praeparata atque composita non solum Germanorum, sed etiam Anglorum, Danorum cet. pertractauit, additis praeterea variis compositis hinc inde in libris sparsis.

Historica parte medicamentorum a Nostro diligenter considerata, ad virtutes eorum expendendas definiendasque Cl. Auctor progreditur. Atque hic Cl. MURRAY non solum medicum usum curauit, sed et oeconomicum adiecit. Aliis atque aliis modis, quorsum et chemicam analysin refert, quibus hoc ab Auctoribus variis sit peractum, enarratis, optimum virtutum medicaminum magistrum experimenta iudicat, nec haec vnice in hominibus vel brutis instituta, sed etiam extra corpus viuum capta, etiam si et hic Noster monstrat antistare omnibus reliquis inuestigandi vires medicaminum modis experientiam in ipso humano corpore susceptam. Atque hic sibi posuit legem, vt iis potissimum effatis inhaereret, quarum veritas fida casuum



caluum narratione et simplicitate methodi enituit. Quae accuratio quum in recentiora praecipue cadat, ad haec praesertim sermonem restrinxit. Subinde in historiam inuentionis descendit, fatetur tamen Cl. Auctor se potuisse plura de hac dicere, si practici medici interesse haec scire putarit. Rarius modum, quo vim exferant medicamenta, explicare tentauit. Praestat enim scire, quid remedium efficiat, quam quomodo effectum edat. In huius disquisitionis locum fidam omnium momentorum, quae ad curationem spectant, commemorationem substituendam duxit, et seriem naturalem in vegetabilibus elegit, vt omnia, quae de medicamento noscenda sunt, vno loco traderentur. Vegetabilibus consideratis, cui quaedam incertae originis detecta subiunxit e. g. radicem Lopez, Columbo, Cusumini cet. ad animalia et mineralia progredietur Noster. Peculiare caput remediis arcanis destinavit, vt sunt, puluis febrifugus CLOSSII, puluis JAMESII cet. dein aquas considerabit, siue pura illa sit, vel forma fluida, vel in niuem glaciemque condensata, vel in vapores dissoluta, siue medicata. Postea curationes sequentur per aërem, per electricitatem cet. Sufficiant haec praefationis momenta praecipua ad demonstrandam huius operis perfecto magnam utilitatem, quod tribus vel quatuor voluminibus absoluetur. Primum volumen, quod hic breuiter indicemus, (sunt enim necessario Lectores ad ipsum librum legendum amandandi) stirpes sistit:

Coniferas	Sarmentaceas
Amentaceas	Stellatas
Compositas	Cymosas
Aggregatas	Cucurbitaceas
Conglomeratas	Solanaceas
Vmbellatas	Campanaceas
Hederaceas	Contortas



- p. 6. Pix saltim in Suecia, Heluetia aliisque regionibus ex pino syluestri prouenit. Terebinthina Veneta melius *laricina* dicitur. Terebinthina communis adscribitur pino piceae. Sandaracha, quae in Suecia prostat, est resina iuniperi ex formicarum aceruis collecta; Mastichi suppar vi discutiendi roborandi, inde ad suffimigia commendatur. Artifices ad vernicem albam adhibent. Oleum betulinum conuenit cum oleo fuliginis. Folia alni, (betulae alni LINN.) praestantissima ad lac puerperarum lactationem respuentium dissipandum, dum, postquam concisa super igne in disco incaluerunt et insudarunt, calide applicantur: primis diebus connubium cerefolii congruit. Hoc simplex remedium omnibus emplastris cet. praefendum est. Ulcera corrosua iisdem quoque sanari feruntur. Cardui tomentosi herba recens, (onopordon. LINN.) nondum prodignitate sua in praxi medica colitur, licet varii virtutem succi expressi in cancro, dum linteo carpto vel et ipsa herba contusa applicatur, confirmarint.
- p. 117. Abrotanum mas externe fomenti instar discutit et gangraenam figit. Abrotani feminae s. Santolinae usus est rarissimus, etiamsi vires odoris fragrantia et amarities prodant. Vermes necare, obstructions referare, hysterics subuenire et detergere referunt; alias virtutes experientia ulterius indigentes silentio praeteriit Cl. MURRAY. Iungit Noster
- p. 134. cuscutae Europaeae cuscutam epithymum. Permulta ad cicutae s. conii LINN. historiam varietatemque spectantia accurate hic collecta sunt. Oreoselinum Noster commendat. Cicuta aquatica seu virosa hodie vix in medicina usu venit, nisi radix externe applicata et uti quidam volunt, herba in emplastrum recepta. Chaerophyllum externe ad lac repellendum laudatur. Aqua Petroselini ex seminibus destillata praestat
- p. 310. aquae ex foliis eiusdem. De viis recentibus, passis aggreffis



agrestis accurate hic Cl. Auctor agit et mustum, vinorum genera, spiritum vini, acetumque diligenter persequitur. De tartaro autem seu essentiali vini facile infra inter mineralia dicet. Galii lutei radix ossa rubro colore tingit: herba vero lanam luteam reddit. Colocynth. pulp. ℥jss. anis. stellat. 3j. spirit. p. 368. vin. Gall. ℥xx. M. F. Tinctura, quae a Cl. DAHL- et 372. BERG inuenta est et prodest in chronicis capitis p. 410. doloribus, initio facto a guttis quindecim vel octodecim ter vel quater de die, augendo dosin gutta vna quotidie, donec aluus emolliatur. Puluis CORNACHINI s. ComitIS DE WARWICK s. puluis de tri- p. 500. bus s. puluis trium diabolorum, constat ex scammo- neo sulphurato, antimonio diaphoretico, cremore tartari in puluerem tritis. Silent libri materiae p. 513. medicae plerique de dentaria s. dentillaria, plum- bagine Europaea LINN. Acrimonia insignis illi tribuitur. Radix eius odontalgiae medetur, herba contra cancrum vim aliquam praestitit exter- nam. Multum hic docetur de virtute varia radiceis p. 521. ipecacuanhae, eaque specifica antidysenterica, antispasmodica, opium mitigante, haemorrhagias sistente cet. Finit hoc volumen accuratissima p. 546. et amplissima relatio de varia corticis Peruuiani virtute et designatione specierum in primo volumine contentarum.

Inuenient hic itaque medici vno loco, quae de medicamento noscenda sunt, et si quaedam desint, eorum supplementum in posterum pollicetur Cl. Auctor, nec facile poterunt carere hoc vtili libro et qui primum hoc volumen legerint, nobiscum maxima profecto voluptate expectabunt, sequentia.

Epistola gratulatoria de amygdalis et oleo amararum aethereo. Auctore PETRO IOANNE ANDREA DARIES. Lipsiae ad II. M. Augusti A. C. MDCCCLXXVI. 4. pagg. 14.

- C**um negetur ab omnibus propemodum, praecipue a NEUMANNO, oleum amygdalarum amararum aethereum, Cl. D A R I E S, data scribendi occasione, accurate et apposite hanc in rem ita inquisiuit. Exposita primum breui historia amygdalarum, in qua diuersa pericarpium putamina describit et bene distinguit, differentiam amararum et dulcium amygdalarum a cultura varia oriri notat, coloremque uti ex luglandis putamine externo, sic et ex amygdalarum putamine extrahi monet; ad praeparationem olei expressi progreditur, in eaque amygdalas ab insectis arrosas reicere suadet, cum oleum quam maxime corrumpant. Partes constitutivas amygdalarum etiam non omittit, atque praecipuam partem constitutiuam amararum oleum aethereum esse affirmat. Oleum aethereum, qua ratione obtinuerit, describit, simulque dicit oleum hocce semper versus fundum vitri descendere ibique colligi. Ex repetitis experimentis videbatur apparere, hoc oleum tantum in pelliculis partibus resinosis imbutis haerere. Amygdalae profunt in soluendis resinis et camphora et in oleo amararum expresso videntur particulae olei aetherei inesse nonnullae. Est vis venenata in amygdalis amaris et imprimis in earum oleo aethereo. Furfures vero a destillatione remanentes nihil venenati habebant, sine ullo enim detrimento eos animalibus Noster exhibuit.
- p. 6.
- p. 7.
- p. 9.
- p. 10.
- p. 11.



Experimenta autem, quae cum oleo aethereo in fringilla et rana instituit, alios effectus protulerunt. Propinauit fringillae guttulam huius olei et paucò tempore praeterlapso conuulsionibus exortis haec bestiola moriebatur. Ex his colligit in p. 12. oleo aethereo esse aethereo-resinoso - oleosas easque acerrimas particulas. Sectionem cadaueris fringillae suscepit atque oesophagum pylorumque inflammatum, in corde sanguinem coagulatum, in cranio extrauasatum, in rostro liquorem luteum spumofum inuenit. Ob defectum magnae copiae huius olei non multam experientiam in arte faciendi sibi acquirere potuit Cl. Auctor. Arbitratur vero in variis neruorum morbis, paralyfi linguae, lipothymia, malo hysterico, non inutiles effectus proferre posse. Prostat hoc oleum aethereum amararum amygdalarum Hamburgi in O H R T M A N N I pharmacopaei peritissimi officina. p. 13.

## XVI.

Academisk Afhandling om Nyttan af Medicinal-Växters samlande, ock planterning innom Riket, vnder Herr ERIC GUSTAF LIDBECKS inseende, vtgifven ock försvrad af *Eric Theodor Biörnlund*. d. 22 April. 1775. Lund. Trykt hos Hof-Camer. och Direct C. G. Berling. 26. pagg. in 4.

i. e.

Academica tractatio de vtilitate collectionis medicinalium plantarum, earundemque plantationum intra patriam, praeside ERICO GUSTAVO LIDBECK, edita et defensa ab *Erico Theodoro Biörnlund*.

Z 4

Pro-

- P**robabile esse, ait Cl. Auctor, ita a natura cui-  
cunque regioni esse prospectum, vt vegetabi-  
lia necessaria in eadem nascantur, atque minus  
omnibus peregrinis opus esse, si modo indigena re-  
cte cognoscantur et colantur. Ingentem nume-  
rum pecuniae ex Suecia auferri exoticis vegetabilibus  
ostendit, cum tamen omnes allatae plantae sponte  
illic nascantur, vel facile illic coli possint. Expe-  
rimentis enim constat, *Gentianam luteam, Saluiam,*  
p. 11. *Melissam, Lauandulam, Chamomillam romanam, Enu-*  
*lam, Anisum, Foeniculum, Carduum benedictum,*  
*Arum, Saponariam, Dictamnium album, Asarum,*  
*Rutam, Sabinam,* aliasque plures peregrinas plan-  
tas, clima frigidius perferre. Possent quidem lo-  
co harum plantarum aliae indigenae plantae repe-  
riri, quae vim medicam, sed minorem haberent,  
quae plerumque etiam gustu et odore debiliores  
p. 13. sunt; vel sunt suspectae, vt *Aster, Pulsatilla, Ri-*  
*cinus* etc. Ideoque etiam maximum est meritum  
Collegii Medici \*), quod in pharmacopoeae Sueci-  
cae noua editione omnia inutilia remedia omisit. Per-  
ennes autem et biennes herbae multae per hyemem  
durant et sponte quasi, in horto parum cultae propa-  
gantur, vt *Gratiola, Iris florentina, Crocus officinalis,*  
p. 15. *Rubia tinctorum, Cyclamen Europaeum, Glycirrhiza,*  
*Gnaphalium stoechas, Veratrum nigrum, Parietaria*  
et aliae supra iam dictae, quarum naturam et vim  
breuiter recenset Auctor.
- p. 19. Suadet nunc Auctor similes hortos medica-  
les institui, atque optat, vt pharmacopoei et chi-  
rurgi culturam et naturam plantarum bene cal-  
leant, quin etiam Theologis vtile id futurum esse  
putat, cum hoc modo, si ab vrbibus sint remoti,  
plebi herbis vtilibus prodesse possint. Pluribus  
deinde Cl. Auctor hoc consilium ad loca nonnulla  
Suecica

\*) v. supra p. 350.



Suecica applicat, atque exemplis illustrat: optandumque omnino est, vt etiam in aliis regionibus consilium hoc exsequatur, atque tum indigenae plantae diligentius colligantur et earum vires scrutentur, tum plantationes medicinalium herbarum instituantur.

XVII.

*Versuch einer Naturgeschichte des Hamsters von F. G. SVLZER, D. A. W. D. Mit 2 illuminirten und 3 unilluminirten Kupf. Göttingen und Gotha. Verlegt Johann Christ. Dieterich. 1774. 124 Seit. in 8.*

i. e.

Tentamen historiae naturalis Muris Criceti,  
Auctore F. G. SVLZER, M. D.

Satis bonae relationes et propriae obseruationes hoc in libro continentur, in cuius prooemio Auctores, qui de Mure Criceto scripserunt, recensentur, deinde vero primum exteriores partes describuntur: sequuntur tum obseruationes super interaneis, postea loca, in quibus habitat, ipsum eius habitaculum, viuendi ratio et somnus hyemalis indicantur, ac denique ea, quae oeconomiam attingunt, recensentur. Nobis ex his paucissima tantum indicare liceat.

Labium inferius Muris Criceti adeo breue est, p. 22. vt os claudere semper nequeat, nisi voluntaria contractione. Vibrissae, vtrunque in quinque seriëbus positae, oriuntur ex musculo tendinoso, qui cuti subiacet, et cum periostio maxillae superioris cohaeret, in quo cylindri parui inhaerent tan-

Z 5

quam

- p. 28. quam vibrissarum vaginulae. Pedum anteriorum pollex vix est conspicuus; vno tantum articulo instructus, ex cute vix quidquam, praeter vnguem
- p. 32. planum, rotundatumque prominet: posteriores pedes sunt pentadactyli. Notabilia sunt duo loca in lateribus, paulo ante crura, in quibus loco pilorum. *setae* positae sunt, quae si reliqui pili paullo distrahantur, in conspectum prodeunt. Sexus
- p. 41. vterque non aliis signis, nisi partium genitalium
- p. 43. differentia distingui potest. *Palatum* octo eminentibus transversis striis ornatur. Praeterea animalculum vexatur *Acaro*, qui sequentibus signis a reliquis differt: *A. Criceti*, ovalis, albus, pellucidus, pedibus aequalibus, aequae distitis, obtusis. Varietates speciei raro inveniuntur, si vlla, nigro corpore ea est, quam etiam hic depictam tradit.
- p. 55. Ex interioribus partibus notandi sunt nonnulli muscoli, qui cuti subiacent: prior musculus *cutaneus*
- p. 58. *brachii*, alter *levator caudae* dicitur. *Saccos buccales* hoc animalculum cum nonnullis *Similis* communes habet: qui quidem sunt membranacei, ovales, atque omne buccarum spatium implent, intra cutem et musculos maxillares vsque ad humeros extenduntur, atque ad colligendum et celandum
- p. 64. nutrimentum inserviunt. *Penis* vno tantum corpore caavernoso instructus, figuram S. romani imitatur: in glande est officulum, sesquilineam longum. Testiculos *Cricetus*, cum foramen annulare amplum sit, facile retrahere et protrudere valet.
- p. 72. Femininae partes genitales iis ex *Mure Ratto* sunt similes. *Renes*, sex lineas longi, 4 lati, vix emarginati sunt; intus paucis papillis instructi: glandulae suprarenales sunt lentiformes. *Hepar* quinque-lobum est, et ex lobo singulo ductus hepaticus in choledochum continuatus oritur. *Lien* trigono prismati



prismati similis ventriculo subiacet. *Pancreas* fere duplex est, sic quoque *Ventriculus*: prior p. 81. humano similis intus rugosus, cardia valuula orbiculari praedita, quae impediatur ascensum ciborum, indeque patet *Cricetum* non ruminare: alter ventriculus subrotundus est, intus et extus priori magis glaber: inter priorem et hunc est quaedam valuula, quae vero transitum non impedit. Spina p. 97. dorsi viginti sex vertebrae constat, quarum septem colli, tredecim dorsi et sex lumborum sunt: reliquam ossium structuram ulterius hic persequi brevitate impedimur.

Regiones fertiles et pingues tantum inhabitat p. 105. *Cricetus*; quales in Thuringia et Saxonia, atque aliis Germaniae locis reperiuntur. Ipsum habitaculum p. 110. singulari diligentia et cura hoc animalculum conficit: quodlibet nempe duo foramina habet, quorum alterum oblique deorsum, alterum verticaliter sursum tendit: illud variis gyris contortum, hoc fere recta ad cameras subterraneas tendit, quae ovales sunt, et quarum alia habitationi, alia nido, aliae ad reseruanda collecta semina inseruiunt. Differentiam deinde exponit, quae in habitaculo feminae et iuniorum reperiuntur.

Caeterum *Criceti* audaces sunt, et se contra p. 124. canes aliosque sui hostes defendunt, secum inuicem pugnant, aliaeque minora animalcula, Mures, Rattos occidunt et deuorant. Praeterea plantis verno tempore, et autumnis seminibus vescuntur: etsi etiam in nido eorum folia Veronicae, Papaueris Rhoeados, Chenopodii, Lithospermi, aliarumque plantarum inueniuntur. Raro, nec multum bibunt. Sunt incessu tardi, ac natura ad fodendum proni: Non quidem duobus pedibus ingredi, sed  
iis

iis tamen infedere, et prioribus manuum instar vti possunt. Irritati clamant.

**p. 142.** Medio Februarii ex somno hiberno expergiscuntur, et tum cibus, qui supersunt, vescuntur prius, quam egrediuntur ex cameris: medio Martii foramina aperiunt, feminae vero demum sub initium Aprilis. Sub finem huius mensis coeunt sub terra: femina per 4 hebdomadas grauida videtur: pulli nudi, et coeci, sed omnibus dentibus praediti, nascuntur. Capta mater pullos recens natos intercidebat: Plerumque 10-18. fetus quaelibet mater parit, non tamen eos contra pericula defendit; pulli celeriter crescunt, atque primo anno iam iterum ad propagationem apti sunt.

**p. 154.** Hostes Criceti sunt Canes, Vulpes, et Mustela Putorius. Cricetus si hieme indormire vult, aditum aëris omnem impedit, et summo tantum in frigore congelascit. Dormiens in nido suo, lateri incumbit, capite sub ventrem retracto, quod pedes anteriores cingunt et posteriores ori adiacent. Membra omnia rigida sunt, frigida, oculi clausi, respiratio non sentitur, neque cordis pulsatio. Anatomice

**p. 169.** disquisiuit Noster dormientem Cricetum. Cor minuti primi tempore quindecies contrahebatur, cum alio tempore 150 vicibus pulsat. Nulla doloris signa ostendebat, raro se contrahere nitebatur, ex extensione costarum et os aperiendo respirare velle videbatur. His vitae signis praeditus erat, reliqua omnia viscera et intestina rigida, ne sensilitatem quidem monstrabant. Sanguis in pectore accumulatus, fluidus, oleosus et dilucidioris, quam aestatis, tempore, coloris erat. Causam huius rigoris Cl. Auctor ponit et in aëre, sub terra incluso, et in frigore, quod a puncto congelationis proxime adest.

Enar-



Enarrat deinde Cl. Auctor phaenomena, quae, cum euigilat Cricetus, obseruauit.

Quoad hominem hoc animal maiora conficit p. 176. damna, quam vsum praestat. Nocet deuastando cerealia. Prodest deuorando mures, pelle, et carne. Describitur modus Cricetum ex habitaculis exfo- p. 185. diendi. Icones bonae sistunt brunum Cricetum cum varietate nigra depictum: deinde Acarum, buccales faccos, partes genitales et capitis sceleton repraesentant.

### XVIII.

De Metallis petrefactis recitatio, quam in confessu Ducalis Societatis Latinae Ienensis d. 1 April. An. 1775. habuit, deinceps nonnullis additamentis auxit ADAMVS POTKONICZKY, Pannonius - Neosoliensis. Ienae, Litteris Straussianis, 3 plagg. in 4.

**N**oua quidem, sed vix satis probata sunt, quae proponuntur a Cl. Auctore. Si animalia aut vege- p. 4. tabilia in petras mutantur, duplicem subeant necesse est mutationem, et euaporationem, et impraegnationem. Fluidiores nempe illorum partes dissipantur, solidiores remanent, earumque interstitia nouis terrenis particulis, in aqua, cui haec corpora immissa sunt, haerentibus, replentur, sicque corpora illa duriora redduntur, seu in lapides mutantur.

Metalla constare videntur Auctori, partibus p. 6. terrenis, mercurialibus, salinis et sulphureis. Priores sunt *fixiores*, reliquae *volatiliores*, quae vel per varia salia, vel singulae per se, vel plures simul coniunctae et cum sulphureis mixtae, aut plane,

plane, aut ex parte, corrodi et resolui possunt: sic aërem, aquas et humum abundare sequitur. Iam si metalla, vel aëri tempestatibusque exposita, vel sub humo sint, si aquis madeant, aut merfa sint, corrosio et resolutio partium volatiliorum, quae *evaporationi* est simillima, sequitur; tum particulae fixiores metallorum residuae adhaerebunt partibus terrenis, in aqua haerentibus: sic eorum interstitia his implebuntur, ipsaque duriora, seu petrificata euadent.

**p. 9.** Metalla, quae pauciores et subtilissimas habent particulas terrestres, vel nunquam, vt aurum, argentum, vel rarissime, vt stannum et plumbum, *petrefacta* inuenientur; copiosius contra, quae plures et crassiores continent, vt cuprum et ferrum, idque posterius inprimis natura sua, mutationi in petram idoneum est.

**p. 12.** Iam *metalla* etiam *petrificata* inueniri comprobare annititur. Non procul ab vrbe Ienae inventum in fonte *ferrum petrificatum* dicitur; nam adhaerebat in aditu fontis lapidi laterali, de quo olim valuae suspensae erant, eiusque parti inferiori aquae immersae adeo, vt vi esset decutiendum; formam cardinis prae se ferebat; coloris lutei sub rubicundi erat, et pluribus locis particulae metallicaе ferreae supermanferant. Sic etiam in Vngaria maior moles ligni petrefacti, et in eo tres clauī maiores, in lapidem luteo rubrum, duritiae a reliquo diuersum, commutati, inuenti fuerunt. Quin

**p. 14.** imo in museo Ill. WALCHII contineri ait Auctor tria ferri petrificati exempla. 1. Fragmentum gladii cum vaginae parte in lapidem solidum mutatum, in cuius mediae adhuc nonnullae ferreae particulae sunt. 2. Ancorae pars, in vncum desinens.  
3. Cla-



3. Clavis, nodo maiori, cuspide truncatus: in quorum media parte etiam conspiciuntur ferreae particulae.

Nobis mutatio fieri posse videtur, sed minus recte petrificatio dicitur: cum, vti recte iam alius Auctori obiecit, in iis non sit conspicua futura eorum structura naturalis. Ipsi<sup>us</sup> ochrae ferreae origo ita forte nonnunquam explicanda est.

## XIX.

STEPHANI BLANCARDI lexicon medicum tripartitum renouatum, in quo artis medicae termini, in anatome, chirurgia, pharmacia, chymia, re botanica, etc. v<sup>is</sup>itati, dilucide et breviter exponuntur. Hisce adiungitur Graecorum vocum etymologia, tum earum belgica, germanica, gallica, anglica etc. interpretatio, cum indicibus locupletissimis. Editio nouissima, cui, quae nouiter inuenta, aut nunc rectius cognita sunt, addidit et interiecit D. IACOBVS FRIDERICVS ISENFLAMM Seren. Margg. Brandenb. Onold. et Culmbac. Consil. Aulicus, in Acad. Frider. Alexandr. Erlang. Medic. et Anat. Prof. Publ. Ord. Acad. Imper. Natur. Curios. Collega. Vol. I. A—M. cum gratiosissimis priuilegiis S. Caes. Maiest. et Ser. Elect. Sax. Lipsiae Sumtibus Eng. Benj. Schwickerti MDCCLXXVII. 8. pagg. 832. praeter praefationes.

Non

**N**on possumus non, quin indicemus breuiter hanc nouissimam eamque summe necessariam lexiçi Blancardiani editionem, diligentissimo curatam a Cl. ISENFLAMM. Quantum sit huius editionis augmentum, iam ex titulo quodammodo patet. Non solum enim Cl. ISENFLAMM multa loca mutauit et ab erroribus liberauit, sed et multas nouas interiecit res easque breuiter, et profecto accurate definiuit. Pertinent autem omnes res, in hoc lexico medico collectae, ad rem medicam. Pauca hinc aut vix vlla de iis plantis, mineris, conchyliis, insectis aliisque animalibus inueniuntur, quae solum conquirat nouitatis et raritatis studium asseruat, et intuetur curiositas. Aliena sic Cl. ISENFLAMMO fuere, quae aliena a materia medica. cet.

Gratias itaque habemus Cl. ISENFLAMMO maximas pro insigni studio et assiduitate, quam in lexico hoc renouando atque locupletando adhibuit. Superat enim id profecto tum rerum copia, tum diligentia priora quae haëtenus publicata fuerunt, atque medicis maxime commendandum est.





XX.

Noua physico medica.

**S**ocietas et commercium Litterarium Regium Medicinae, nuper *Parisiis* fundata, prima iam vice conuenit: et definita laborum suorum ratione, quaestionem proposuit.

*Quae sunt in febribus exanthematicis circumstantiae, ubi regimen frigidum praeferrendum est calido, et ubi contraria methodus adhibenda est?*

*(Quelles sont dans les fièvres exanthématiques les circonstances, où le régime rafraîchissant est préférable à l'échauffant, & celles où il faut employer une méthode contraire?)*

Quicumque hancce rem diiudicare proposuerit, systematis rationem fugere, at ante 1 Junii 1777 solutis vestigalibus ad Cl. VICQ - D' AZIR *Parisiis* commentarium mittere rogatur. Optimae elaborationi praemium trecentarum librarum mense Augusto 1777 concedet Societas. Societatis Praeses est Cl. LASSONE.

Celeberrimus medicus Batauus ad quaestionem *Parisinam*, quam in nostris commentariis\*) repetitam legerat et quae remedium complectebatur, quo infestum variolarum virus infringatur, respondit et hos aphorismos nobiscum benevole communicauit.

I. Variolae sunt morbi non inflammatorii, sed inflammatio cutanea ipsarum est symptoma.

Quod probatur ex contagio inflammationi haud proprio, tum et ex absentia inflammationis in benignis variolis.

II. Va-

\*) vid. comm. nostr. Vol. XX. p. 729.

II. Variolae sunt species exanthematum erysipelatosorum.

Quaecunque enim in genere de erysipelate a probatis Autoribus praedicantur, variolis competunt.

III. Erysipelas variolosa tendit in corruptionem acrem, unde febris continua putrida exanthematica.

Docent foetor, dolor, pustulae, linguae squalor, caeteraque.

IV. Si inflammatio pergit, variolae fiunt purulentae; si praecaveatur vel abigitur, pustulae erunt aquosae, crustaceae, ficescentes.

V. Diagnosin huius inflammationis, est pulsus durus, caeteraque signa communia.

VI. Sedes inflammationis non in ipsis pustulis, sed has circumambiens in cute nonnunquam luculenter apparet.

VII. Inflammatio cutis variolas prae caeteris periculosas sistit, et a principio ad finem debellanda venit, quod sequentem in modum perficitur.

α) V. S. pro re nata iteranda, simulac variolae praesagiuntur, est instituenda.

β) Potus per totum morbi decursum sit copiosus cuiusvis generis, aqueus, acidiusculus, humectans, lacte solo interdicto.

γ) Simulac variolae erumpunt, ubicunque vel dolor vel pruritus adest, cutis decocto fabarum diligenter foveatur.

δ) A principio ad finem morbi quotidie exhibeatur purgans, plurimum vero interest, quale? sequens vero specificè agere autumo, cuius assertionis lapis lydius sit experientia:



R. Fol. Senn. mund. zij — 36.

Succ. Citr. rec. Nij.

F. Infusio cum Aq. feruent. ℥j—℥ij.

Colatur. add.

Syr. Rosar. fol. cum Senn. ℥j.

F. Haustus mane sumendus.

ε) Verum quod prae ceteris inculco, per octiduum morbi primum, plane nullo, si fieri poterit, utatur cibo vel alimento, quod jeiunium si nimis durum videtur, tenuissimum hordei decoctum concedam.

ξ) Surgat aeger e lecto fruaturque aëre libero, quantum licet.

7) Ita febrem secundariam fere nunquam  
incidunt, nec aphthae, nec ptyalismus ce-  
teraque symptomata, immo perraro vario-  
lae suppurantes, morbusque iam regulariter  
et placide decurrit, stadiumque exsiccatio-  
nis absoluit feliciter.

Nostrum duximus, hos aphorismos ita, vti nobiscum communicati sunt, hic inferere, cum tempus Ipsi Facultati Medicae Parisinae eos offerendi praeterlapsum sit et haec medendi ratio digna videatur, quae ulterius perpendatur a medicis practicis. Nomen vero Auctoris reticemus, Eo Ipso ita volente.

Cl. sodales Academiae Regiae scientiarum *Parisienſis* loco Cl. DE FOVCHI \*) Ill. DE CONDORCET munus ab epistolis Academiae perpetuum mandarunt.

Cl. IOANNES PHILIPPVS DV ROI medicinae  
doctor et Praefidii Militaris Brunfuicenfis medicus

Aa 2                      ordina-

\*) v. comm. nostr. Vol. VIII: p. 547.

ordinarius die 1 maji. 1776 inter sodales Academiae Imperialis Naturae Curiosorum est receptus.

Cl. IOANNES IACOBVS REICHARD Medicinae Doctor *Frankfurti ad Moenum* Practicus Ordinarius et horti botanici Senkenbergiani praefectus die 11 nouembris 1775 Academiae Imperialis Naturae curiosorum et die 24 maji. 1776. Societatis Academicae principalis Hassiacae, quae *Gießae* floret, factus est sodalis ordinarius.

Cl. HENRICVS CHRISTIANVS FEIN Prouisor primarius in pharmacopoea Regia post obitum Cl. b. BRANDES \*) in locum Professoris Publici chemiae et pharmaciae in collegio medico chirurgico Berolinensi est designatus.

*Harderouici* mense augusto 1775 in locum Virorum Cll. N. G. OOSTERDYK, P. A. NAHVIS et I. TH. ROSSYN, quorum primus *Lugduni Batavorum* vocatus est, alter et tertius *Ultraiectum*, suscepti sunt:

Cl. MATTHIAS VAN GEVNS Medicinae Doctor, haecenus Practicus Groninganus eiusque Metropolis Physicus et Archiater, tanquam Medicinae, Praeaeos, Chemiae et artis obstetriciae Professor Ordinarius, vt et Regionis Gelrozutphanicae Archiater;

Cl. RVDOLPHVS FORSTEN Medicinae Doctor *Lugduno Batauus*, vt medicinae theoreticae, anatomes et chirurgiae Professor ordinarius,

Cl.



Cl. BERNARDVS NIEVHOFF haëtenus  
Philosophiae Professor in Gymnasio  
Dauentriensi, tanquam Philosophiae,  
Matheseos et Astronomiae Professor  
ordinarius.

Habuerunt die natali Academiae iunio 1776  
anni Cl. VAN GEVNS orationem inauguralem in  
quaestionem: *an expediat Reipublicae medicinam fa-  
cientium opera?* Cl. FORSTEN de Belgarum meritis  
in physiologiam corporis humani; Cl. NIEVHOFF de  
hodiernorum sensu recto in physicis.

*Upsaliae* dimissionem petiit Ill. LINNAEVS  
senior a munere Professoris. At Rex Clementissi-  
mus Illo in regimine Academico carere noluit,  
ideoque iussit, vt a praelectionibus quidem vaca-  
ret, stipendio instructus emeriti; attamen Consi-  
storii Academici et Facultatis Medicae sessionibus  
interesset pro arbitrio. Eius filius autem ordina-  
rius constitutus est Professor cum ordinario  
stipendio.

*Ibidem* Cl. SPARRMANN, qui cum FORSTERIIS  
iter ad Polum Antarcticum fecit, in patriam redux  
est et itineris sui diarium elaborare studet: Aues  
illius sub itinere collectae infelici fato Gothoburgi  
flamma perierunt. GEORGIUS ROTHMANN, qui  
anno 1773 in Africam vela dabat, regionesque di-  
tionis Tripolitanae interea perlustravit, etiam hoc  
anno domum reuersus est.

Experientissimus I. G. GALLESKY *Chronopoli*  
(Tilsit) die 12 iunii 1776 mortuus est. Librorum  
et rerum naturalium apparatus, quem reliquit,  
bibliothecae eius vrbis donauit.

Experientissimus ARONS SOHN die 14 iunii 1776. *Berolini* desinit vivere.

Die 4 septembris 1776. Celeberrimus ANTON DE HAEN septuagesimo et tertio aetatis anno *Viennae* e viuis ereptus est.

Cl. IOANNES ELLIS historiae naturalis peritissimus Regiae Societatis Socius *Londini* octobris mense 1776 obiit.

## XXI.

Index physico medicorum scriptorum quae anno 1774 prodierunt.

Catalogue hebdomadaire cet. v. comm. nostr. Vol. XVII. p. 165.

Philosophical Transactions Vol. LXIV. v. ib. Vol. XXI. p. 112.

Abregé de l'histoire & des mémoires de l'Académie Royale des sciences de Paris concernant l'histoire générale et particuliere, la physique, la chymie, la médecine & toutes les sciences naturelles. Par Mr. PAVL de la société royale de Montpellier & de l'Académie de Marseille Tom. V. à Paris 4. (*Quaedam mutavit annotationesque breves addidit Cl. Editor*).

Histoire & mémoires de l'academie royale des Sciences de Paris Année 1771. v. comm. nostr. Vol. XXI. p. 401.

Tables de l'histoire & de mémoires de l'Académie Royale des sciences. Tom. VIII. à Paris 4.

Mémoires de l'Académie Royale de chirurgie. Tom V. à Paris 4. (*Eiusdem libri tomi XIII. XIV. et XV. ibidem in forma duodecima prodierunt.*)

Mémoi-



Mémoires de mathématique & de physique présentées. Tom. VI. v. comm. nostr. Vol. XXI. p. 453.

Noui commentarii Petropolitani Tom. XVIII. v. ib. p. 575.

Kongl. Vetenskaps Handlingar Vol. XXXV. v. comm. nostr. Vol. XX. p. 375.

Eiusd. libr. versio Germanica. per Ill. KAESTNERVM. v. ib.

Societatis medicae Hauniensis collectanea Vol. I. v. ib. Vol. XXI. p. 233.

*Berlinische Sammlungen VI. Band*, (cuius epitome cum quinto volumine huic ipsi commentariorum nostrorum volumini breuiter inserta est.)

Almanach de santé à Paris 12.

*Neue Mannichfaltigen. Zweyter Jahrgang Berlin 8.* v. comm. nostr. Vol. XXI. p. 360.

*Der Arzt der Reisenden. Langensalza. 8.*

*Vermischte Beyträge zur physikalischen Erdbeschreibung. Erster Band. Brandenburg 8. m. K. vid. comm. nostr. Vol. XXI. p. 360.*

*Verhaltensregeln bey nahen Donnerwettern, nebst denen Mitteln sich gegen die schädlichen Wirkungen des Blitzes in Sicherheit zu setzen, zum Unterricht für Unkundige. Gotha 8. m. K.*

Catalogue des curiosités naturelles, qui composent le Cabinet de M. De \* \* \*. ib. 8.

*Der Naturforscher 1stes bis 6tes Stück. Halle 8.* (quem librum proxime indicabimus).

Four introductory lectures in natural philosophy Lond. 8.

*Handbuch der Naturgeschichte Dritter, Vierter und letzter Band. Aus dem Französischen. Nürnberg*  
Aa 4 berg

berg 8. m. K. vid. comm. nostr. Vol. XXI.  
pag. 372.

*Beyträge zur Beförderung der Naturkunde Erster  
Band. Halle 8. (Varia continet omni attentione  
digna).*

The scripture - theory of the earth throughout  
all its revolutions and all the periods of its  
existence, from the creation to the final reno-  
vation of all things. Lond. 8

Table pour servir à l'histoire anatomique & naturel-  
le des corps vivans à Paris. fol. v. comm. nostr.  
supra pag. 263.

Hortus Malabaricus v. HILL.

Icones lignorum exoticorum cet. v. comm. nostr.  
Vol. XXI. p. 205.

Onomatologia botanica completa. Tom. VI.  
Franc. et Lips. 8. maj.

*Sätze aus der Naturgeschichte der Pflantzen und dem  
Ackerbaue, nach welchen die Herren CHRISTIAN  
Graf AICHHOLT FRANZ VON KIENMAGE, GEOR-  
GE Graf FESTETITS von Tolna; IOHANN Graf  
HADICK, IOSEPH Freyherr LVSINSZKY VON  
RIGLICZE, IOSEPH Freyherr VON PÜCHLER an  
der K. K. Theresianischen Akademie geprüft wor-  
den. Wien 8.*

*Historische Mineralogie oder Beschreibung der Mine-  
ralien und Anzeige der Oerter, wo sie gefun-  
den werden. Breslau und Leipzig 8. (Auctor est  
IO. GOTTL. VOLKELT, liber compilatus, nec  
semper bene.)*

*Beyträge zur Naturgeschichte, besonders des Mine-  
ralreichs aus ungedruckten Briefen gelehrter Na-  
turforscher und aufmerksamer Freunde der Natur.  
1ster Theil Altenburg 8.*



Multa vtilia hoc in libro traduntur, vt de quibusdam lapidibus et petrefactis Wimariensis regionis, de fossilibus variarum regionum, de concha triloba rugosa f. *Entomolitho paradoxo* LINN. ex cuius diuersis indiuiduis componitur insectum ignotum, cancro quodammodo simile; de *Blemnite*, vbi negatur FERMINVM eius protypum detexisse, aliae vtilis obseruationes de petrefactis, et quibusdam muscis, etc.

*Abhandlungen der freyen oekonomischen Gesellschaft etc. Aus dem Russischen ins Deutsche übersetzt. Petersburg und Riga 8.*

*Altmarkisch oekonomisch physikalisch Magazin. Berlin 8.*

*Berliner Beyträge zur Landwirthschaftswissenschaft. Erster Band. Berlin 8.*

*Schriften der Leipziger oekonomischen Societät. Dresden 8. mai.*

*Gesammlete Nachrichten von den Verfahren der Holländer, wenn sie wasserdichtes Mauerwerk machen. In zwey Sendschreiben nebst beygefügtten zween Kupfertafeln einem guten Freunde mitgetheilt von —. Dresden und Leipzig 8. m. K.*

*Abhandlung von Hacken als einem vorzüglichen Ackerwerkzeuge anstatt des Pfluges. Berlin 8. m. K. (Multis argumentis et experimentis demonstrat Auctor in plurimis regionibus hamum esse aratro praeferendum. Vtilis oeconomis liber).*

*Briefe über die Stallfütterung. Von einem Mitgliede der oekonomischen Gesellschaft in Bern. Bern. 8.*

*Sicheres Mittel um künftigen Hornviehseuchen zuverlässig vorzubeugen von einem ächten Patrioten. Glogau 4.*

*Abhandlungen und Erfahrungen der fränkisch physikalisch oeconomischen Bienen-Gesellschaft auf das Jahr 1772 und 1773. Nürnberg 8.*

*Nachtrag zu den Anmerkungen zur Verbesserung der Bienenzucht in Sachsen. Dem Publiko zum Besten herausgegeben von einem Bienenfreunde in Plauischen Grunde bey Dresden. Dresden 8.*

*Kurtze Abhandlung derjenigen inländischen Pflanzen durch deren unvorsichtigen Gebrauch bey Menschen und Vieh großer Schade ja der Tod selbst veranlasset werden kann. Durch ein Mitglied der ökonomischen Gesellschaft in Bern. Bern 8. maj. (Complectitur hic liber ea, quae Ill. HALLERVS iam de hac re proposuit).*

*Kurtze Abhandlung von den oeconomischen medicinischen und mechanischen Nutzen und Gebrauch der inländischen oder bey uns freywachsenden Bäume und Stauden ib. 8. (Auctor tam huius libri, quam antecedentis dicitur I. H. KOCH. Plantae insignitae sunt Linnaeanis, Hallerianis et Helueticis nominibus).*

*History of Iamaica: or general Survey of the ancient and modern state of that Island, with reflections on its situation, settlements, inhabitants, climate, products, commerce, laws and Governement. Lond. 8. (De saccharetis et de casto, ficus Indica dicto, quaedam oeconomica. Commendantur etiam recte arboreta et cultura arborum exoticarum utilium v. c. earum, quae aromata largiuntur, in hac insula).*

*A tour to Scotland and voyage to the Hebrides anno 1772. Chester 8. (Auctor est THOMAS PENNANT).*

*The additions to the quarto edition of the tour in Scotland 1769 and the new appendix reprinted for*



for the accommodation of the purchasers of the first and second editions. Lond. 8. (Auctore THOMA PENNANT).

*Anmerkungen auf einer Reise nach der Levante.*  
V. DOHM.

*Reise eines französischen Officiers nach den Inseln Frankreich und Bourbon dem Vorgebürge der guten Hoffnung u. s. w. Nebst neuen Bemerkungen über die Naturhistorie und die Menschen. Aus den Französischen übersetzt und mit einigen Anmerkungen versehen. Altenburg 8. v. comm. nostr. Vol. XXI. p. 365.*

*Succincta medicorum Hungariae et Transilvaniae biographia v. ib. Vol. XX. p. 638.*

*Nouvelle chymie du goût & de l'odorat, ou l'art de composer facilement & à peu de frais les liqueurs à boire & les eaux de senteur. à Paris 8. c. f. (Nova editio aucta emendataque).*

*Pharmacopoea collegii regii medicorum Edinburgensium. Edinburg. 8. (Nova medicamina huic editioni, quae iam 1776 additamentis Cl. BALDINGERI aucta in Germania, denuo vulgata est, sunt adiecta et antiqua quaedam omissa).*

*Auserlesene kleine Werke dreyer berühmter Englischer Chymisten Herrn PRIESTLEY, HENRY et BLACK die Schwängerung des gemeinen Wassers mit fixer Luft, die Magnesia und Kalckerde, die Fäulungswidrige Kraft gewisser Arzeneyen und andre erhebliche Gegenstände betreffend. Kopenhagen und Leipzig 8. m. K. (Plurima, quae aërem fixum spectant, legi possunt in comm. nostr. Vol. XXI. p. 83. 89 seqq. p. 124 et 126).*

*Chymische Abhandlungen von Salpeter. vid. ib. pag. 261.*

Remark's

Remark's on Mr. THOMAS HENRY'S improved method of preparing magnesia alba cet. By a physician Lond. 8. (*Verbosus liber communia de magnesia profert atque Auctor problema chemicum nondum resolutum se solvere gloriatur: decomponere nempe sal Epsomienſe et colligere terream eius baſin puram, hac ſcilicet ratione. Coctae ſolutioni tenui ſalis cathartici Anglici addit lixiuium alcalinum, praecipitatum denuo coquit et poſtea fundit in aquam bullientem multotiesque aqua eluit*).

A refutation of Mr. HENRY'S ſtriſtures on GLASS'S magnesia, ſupported by a ſeries of experiments made under the inſpection of many Gentleman of the faculty in the univerſity of Oxford. To which is annexed a recommendatory letter from the late celebrated Dr. HUXHAM. By the preſent proprietor of GLASS'S magnesia. Lond. 8.

An eſſay in favour of ſuch public remedies as are uſually diſtinguiſhed by the name of Quack — medicines: wherein the obiections thereto made againſt them, are fully answered, and their virtues ſet forth in a proper light, by a country Gentleman &c. ib. (*Sine anno et forma.*)

Mémoire ſur l'influence de moeurs des françois ſur leur ſanté à Paris 12.

An eaſy way to prolong life by a little attention to our manners of living. P. I et II. London 8.

*Die Kunſt das menſchliche Geſchlecht fruchtbar zu machen. Langenſalza. 8.*

*Vermiſchte Aufſätze über die körperliche Erziehung der Kinder. Buding. 8.*



Principes d'institution, ou de la maniere d'élever les enfans des deux sexes, par rapport au corps, à l'esprit & au coeur. à Paris 12.

*Bequemes Handbuch zur vollständigen Kochkunst. Schwerin und Güstrow 8.*

Vocabulaire de la nosologie de M. SAUVAGES, contenant tous les termes techniques, qui s'y trouvent avec leur explication, leur analogie & leur renvoi au corps même. à Paris 8. Voll. 3. (*Etymologiam nominum morborum continet.*)

Animadversions on a late treatise on the kinkcough. v. comm. nostr. Vol. XXI. p. 657. (*Hunc tractatum de tussi convulsiva GUILIELMVS BUTTER scripsit, quem inuenies ibidem p. 649.*)

Nouveau traité des contre coups de la tête à Paris 8.

The London practice of physic, the second edition. Lond. 8.

Considerations on the use and abuse of antimonial medicines in fevers and others disorders: containing a chemical examination of all the antimonial preparations in the several dispensatories: and a special inquiry into the nature, properties and effects of febrifuge medicines particularly emetic tartar Dr. JAMES and the Edinburgh powder, read in a society of physicians and published, by Order of the President and council. Lond. 8.

The medical magazine: or general repository of practical physic and surgery. Calculated for the aid and assistance of the physicians, the surgeon, the apothecary, the chemist and the private Gentleman; and essentially necessary to conduct medical

dical students and hospital pupils. By a society of Gentleman of the different branches of the profession ib. 8. (*Singulare institutum est, cum quivis fasciculus aliquot paginas lexicæ medici, aliasque physiologiæ, anatomiciæ, chemiæ, chirurgiæ, versionis libri Ill. MORGAGNI de sedibus et causis morborum, nec non observationes practicas ex recentioribus Auctoribus sæpe collectas cet. comprehendat.*)

De thermis Borboniensibus apud Campanos Specimen medico-practicum siue de legitimo circa illos tractatu practico Prolegomena. Caluomonti 4. (*Auctore D. IVVET.*)

Aduersaria medico practica Vol. III. P. IV. v. comm. nostr. Vol. XX. p. 674.

*Medicinische Commentarien einer Gesellschaft der Aerzte zu Edinburg. Altenburg. 8. (Cl. KOENIGSDÖRFER curavit hanc versionem).*

Reliqua proxime.

---



Contenta in hac parte.

I.	Journal de médecine cet. Par Mr. ROUX Tom. XXXIX et XL.	p. 195
II.	Journal d'un voyage cet. Par Mr. COLLINI.	252
III.	ZIMMERMANN <i>Beobachtungen auf einer Hartzreise etc.</i>	261
IV.	Table pour servir à l'histoire anatomi- que & naturelles de corps vivans.	263
V.	JACQVIN Hortus botanicus Vindobo- nenfis.	271
VI.	STECHMANN diff. de artemisiis.	298
VII.	MÜLLER zoologiae Danicae prodromus.	302
VIII.	<i>Berlinische Sammlungen zur Beförderung der Arzneywissenschaft der Naturge- schichte V und Viter Band.</i>	307
IX.	DE KRZOWITZ historia februm inter- mittentium omnis aevi obseruata cet.	322
X.	NICOLAI Pathologie IIIter Band.	334
XI.	DIMSDALE de morbis cutaneis.	338
XII.	An Essay on the most effectual means of preserving the health of seamen in the Royal navy cet. By LIND.	340
XIII.	Pharmacopoea Suecica.	353
XIV.	MURRAY apparatus medicaminum.	354
XV.	DARIES epist. gratulat. de amygdalis et amararum oleo aethereo.	358
XVI.	LIDBECKS afhandling om nyttan af medicinal växters samlande ock plan- terning innom riket.	359
		XVII.

- XVII. SVLZER *Versuch einer Naturgeschichte  
des Hamsters.* p. 361
- XVIII. POTKONICZY de metallis petrefa-  
ctis. 365
- XIX. BLANCARDI lexicon medicum triper-  
titum renouatum per ISENFLAMM  
Vol. I. 367
- XX. Noua physico medica. 369
- XXI. Index physico medicorum scriptorum,  
quae anno 1774 prodierunt. 374
-